

كفاح أم

فهد درباله - كفاح أم ، رواية

ISBN : 978-977-798-097-5

رقم الإيداع : ٢٠١٧/٢٩١٥١

إن دار الحلم للنشر والتوزيع غير مسؤولة عن آراء المؤلف وأفكاره ، وتعبر الآراء الواردة في هذا الكتاب عن آراء المؤلف ، ولا تعبر بالضرورة عن آراء الدار
جميع حقوق الطبع والنشر محفوظة للدار
ولا يجوز طبع أو إعادة استخدام أي جزء من العمل في أي صورة كانت
إلا بموجب موافقة خطية من الناشر



© دار الحلم للنشر والتوزيع

عضو اتحاد الناشرين المصريين

القاهرة - جمهورية مصر العربية

Mob : 00201141824562

dar_el7elm@hotmail com

info darel7elm@Gmail com

كفاح أمر

(شكرا يا أمي أحضرتي كل شيء ولم يحضر أبي)

رواية

فهد سريالته



(إذا رحلت الأم رحل كل شيء)

شكرا لحمل روايتى الاولى

اهداء

الى أبي وأمي

أتمني لك قراءة ممتعة

الخميس ٩ سبتمبر ٢٠١٠

وقفة عيد الفطر

العاشرة صباح

تأتي سيارة مرسيدس بيضاء اللون تمشي على طريق زراعى يمين الطريق اشجار زينه وعلى الشمال المقابر واثر التراب في الهواء خلف السيارة تقف السيارة جانب الطريق اليمين تحت الاشجار ويفتح باب السيارة علي مقابر مجمعة للقرى المجاوره تضم اكثر من اربع قرى وهى

(كفر حميد) (الدناوية) (كفر الرفاعى) (عزبة الورد)

المقابر من الداخل يدخل شاب طويل القامة فى سن الثلاثين بشرة بيضاء يرتدى قميص اسمر وبنطلون جنز ازرق و نظارة سمراء يمسك بطفل فى يده اليمين عمره ست سنوات يرتدى قميص احمر بخطوط سمراء وبنطلون جنز وكوتش ابيض وفى يده الشمال بنت فى قرابة الاربع سنوات ترتدى فستان احمر وينظر الشاب بعيد داخل المقابر ويتسمم ابتسامه خفيفة كأنها رأى احد غائب منذ زمن بعيد وقد عاد ويقترب من احد المقابر والاطفال معه ويقف امام مقبرة

يخلع النظارة ويدعها فى جيب القميص ويرفع يده ويقرأ الفاتحة ويضم يده على وجهه ويقف ينظر الي المقبرة والولد الصغير يقف على يمينه والبنت على شماله فى صمت وينظر الطفل وهو يمسك يد الشاب

_ بابا

ينظر اليه اباه

_هو احنا مش هنجيب لبس العيد مش انت قولت انك واخذنا
 علشان نجيب لبس
 يهمس الاب براسه نعم
 وينظر الشاب الى المقبرة وفي صمت تدمع عيناه ويأخذ نفس عميق
 ويغمض عيناه
 ويسمع الماضي

الخميس ٧ يونيو ١٩٨٦

وقفه عيد الفطر

الساعة العاشرة مساء

بيت قديم بالطوب الناي على حافه ترعة امامه اشجار وداخل
 البيت صوت الأم وهى تقيس لبس جديد لطفلين قبل العيدوقد اتي
 زوجها باللبس للاولاد بعد ان عاد من العمل
 انها (صباح) زوجة (ابراهيم)

تعيش (صباح) مع زوجها الذى يعمل (حارس امن) فى احد
 الشركات الخاصة ويملك ابراهيم نصف فدان من الأرض وهو الابن
 الوحيد لوالده وكان يعمل والد ابراهيم بحار وهو الذى اتي به الى
 القرية وعاشا فيها بحكم عمله حتى كبر ابراهيم وتقدم ليخطب
 (صباح) بنت الحاج (عبد الرحيم) شيخ البلد
 عبد الرحيم كان رجل محبوب بين الناس ويملك من الطين الكثير
 حتى كان فى وقت من الاوقات ارادت الناس ان يدخل انتخابات
 العمدية ولكن رفض انه يقف امام صديق عمره (خيرى) وكان
 مقدم فى الانتخابات فى ذلك الوقت

وكان عبد الرحيم لديه من الإبناء ثلاث أولاد ولدين و بنت الولدين
(وحيد) هو الابن الاكبر و(محارب) هو الابن الوسط بين وحيد
وصباح يكبر صباح بسنة

وبعد ان مات (عبد الرحيم) رفض محارب ان يعطى صباح حقها
حتي الان بعد ان سافر وحيد ولم يعود ولكن لا تريد صباح ان
تطلب منه شئ وتنسى ذلك الورث

تقف صباح وتقيس للاولاد اللبس الجديد في احد غرف المنزل
القديم وعندما يفتح باب البيت تجد غرفة على اليمين وهى
غرفة الأولاد وبجانها مطبخ صغير وحمام وغرفتين على الشمال
هى غرفة نوم صباح و ابراهيم وفي وسط البيت سلم من الطين
للصعود الى فوق وزير ماء بين الغرفتين وفرن بلدى جانب السلم
وكانت سقف البيت بالجريد والعروق المنزوعة من النخيل اما
ابناء (صباح) فالابن الاكبر هو (عماد) خمسة سنوات والاصغر
(محمد) ثلاث سنوات و ابنة عمرها سنة (سعاد)

غرفة الولاد تقف صباح امام سرير الأولاد هى امراة جميلة جمال
الريف النقى الذى يخلو من الغبار على الوجه فى سن الثلاثين من
العمر طويلة الى حدا ما ترتدى جلابية خضراء عليها ورود مختلف
الالوان ويقول عماد بعد ان لبس اللبس

_ انا هنام باللبس

_ لياحبيبي عشان مايتوسخس منك وتعرف تصلى العيد وانت
نضيف

محمد بعد ان لبس اللبس الجديد

_ امه انا تدا حلو

تبتسم صباح وهى تحضن ابناءها حلو يا حبيبي

يالا بقي نقلع اللبس ونام علشان نقوم بكره بدرى
 يخلع الاطفال اللبس وينامون على السرير وتغطيهم الأم وتخرج
 من الغرفة وهى تحمل سعاد على كتفها وتدخل غرفة النوم
 الخاصة بها ويجلس ابراهيم داخل الغرفة فى انتظارها

الغرفة بها سرير نحاس ارجلها تعلى الأرض بأمتار ويغضى السرير
 نموسية مرفوعة على جانب السرير ويوجد كومدينو على يمين
 السرير ودولاب جديد الي حدا ما خلف السرير يجلس ابراهيم
 على السرير يرتدى جلايية قديمة وهى خاصة بالنوم وامامه علبة
 السجاير ومشط كبريت وورق بفرة ويلف سيجارة هو شاب فى سن
 الخمسة والثلاثين من العمر بشرة قمحوى شنب أسمر ويكسو
 شعر الرأس شعر أبيض خفيف وعندما تدخل صباح يكون انتهى
 من لف السجارة وينظر الي صباح وهو يمسك مشط الكبريت

_ ايه الأخبار اللبس على قد العيال

_ حلو ربنا يخليك لينا

تتيم صباح سعاد على السرير جانب ابراهيم وتقف صباح خلف
 السرير امام الدولاب وتقول وهى تقلب فى الدولاب

- اعملك شاي

- بلاش مش عايز اسهر انتى عارفه يدوب اصلى العيد وافطر
 معاكم واروح الشغل

تنظر صباح وهى ترتب الدولاب

- ايه معرفتش تاخذ بكره أجازه

- ما انتى عارفة بكرة يوم اضافى ولو غبت بيتحسب بيومين
 وبعدين يوم العيد ده بيكون الشغل لحد العصر يعنى هكون

موجود العصر ان شاء الله •

تأتى صباح من امام الدولاب وفي يدها قميص نوم احمر وتبتسم
 عندما ينظر ابراهيم على قميص النوم
 ويميل ابراهيم وهو على السرير ويأق بكيس من تحت السرير
 وتنظر صباح الي الكيس بأستغراب ويفتح ابراهيم الكيس ويخرج
 منه جلابية قماش نبيتى جديده
 - اكيد مش هنسي أم العيال تمسك صباح الجلابية وهى فرحانه
 بها وتضعها على جسمها
 _ ربنا يخليك لينا يارب

١٠ سبتمبر ١٩٨٦

أول أيام عيد الفطر

وبعد الانتهاء من صلاة العيد يقف العمدة امام المسجد هو
 وابناءه الاربعة ليهنئ اهل القرية و رجال القرية تقف صف في
 انتظار ان يهنئون العمدة وكل من يمر على العمدة
 - كل سنة وانت طيب يا عمدة
 ومنهم من يقول السنة الجايه تكون في الحج يا عمدة
 العمدة جمعا انشاء الله
 وينفرغ الجميع من امام العمدة ويأتى محارب اخو صباح الاكبر
 شاب ذو بشره بيضاء طويل القامة شعر اسمر وشنب اسمر
 خفيف و يرتدى العبايه الفلاحى فوق الجلابية الجديده ويمسك
 عكاز جديد ويقول للعمدة وهو يبتسم ويمد يده للعمدة
 - كل سنة وانت طيب يا عمدة

ينظر اليه العمدة وعلى وجه غضب شديد كأنما رأي رجل بينه
 وبينه ثأر وهو يمد يده
 - وانت طيب يا محارب
 ويسلم محارب على أولاد العمدة ويهنتهم بالعيد وبعدها يذهب
 من امام العمدة
 وينظر العمدة اليه بعد ان غادر محارب وهو يهز راسه
 - حسبى الله ونعم الوكيل ؟
 ويذهب العمدة الي البيت على طريق ترعة وهو يرفع ايده لاهل
 القرية على حافة الترعة في المقابل

تجلس صباح وعلى رجليها سعاد الطفلة الصغيرة وهى ترتدى
 الجلالية الجديدة الذى اتي بها ابراهيم بالامس ويجلس عماد
 ومحمد وزوجها ابراهيم يحمل محمد على رجليه ويجلسان على
 طبلية خشب ويأكلان السمك المقلى وابراهيم ينظف الشوك من
 السمك ويعطى الى محمد وصباح مثله وتعطي لعماد وبعد ان انهي
 ابراهيم الفطار يقف ويترك محمد على الأرض وهو يقول الحمد لله
 _ ايه مش هتشرب الشاى
 يبقى اشرب فى الشغل علشان مآخرش يالا كل سنة وانتى طيبه
 _ وانت طيب

تقف وهى تحمل سعاد ويخرج ابراهيم من باب البيت وتغلق
 خلفه وعلى بعد خطوات يلتقي بعلوان صديقه فى العمل ويسلم
 عليه ويذهبان الى العمل
 وبعد قليل يدق محارب الباب ومعه ابنه عبد الرحيم الذى يبلغ

من العمر الخامسة وهو يرتدى جلابية فلاحى وجزمة وتأتى صباح
وتفتح الباب فتجد محارب على الباب تبسم وهى تنظر اليه وفى

سرور

_ تعالا تعالا يا ابو عبد الرحيم ويدخل محارب وهو يبتسم ويمد
يده ويسلم عليها

_ كل سنة وانتى طيبة ياختى

_ وانت طيب

وتمسك عبد الرحيم وتقبله وينظر محارب الى البيت لم يجد احد
من الابناء

_ ايه امال فىن ابراهيم والعيال

_ ابراهيم راح الشغل بس العيال جوا تعالا ياعماد انت ومحمد
خالك محارب جاى يعيد عليكم

ويأتى عماد ومحمد من الداخل مسرعين على محارب ومحارب

_ اهلا اهلا بولاد اختى

_ ويحضن محارب الولاد

_ خدو يا حبيبى

ويخرج محارب للولاد فلوس ويعطى كل واحد خمسة جنية وينظر

الى صباح وفين سعاد

فتسرح صباح وهى فرحانة بما اعطى اخوها لاولادها فتنسى

الميراث الذي يأخذها منها فى هذه اللحظة تفوق من نظرة الحنان

ويقول محارب بقول فىن سعاد عايز اعلمها العديّة من وهى

صغيره

_ جوه داخله اجبها

تدخل صباح الغرفة تحمل سعاد وتخرج ويجلس محارب على

الحصيرة المشمع

_سعاد اهيه

يمسك محارب سعاد ويقبلها ويخرج خمسة جنية من جيبه
ويعطيه اليها

_ خدى علشان يبقي كلكم واحد

وينظر الي صباح وهى تقف ايه مستنيه ايه متقعدى تعملى شاي
دا انا باجى هنا علشان اشرب كوباية الشاي من ايدك
- عيني اجيب العدة وجايه

ويلاعب محارب الولاد وهم على رجليه وتأتى صباح بالعدة
وتجلس جانبه وهى فرحانة بزيارته فكان العيد لدينا هى زيارة
خالى محارب والاموال الذى نأخذ منه عدية

وبعد أيام من العيد تأتى احد البنات الصغار ترتدى جلابية قصيرة
وششب بلاستيك تدق الباب تفتح أمى الباب لتجد (أسماء) بنت
الجيران

_ ايه يا (أسماء)

_ كلمى أم عيد علشان تساعديها فى الخبير

_طب روى وانا هنيم العيال وجايه وراكى

تغلق أمى الباب وتدخل الغرفة ترتدى الجلابية السمراء وتخرج
وانا معها وتغلق الباب على محمد وسعاد وهما نايمين ونخرج من
البيت انا وأمى على بيت الجيران ونعدى التربة من على المعدية
المصنوعة من النخل الطويل وعندما وصلنا على بيت الجيران دقت
أمى على الباب فتحت الباب أسماء وهى على ملابسها دقيق من

اثر الخبيز

_ خالتي (صباح) جت

تدخل أمى من باب البيت ابو طوب في وعندما دخلنا فوجدنا اثنين من النساء كبار في سن يجلسان امام الفرن الاولي أم (عيد) صاحبة البيت وجميع الجيران يحبون أم (عيد) لان خيرها على الجميع البيت فيه خير كثير وابناءها تجار مواشى وعندهم اراضى بالفدادين والثانية (أم كريم) ست بسيطه وحالها متوسط بس لسانها حلو واثنين من النساء اخريين في سن أمى فهى خالتي (سعديه) بياعة في سوق المركز بتأخذ الخضار وتجلس على المحطة وتكتسب اموال كثيره من الخضار والثانية (فاطمة) زوجها يعمل مع أبي في الامن والجميع ملابسهم مليئه دقيق من اثر الخبيز وبعد دخول أمى عليهم تقول أم عيد

_ اهي جت اللى هتريحنى مش زيكم نسوان على الورق

_ عيني يام عيد دا انتى خيرك علينا كلا

_ ربنا يجبر بخاطرك يابنتى

تقوم أم عيد من امام الفرن وتجلس أمى وتكون أم كريم بتناول أمى من مطرحتها الى مطرحة أمى وسعديه بتقطع العجين من حلة العجين وبعد مابدأت أمى في الخبيز وخروج العيش من الفرن بصت سعديه على العيش بأستغراب وهى تبتسم

_ مفيش زى خبيزك يا صباح في البلد ماانتى لو تطوعينى هتجيبى فلوس ياما

_ لا كفايه عليا اربي العيال الحمدلله ربنا يخلي ابوهم مش مخلينا عايزين حاجة

تقول أم كريم يارب يابنتى ويهديهم ليكى يارب

_ربنا يخليكي ياخاله

وبعد ان فض الخبيز عند أم عيد وتقف أُمى من امام الفرن وتأتى
 أم عيد تحمل حلة كبيرة بها جبنة وسمن وتقول خدى يا صباح
 _ايه ده والله مايحصل انتى عارفه غلاوتك عندى قد ايه متزعلنيش
 منك ياخاله

_دى حاجة للعيال وابوهم

_خلاص بقى ياخاله علشان لما تعزيني اجيلك تانى

تنظر أم عيد بعد رفض أُمى اخذ الحلة منها

ماشى يا بنتى ربنا يسترك ويخلهوملك قادر يا كريم

نعود الى البيت انا وأُمى ونفتح الباب فنجد أُمى قد عاد من العمل
 وهو يمسح راسه بعد ان فرغ من الوضوء لصلاة العصر

_ايه انت جيت

_ لسه داخل كنتى فين

- كنت بساعد أم عيد فى شوية خبيز

- طب انا هروح اصلى

ويخرج ابى من البيت

- عقبال ماتيجى هحضرك الغدا

وذهدت انا الى غرفتى

وبعد فترة من الزمن يجلس أُمى تحت الشجرة فى الأرض وانا

امسك فى ايد محمد ونمشى فى وسط الأرض ويأتى عمى (عباس)

الذي يعمل بالأجرة عند الناس

هو رجل طويل القامة عليه أثر التعب من الزمان

_ تعالا يا عمى عباس اتفضل

وتوسع أُمى مكان ويجلس عمى عباس فى وسط ابى وأُمى وكانت

أُمى تحمل سعاد اختى ويجهز أبى شأى على البوص فى عدة الأرض
عباس بعد ان جلس وينظر الى الأرض

_ بقول ايه يا ابو عماد

ينظر أبى الى عمى عباس وأبى كان يحترم عمى عباس ويقول ايه يا
ابنى لكبر سنة

_ قول يا با

_ انا نفسى تجيب بهيمة ولا اتنين وتسيبك من شغل الامن والكلام
هـ

ينظر ايه أبى وهو يشعل النار فى البوص تحت الشأى واخرج أبى
سجارة لف واعطى عمى عباس واحده وهو اخذ واحده

_ والله يا با انا مش عايز اطلع عيالى ينشغلو بالارض و الفلاحه انا
عايز اعلمهم ودى امنية حياقى ان عيالى يتعلموا

_ بس ايه هتكل فى الأرض وهتجيب فلوس كل اسبوع

_ يا با محدش هيفضي ليها ولا انا ولا أم العيال انت شايف العيال
لسه صغيرين

_ انا شايف ان البهيمه مش شغلانة واحسن من الشغل فى الشركات

_ لا عندى شغلانة المهم ان شاء الله بكره عايزك معايا علشان

نخضر الأرض

_ انت عارف انا مبتأخرش عليك

_ عارف يا با ربنا يديك الصحة

وانتهينا من الجلوس فى الأرض وعدنا الى البيت وبعد سنتين دخلت
المدرسة

أول يوم فى المدرسة

تدخل أمى علينا انا ومحمد غرفتنا وانا أخذ ملابس المدرسة الجديد فى حضنى ونايم بيه وكيس المش الذى ياخذ الكتب فى حضن محمد وأمى تنادى وهى تدخل قوم ياعماد وفى أول صوت من أمى قمت انا ومحمد من على السرير وانا فرحان ولبستنى أمى لبس المدرسة وخرجت على أبى الذى كان فى انتظارى امام الغرفة وعندما خرجت ورأى بلبس المدرسة ميل عليا واخذنى فى حضنه ومسك ايدى

_ أول يوم ليك فى المدرسة انا لازم اكون معاك علشان تفتكره طوال حيا تك

ونظرت الي أمى واخذتنى فى حضنها وقالت جملة لن انساها

_ أول مره تبعد عنى يا عماد

وكاننى مسافر وامشى مع أبى وانا انظر الى أمى فيغلبها الدمع وتبكي من الفرحة انها رأتنى بذى المدرسة وخرجنا من البيت ذاهبين الي المدرسة

هى مدرسة الدناوية الابتدائية هى المدرسة الوحيدة فى القرية صغيره الى حد ما من الخارج سور بارترفاع مترين ونصف باللون الاصفر وباب حديد من فى الخارج يري من فى الداخل والعكس على يمين الباب غرفة الفراش والكتتين وسلم حديد لمن يصعد فوق المدرسة هناك سبعة فصول فى هذ المدرسة فى الركن اليمين فصلين وفى مقابل الباب الرئيسى ثلاث فصول وعلى الشمال فصلين وغرفة المدير وحوش الطابور الصغير فكانت الفصول بالترتيب من

اليمين الى الشمال أول فصل على اليمين فصل اولي وهكذا لآخر
فصل هو فصل خمسة
ووقف ابى معى فى الطابور وكان جانبى وانا انظر اليه وابتسم وهو
يفعل ما يقول الاستاذ فى الطابور ويعلمنى كيف اقف فى طابور
الصباح ويقول الاستاذ فى الطابور
_ صفا

ابى يعمل صفا وكانه طالب معى فى المدرسة
_ تحية العلم

رفع ابى ايده وانا اعمل مثله وبعده انتهينا من الطابور وخرج ابى
من المدرسة بعد ان دخل معى الفصل واجلسنى فى الدرج واتي الى
بالكتب ودفح المصاريف

وبعد شهر من دخول المدرسة وفى احد الايام ذاهب الى المدرسة
انا واصدقائى وكنت اجلس فى الفصل الاول فى ثانى مقعد وبعد
دخول التلاميذ الفصول بعد ان فض طابور الصباح دخل مدرس
الفصل الاستاذ (صابر) هو شاب طويل القامة يرتدى قميص ابيض
وبنظلون اسمر شعر ناعم فى سن الخامسة والثلاثين من العمر وكل
يوم عندما يدخل الفصل نقف يلقى السلام ونرد عليه

وبعد ان وقف امام السبورة وهو يكتب درس الحساب وبعد عدد
حصص وجدت خالى محارب يدخل الفصل ومع عبد الرحيم ابنه
عبد الرحيم يرتدى لبس المدرسة الجديد وشنطة جلد هو الوحيد
الذى يحمل هذه الشنطة فى الفصل ويظهر على عبد الرحيم وهو
يقف مع خالى محارب الغضب والحزن الشديد للمجيئ الى المدرسة
مثل اى طفل فى أول يوم ذاهب الى المدرسة يقف حزين مع خالى
- السلام عليكم يا استاذ صابر

ينظر الاستاذ صابر الى خالى بعد ان وقف الكتابة وفي يده الطباشير

- اهلا محارب عامل ايه

يسلم الاستاذ صابر على خالى وبعد ان فرغ السلام بينهم

- ايه شقة غريبة خير

ينظر خالى الى عبد الرحيم

- عبد الرحيم ابني

ينظر الاستاذ صابر الى عبد الرحيم ماشاء الله

-لسه داخل أول يوم انهاردہ قدمتلہ من أول السنة بس خايف

يجى

- ياراجل حرام عليك ده فات شهر

- معلش بقي استحملنى يا استاذ انت اخ لينا

- ماشى روحت للمدير

- لسه جاى من عنده وقالى شوف الاستاذ صابر

- ماشى يامحارب

ادخل يا عبد الرحيم

- انا عايزه يقعد قدام

- ياراجل سيبك من الكلام ده قدام زى وره بس هو يفهم

يدخل عبد الرحيم الفصل كأنه داخل على عربية الموت الذي

يجلس فيها زعلان وقرفان من الفصل ويجلس فى اخر مقعد

لوحده وبعده خرج خالى من المدرسة

ولكن فى هذا اليوم حزنت ان خالى لم يسأل عنى وقد علم انى أول

سنة ليا مثل عبد الرحيم

عدت الى البيت واخبرت أمى ان عبد الرحيم ابن خالى اتى الى

المدرسة اليوم واخبرتنى ان اجتهد واغلب عبد الرحيم فى الفصل

واجيب اعلي الدرجات من ذلك اليوم احسست اننى فى سباق مارثون بينى وبين عبد الرحيم ولم اعرف لماذا هذا السباق ولكن اعدت نفسى الى هذا السباق ومرت اربع سنين وانا اجتهد على عبد الرحيم بالمقابل كان يخرج بملاحق وينجح بعدها فنشئ الحقد من خالى علي وعندما كان يقابلنى كان يتجاهلنى واليوم انا فى الصف الرابع و اخى محمد فى الصف الثانى وعبد الرحيم معى فى الفصل سنة رابعة ولكن ان كنت سمعت اننى متفوق على عبد الرحيم فى الدراسة ولكن عبد الرحيم متفوق فى المال فالتلميذ يصطفون حول عبد الرحيم للمال الذى يأخذه من خالى والاكل الكثير و كأنه على سفر بعيد وانا اخذ اكل فقط انا ومحمد ونتقابل فى الفسحة لنأكل ما اعدت أمى الينا

وفى يوم ذهبت انا وأمى الى بيت خالى لبيت فى وسط القرية بيت جدى البيت الذى بناه جدى بالطوب الحجارة فهو مثل الثريا فجدى كان شيخ البلد وكان صاحب العمدة ويملك من الاراضى الكثير ومن البيوت بيتان الاكبر الذى يسكن فيه خالى محارب والثانى يسكن فيه خالى وحيد ولكن خالى وحيد مسافر اوروبا ولم اراه منذ ولادتي فالبعض يقول انه متزوج فى السفر والبعض يقول ده مات وحكايات كثيرة عنه ولكن خالى محارب مسرور بسفر اخوه وحيد للاستيلاء على الاراضى وحده فبيت جدى كبير يقرب من خمسة قراريط او مايقرب من تسع مئات متر يلف البيت صور على تفتح الباب تجد جنية ماتقرب من ثلاث مئة متر وفى وسطها طريق الى سلم البيت يقسم الجنية المزروعة باشجار المانجة والجوافه وتكعيبة عنب تدخل أمى وانا معاها وعندما دخلت أمى من باب البيت فنظرة الى الجنية وابتسمت وكأنها

تعيد ذكريات الماضي تنظر يمين وشمال في عطف وحنان

- الله يرحمك يا ابا

دخلنا وصعدنا على السلم الذى يحطه عمودين يحملان سقف
بلاكونة الدور الثانى البيت مكون من طبقين ونحن نقف امام
باب البيت من الداخل وعندما رأت أمى الباب مغلق ابتسمت
ابتسامة ساخرة

- فى عهد ابويا الباب ده عمره ما اتقفل

وخبطت أمى على الباب وتفتح مرات خالى (انعام) وعندما تجد
أمى على الباب تبتسم ابتسامة مصطنعة بالفرحة هى زوجة خالى
محارب فى الثلاثين من العمر طويلة الى حد ما جميلة وعندما
فتحت الباب كانت ترتدى جلابية الوانها خضراء

_ اهلا صباح تعالي

_اهلا انعام عامله ايه

تأخذ أمى بالحضن وبعد الانتهاء من الترحيب المصطنع تدخل
أمى وانا خلفها من الباب و انعام تغلق الباب
عندما تدخل بيت جدى تجد كل فرش البيت من الكنب والابواب
والسجاد جديد هى ثرايا بمعنى الكلمة وقبل ان نجلس تخلع أمى
الشاش الاسمر من على راسها وتجلس على كنبه وتنظر لم تجد
غير انعام فى البيت

_ امال فى محارب وعبد الرحيم وفين سميرة

_ موجدين بس محارب مريح فوق شويا وسميرة فى المطبخ

تنادى انعام الى سميرة لتأتى الينا

عندما رأت أمى سميرة تأتى عليها وقفت ترحب بسميرة هى بنت
دون الخامسة والعشرين عام تساعد مرات خالى فى البيت من قبل

كانت أم سميرة امراه تخدم جدتي في اعمال المنزل وابو سميرة متوفى وهم ليسو من البلد الذى نعيش بها وبعد وفاة أم سميرة تعمل سميرة مكان امها في مساعده مرات خالى في البيت هى بنت جميلة ترتدى جلابية خاصة بالعمل في المنزل ترتدى اشرب الوان على راسها وشبشب بلاستيك

_ أم عماد

تأخذ أمى بالاحضان وبعد الترحيب

_ تشرى ايه

أمى بأبتسامه وفرح من القلب هو في حد ينسى كوباية الشاى الى امك الله يرحمة عودتنا عليه

- دقيقة والشاى يكون جاهز

تدخل سميرة الى المطبخ ومرات خالى تتحدث مع أمى في امور عادية وبعد قليل تعود سميرة وهى تحمل صينية عليها الشاى وبعدها تجلس جانب أمى وانعام يظهر عليها الحزن الشديد من جلوس سميرة جانب أمى والابتسامات بينهما

موت ابويا

في هذا اليوم خرج ابي ذاهب على العمل في تمام الساعة السابعة صباحا وانا ومحمد خرجنا الى المدرسة وبعد اليوم الدراسي المعتاد عدنا الى البيت وبعد اذان العصر لم ياتي ابي من العمل وأمى يظهر عليها القلق

_ انما ابوك اخر

انا واخواتي نجلس في انتظار ابي على الحصيرة وبجانبا عدة الشاي وأمى امامها دفاية

_ تلاقى عربية الشغل اخرت عليه هناك

_ يمكن يا بنى

ولكن أمى كأنها تعلم ان ابي حدث له شيئا ما يظهر القلق كلما اقترب اذان المغرب تقف أمى على السلم تنظر الى السماء وكلما غابت الشمس يزيد القلق يدق الباب دقات سريعة خلف بعض تجرى أمى مسرعة نحو الباب تفتح الباب فتجد رجل كبير في السن ذو بشرة سمراء بشعر ابيض قصير متوسط الطول بشنب خفيف يرتدى بالطو الغفر الطويل يحمل السلاح الميرى على كتفه اليمين (عمى محمد) الغفير

نخرج انا واخى محمد في خوف شديد من الغرفة ونمسك في رجل أمى وهى تقف بعد ان فتحت الباب للغفير والغفير يتكلم كأنها يعرف ان ابي مات

_ صباح تعالى معايا

تغيرت ملامح أمى عندما سمعت هذا الجملة وفي زغفه

_ خير يا عمى محمد

_ العمدة عايزك دلوقتى

_ متعرفش ليه

_ بيقول ان علوان وابراهيم جوزك عملوا حادثه وهما راجعين من

الشغل وبعتنى ليكى ولفاطمة عايزكم فى الثرايا دلوقتى

تتغير ملامح أمى فى صدمة

_ تعالا معايا يا عماد خليك جنب اختك يا محمد

تدخل أمى تسحب الجلابية السمراء والشاش الحرير ترتدى

الجلابية والشاش على راسها وتسحبنى مسرعة نحو بيت العمدة

بعد ان اغلقت الباب على محمد

وعندما وصلنا الى الثرايا هى ثرايا العمدة (خبرى) البيت الكبير للبلد

عند دخول الثرايا تجد جنينة من الاشجار والنجيلة الخضراء تغذو

الأرض وطريق يصل الى السلم وبعد صعود السلم تجد البارندا

هى مكان قبل دخول باب البيت من الداخل فيها اربع كنبات

وترابيزه عليها التليفون الارضى ويجلس العمدة جانب التليفون

ويمسك العكاز وتصعد أمى وكان فى الخلف فاطمة وقفت أمى

امام العمدة وفى نفس واحد هى وفاطمة

_ خير يا عمدة

يجلس العمدة ويسند على العكاز ويميل راسه على الأرض وعندما

سمع الجملة

_ لا حول ولا قوة الا بالله

يرفع راسة وهو يتكلم انا جالى تليفون من المركز ان ابراهيم

وعلوان عملوا حادثه بعربية الشغل ودخلوا الانعاش الاتنين وقبل

ان يكمل العمدة في باقى الحديث يرن التليفون ويمسك العمدة
السماعة ويرد

_ الو

_ ايه

تتغير ملامح العمدة وقبل ان يخلق السماعة

_ انا لله وانا اليه لراجعون

تقف أمى وفاطمة تنتظر لتعرف من منهم قد مات يبكى العمدة
وينظر الى أمى

_ الباقية في حياتك يا صباح ابراهيم مات

صرخت أمى صرخه لم اراها من قبل في حياتي وجلست على الأرض
مغشى عليها والعمدة يبكى وانا وفاطمة نحضن في أمى وكنت ابكى
على بكاء أمى

مات ابى كلمة لم اعرف معناها وانا صغير ولكن احسست بها وانا
اكبر دون أب ترك خلفه ثلاثة ابناء وامراه عدنا الى البيت وجاءت
النساء في انتظار ابى حتي يتم دفنه جميع النساء يرتدون الجلابيب
السمراء ودخلنا انا واخواتى غرفتى جلسنا انا واخوتى على السرير
نحضن بعضنا البعض خوفا من التجمعات فى الخارج وكانت
صيحات أمى تهز الجدران على فراق ابى وتم دفن ابى فى اليوم
الثانى من الحادث وعزاء ابى فى المنزل من النساء والرجال ثلاث أيام

غدا دون أب

وبعد فراق ابى بشهور جاءت الامتحانات وكنا نجلس انا ومحمد على السرير نمسك الكتب فى الغرفة الخاصة بنا وتدخلى اأمى علينا تجلس على السرير جنبنا تنظر الينا وتمد يدها على كتفى ابوكم الله يرحمه كان عايزكم تنجحوا فى المدرسة وانا كمان نفسى اشوفكم حاجة كبيرة
_ هنجح يااما ماتخفيش

تنظر اأمى الى الغرفة وعلى الجدران وتنزل الدمعة من عينها

وبعد الامتحانات وظهور النتيجة انا واخى محمد نجحنا وكنت يومها اتيت بالشهادتين انا ومحمد ودخلت على اأمى وهى تجلس على الأرض وسط البيت ومحمد على يمينها وسعاد على شمالها فلم انسى هذا اللحظة فى حياتى ونجاحى وصعودى الى الصف الخامس عندما رأتنى

_ ايه ياعماد عملت ايه انت واخوك

اخرجت الشهادة من جيبى وانا اخرج الشهادة

_ نجحت انا ومحمد يامه

تخطف اأمى الشهادة وتحضنها فى لهفة وتبوس الشهادة وتنظر الى السماء الحمدلله يارب شوفت يا ابراهيم عماد ومحمد نجحوا تحضن الورقة وتبكى بحرقة ولا اعرف لماذ تبكى اأمى ولكن تأثرت بما تفعل فى كل عام كانت تفرح وتبتسم واليوم تفرح وتبكى ؟

وفى اليوم الثانى من النتيجة نذهب انا و اأمى الى الأرض بالغداء الى

عمى عباس الذى يعمل فى الأرض نصل تحت الشجره ونفرش فرشہ
وتجلس أمى واخواتى الاثنين وأمى تحضر عدة الشاى
_ هات شوية بوض يا عماد علشان نعمل شاى لعمك عباس
وذهبت واتيت بالبوض واعطيت الى أمى ويأتى عمى عباس وهو
يحمل الفأس على كتفه اليمين يرتدى جلابية قديمة الى حد ما
ويربط حزام مبرى على وسطه
_ سلامو عليكم
_ وعليكم السلام ورحمة الله وبركات
تعالا اقعد يا عمى عباس
ويجلس عمى عباس والاكل امامه عيش ذرة وجبنة وطماطم
ومخلل وأمى تجهز لعمل الشاى
_ ايه الأخبار يا عمى عباس
_ شغال فى القمح وبكره هخلص
_ انت عارف يا عمى عباس محدش بيسال على الأرض من يوم ما
المرحوم ما مات
_ الله يرحمه انتى ماروحتيش لفاطمة
_ ليه
_ علوان رجع البيت من يومين
_ الحمدلله هبقي ارواح اشوفه
_ ربنا يصبرها على ما بلاها
_ يارب يا عمى عباس
وبعد ما انتهى عمى عباس من الغداء وشرب الشاى لمينا العدة
وتحمل أمى الباقي من الغداء ونذهب نحو البيت

وفي اليوم الثاني نخرج انا وأمى نحو بيت عمى علون الذى كان مع ابي في الحادثة وعند وصلنا الى بيت عمى علوان نقف امام الباب ندق تفتح فاطمة وهى ترتدى جلابة سمراء وعندما رات أمى بكت واخذت أمى بالحضن

_ تعالى يا صباح

ندخل انا وأمى داخل البيت المكون من اربعة غرف وحمّام ومطبخ مقسم في غرفة اخر البيت وسلم امام الباب وزير الماء خلف الباب يرقد عمى علوان في أول غرفة على اليمين

_ فين ابو العيال

_ جوا اتفضلى

تقدمت فاطمة وتدخل الغرفة المتواجد فيها سرير على يمين الغرفة وفي الشمال تسريحة وفي الوجه دولاب و يرقد علوان على السرير لم يقم من الحادثة حتي الان ندخل انا وأمى نسلم عليه وهو لم يقوم

_ حمدلله على السلامة يا ابو عمر

_ الله يسلمك يا أم عماد

_ اقعدى اقعدى يا اختى

نجلس انا وأمى على فرشة على الأرض في الغرفة

_ الباقية في حياتك يا أم عماد

_ حياتك الباقية يا ابو عمر

_ تشربي ايه يا اختى

_ مش هقدر اشرب حاجة انا جايه اشوف ابو عمر وهمشى على طول وبعد الحاح واصرار فاطمة اننا نشرب شاي وخرجت وسابتنا في الغرفة مع عمى علوان

_ انا عارف انتي عايزه تسمعى ايه الى حصل يوم الحادثة

_ ياريت يا ابو عمر

_ بعد ما خلصنا الوردية ركبنا العربية وكنت قاعد في ناحية

وابراهيم كان قاعد في الناحية الثانية من العربية وفجاءه لقينا

نفسينا قدام جرار طفلة رمانا في الخفية تحت العربية جت على

ظهرى كسرتة وجات على رقبه ابراهيم

تغمض أمى من بشاعه الحوار

واهو انا هعيش مشلول طول حياتي وابراهيم ارتاح من الذل الى

انا هشوفوا

_ وانت هتعمل ايه دلوقتي

_ مفيش يمكن يكون عندهم رحمه ويدونى معاش اعرف اعيش

بيه انا والعيال

_ ازاي هو انتة مش متأمن عليكم

_ اكيد بس

تقطعه أمى

_ بس ايه

_ مفيش ربنا يستر

وتدخل فاطمة ونشرب الشاي ونخرج من عند عمى علوان وعندما

ندخل البيت انا وأمى تغلق أمى الباب وتجلس على الأرض وتضع

يدها على خدها في حزن شديد بما قال عمى علوان وتسرح في

التفكير وبعد وقت طويل في التفكير تكلم نفسها

_ نروح نشوف هما مسالوش فينا ليه تنظر الى وهى تضع يدها

على كتفى هنروح بكره انا وانت ياعماد الشركة الى ابوك شغال

فيها

_ ليه

_ من غير ليه يا ابني

_ ماشى

فتسرح مره ثانية فى حزن شديد وهمسات الشفافيف

وفى الصباح لبست وخرجنا انا وأمى من البيت ومرينا على احد
الجيران القريبين من البيت تخطط أمى على الباب خرجت ست
كبيرة فى السن

_ صباح الخير ياخاله نعيمة

_ صباح النور يا صباح تعالى

_ لا مش وقته والنبي يا خاله انا سايبه العيال نايمه جوه وسييت
الباب مفتوح ابقى عدى عليهم كمان شويه هوصل لحد الشركة
الى كان شغال فيها المرحوم

_ عينى يا حبيبتى روحى وانا هخلى بالى منهم

_ تشكرى يا خاله

وتمشى انا وأمى من امام الباب ذاهبين نحو الشركة ومعى العنوان
الذى اخذناه من عمى علوان نصل الى الطريق امام القرية فى
انتظار سيارة تأخذنا الى الجيزة طريق مصر اسىوط الزرعى تأتى
عربية ميكروباص من بعيد تشاور أمى تقف العربية امامنا

_ رايحه فىن ياست

_ الجيزة ميدان عمر افندى

_ اركبى

نركب انا وأمى خلف السوق وكان الميكروباص يركب فيه اربعة
رجال يظهر عليهم انهم ذاهبين على عملهم يركب جنب السوق

اتنين وفي اخر العربية اتنين وكل اتنين في موضوع يخصه

_ الاجرة كام يا اسطى

_ اتنين جنية

تخرج أمى اتنين جنية من جيب الجلبيه واعطت للسواق

_ خد ياخويا

يأخذ السوق الفلوس وبعد ان وصلنا قرب الشركة يقف الميكروباص ويشاور السواق وهو يقول هتخشى على طول فى الشارع اللى فى وشك دا هتلاقى عمر افندى هناك هتسالى على العنوان الف مين هيد لك

_ شكرا ربنا يستر طريقك

ننزل انا وأمى وهى أول مره انزل فيها الجيزة فى حياقى ورأيت اكبر عددا من البشر يمشى فى الشارع والزحام والعربيات ومشى انا وأمى فى الشارع نحو الشركة وأمى تمسك ايدى وانا انظر نحو المحلات من لبس واكل وبائعين على الرصيف وتمسك أمى الورقة وتوقف شاب يمسك كتاب فى يده يرتدى قميص وبنطلون يقف الشاب ينظر الى الورقة ويشاور الى العمارة المتواجد فيها الشركة تشكره أمى وتسحبني من ايدى نقترب من عمارة خلف عمر افندى يجلس البواب امام العمارة رجل اسمر البشرة يجلس على كرسى خشب نقترب منه يقف من على الكرسى نسأله يهز راسه ونصعد على سلم رخام خمسة درجات ندخل من باب العمارة المزين بالمرايات وارضية رخام ممشى نحو سلم العمارة نصعد السلم فى اتجاه الدور التانى نصل الدور التانى شقة رقم اربعة باب خشب يافطه فوق الباب بأسم الشركة ندخل من الباب يجلس احد الموظفين على مكتب خلف الباب يمين رجل ابيض بشعر

اسمر يرتدى بدلة وجرفطه على قميص لبنى يحمل سلاح طبنجة صغيرة تظهر من خلف البدلة

_ أومرى يا ست

_ عايزه اقبال المدير

_ ليه

_ انا جوزى كان شغال معاكم هنا بس مات فى حادثة عربية من كام شهر

يخرج من خلف المكتب ويتقدمنا ندخل الاستراحة مكان كبير يحطه كنب مكسو قطن وجلد اسمر وفى كل ركن تراييزة صغيرة عليها طفاية سجاير

_ اتفضلى هنا وانا هخليكى تدخل كمان شويه

_ تُشكر ياخويا

نجلس انا وأمى وهى تفكر فى ماذا تقول للرجل الذى تقابله بعد قليل يأتى الموظف بعد ان اخبر المدير بقليل

_ تعالى ياست المدير فى انتظارك

نقف انا وأمى نمشى نحو المكتب يدق الموظف مرتين على الباب ويفتح الباب

_ ادخلى ياست

ندخل المكتب نجد رجل كبير يقرب سن الستين من العمر شعره ابيض بشرة بيضاء يجلس على المكتب الزجاج على كرسى فخم وامام المكتب كرسى وتراييزة صغيرة بين الكرسين وينظر فى دوسيه امامه عندما ندخل عليه ينظر

_ اتفضلى

وبأبتسامة خفيفه ويشاور بيده نحو الكرسى

_ اتفضلى ياست

_ شكرا يا بيه

نجلس انا وأمى على الكرسيين فى مقابل المكتب

_ اتفضلى أوامرى

_ انا جوزى كان شغال فى الشركة عندكم وعمل حادثه وهو راجع من الشغل ومات ومن يومها محدش سأل فىنا لا بمعاش ولا تأمين ولا مكافأة وانت شايف العيشه عامله ازاي يايه وسايب كوم لحم وراه

يتأثر المدير من كلام أمى

_ شوفى ياست انا لسه جديد هنا من بعد الحادثة باسبوع

لما مشوا المدير الى كان موجود أيام الحادثة ويمسك الدوسية الذى امامه «

_ ده ورق ابراهيم جوزك الله يرحمه ينظر للورق للاسف

جوزك بيمضى على استقالة قبل ما يتعين فى الشركة والمدير الى قبلى كاتب فى الاستقالة تاريخ قبل الحادثة بيومين يعنى جوزك مالوش حق عند الشركة

تتغير ملامح أمى وفى حزن شديد

_ ازاي ده يعنى حقه راح حسبى الله ونعم الوكيل

_ اهدى بس ياست انا مفيش فى ايدى حاجة اعملهلكم ودى شركة اجنبية والدولة مديالها الحق فى كدا

_ يعنى الدولة تضيع حق جوزى علشان الشركة اجنبية حسبى الله ونعم الوكيل

وبعد حوار طويل بين أمى والمدير لم نأخذ حق فى الشركة ونخرج من الشركة وننزل على السلم وكانت الشركة فى الدور الثانى ولكن

بعد هذا الحوار احسست اننا ننزل من اعلي برج فكان اطول سلم تنزله أمى وتمد قدمها وتتحسس درجات السلم سلمة سلمة وهى تفكر بما دار وكيف تمر الايام دون معاش
 تمر انا أمى الطريق وهى سرحانه تأتى عربية ملاكى حمراء موديل ٨٠ مرسيدس بسرعة وكادت ان تدهسنا لولا وقفت بالقرب منا على اخر لحظة ينزل السائق من العربية رجل فى سن الخمسين يرتدى بدلة

_ ايه يابنتى مش تخلى بالك

_ معلش يا بية

ونعدى الطريق الى الموقف الذى نركب منه الى البيت ونعود الى البيت وتفتح أمى الباب وتجلس على الأرض من التعب وتنظر الي

_ شوف اخواتك وهاتهم

ذهبت الى بيت الجيران واتيت باخواتى وعدنا الى البيت ويجلسان اخوتى جانب أمى وهى مرهقه من مشوار اليوم تأخذ أمى نفس عميق وتقوم تجهز الغداء

نجلس انا واخوتى على الأرض فى وسط البيت وتأتى أمى بالطبليه وتضعها على الأرض وتدخل تأتى بطبق فيه جبنة وعيش ذرة وبعد الغداء

تقف أمى وانا معاها

_ رايحه عند خالك يامحمد وراجعه على طول خليك جنب اختك

_ اجى معاكي

وتمسك سعاد فى أمى

_ انا راجعه على طول يا حبيبتى

تجلس سعاد في حزن ونخرج من الباب انا وأمى وتغلق الباب
على اخواتى ذاهبين نحو منزل خالى محارب ندخل الجنيينة ندق

على الباب تفتح سميرة

_ اهلا أم عماد

_ اهلا يا سميرة

_ تعالى ادخلى

_ فين ابو عبد الرحمن

_ مش موجود خير

_ خير ان شاءالله لما يجى قوليله يجيلى البيت

_ طب ادخلى استنيه جوه

_ لا مالوش لزوم

نعود انا وأمى من بيت خالى وكانت أمى يظهر عليها غضب من
محارب الذى لم يسأل علينا من يوم وفاة ابي وبعد ذلك عرفنا بما
دار بين محارب وانعام مرات خالى محارب دخل محارب البيت مع
انعام وعبد الرحيم ويحملان شنط لبس جديده وعند دخوله من
الباب وهم مبسوطين من الفسحة الذى كان فيها

_ خش يالا كل شهر ابقى افسحكم فى المكان ده

_ ربنا يخليك لينا يارب وميحرمناش منك

تحس سميرة ان محارب قد عاد من الخارج تجرى وتقبله

_ ابو عبد الرحيم اختك صباح جت هنا وباين عليها زعلان

وعايزك تروحلها

تنظر انعام الى محارب باستغراب

_ خير فى حاجة حصلت

_ مش عارفه بس باين فيه

- _ خلاص اتغدا وبيقي روح شوف اختك عايزك في ايه
- _ ماشى نتغدا وابقى اروح وانا كمان كنت عايزها في موضوع كدا
- _ حضرى الغدا يا سميرة عقبال ما اغير هدمى
- يصعد محارب مع انعام الى فوق لتغير ملابسهم وبعد ان حضرت سميرة الغداء وهم على السفرة مكونه من ست كراسى يجلس محارب على راس السفرة وتجلس انعام على شمال محارب ويجلس عبد الرحيم على اليمين وتأتى سميرة بباقى الغداء من المطبخ وهم يأكلان
- _ تفتكر صباح عايزاك في ايه
- _ والله مش عارف بس انتى شايفه من يوم ما مات ابراهيم انا مابروحش هناك علشان الموضوع القديم
- _ اهو انا حاسه ان هى عايزاك علشان الموضوع ده
- _ مين عارف ياخبر بفلوس كمان شويه بيقى ببلاش
- _ خلى بالك الأرض والبيت عايزاهم يتكتبوا باسم عبد الرحيم علشان محدش يفكر يفتح الموضوع
- _ هشوف الاول هى عايزنى في ايه وانا كمان عايزها علشان الموضوع الى كلمتك فيه
- _ اهو الموضوع ده كويس واهو يربى العيال معاه
- يفرغ محارب من الغداء ويمسك الفوطه
- _ الحمدلله اروح اشرب الشاى هناك علشان ارجع على طول
- ويخرج محارب من البيت في اتجاه بيتنا
- *****
- نجلس انا وأمى واخوتى حول أمى في وسط البيت على الحصريه المشمع ويدق الباب اقوم افتح الباب اجد خلى محارب

- _ عامل ايه ياعماد
 _ تمام ياخال
 يدخل خالى من امام الباب يجد أمى فى وسط البيت فى حزن
 شديد ويجلس فى المقابل
 _ ايه مالك يا صبايح قاعده كدا ليه
 _ مفيش هات العدة ياعماد
 ادخل المطبخ أتى بعدة الشاى واعطيتها الى أمى واجلس
 _ كنت انهاردته فى الشركة الى كان شغال فيها ابراهيم
 _ ليه
 _ مفيش من يوم ما مات ابراهيم وهما مش ناويين يدونى معاش
 اعيش بيه انا والعيال
 _ وبعدين
 _ ولا قبلين انا قلت اقولك يمكن تعرف تتصرف
 _ واتصرف ازاي وانا اعرف الناس دى منين
 ينتظر دقيقة وهو يفكر فى امر ما وبعد التفكير
 _ بقول ايه
 _ قول يا ابو عبد الرحيم يا اخويا
 ينظر الي والى اخواتي
 _ قوم خد اخواتك وخش جوا يا عماد
 _ لا اتكلم العيال صغيره متعرفش حاجة قول انت عايز تقول ايه
 _ فى واحد هو اللي هيساعدك تربي العيال
 _ مين
 _ الحاج حمدان جالى امبارح وعايز يتجوزك
 وقالى العيال هعترها عيالى وهعلمهم وكافه شئ واللى هي

عايزاه انا هعمله
 تنظر اليه أُمى بأستغراب ودهشة وتبتسم ابتسامة مصطنعة
 _ عايزنى اتجوز بعد ابو العيال يامحارب
 _ لا هو عيب ولا حرام
 _ واربى عيالى فى بيت راجل غريب
 _ هيبقى ابوهم
 _ لا يامحارب وفر كلامك انا كنت فكراك هتعرف انا بعثالك ليه
 _ اسمعنى بس
 تقطع أُمى الكلام
 _ اسمع انت يامحارب جواز بعد ابراهيم مش هتجوز
 انا عايزك فى موضوع تانى
 _ ايه
 _ انت شايف الحال اللى انا فيه انا والعيال فكنت عايزك تحنن
 قلبك عليا وتدينى ورث ابويا فى البيت والارض وانا
 يقطع خالى محارب الكلام ويقف زعلان كأنها اسد غاضب فى الغابة
 ولا احد يقف امامه
 _ ورث ايه اللى بتتكلمى فيه كام مره قولت ابوكى بعلى الأرض
 والبيت والورق معايا
 تقف أُمى امامه وتستعطفه
 _ والله ابويا ميعملش كدا اسمع بس انا اختك يرضيك اختك
 تتهان قدام الناس وانا عندى ارض وبيت
 _ اسمعى ياختى انا خلصت الكلام اللى عندى ومن غير سلامو
 عليكو
 ويخرج محارب من الباب وهو غضبان من كلام أُمى ويغلق الباب

خلفه تجلس أُمى وتبكي وتأخذنا في حضنها
ندخل بعد ساعات للنوم في غرفتنا انام انا واخواتي وأُمى لم يأتى
اليها نوم في هذا الليله وعند أول ضوء للنهار تذهب أُمى على
بيت العمدة وتدخل تنادى يخرج احد ابناء العمدة علينا شاب
في سنة الخمسة والعشرين طويل القامة يرتدى جلابية لبنى بشعر
طويل اسمر بشرته بيضاء محمود ابن العمدة وهو يعرف أُمى
وأُمى تعرفه

_ تعالى تعالى يا أم عماد اتفضلى

_ شكرا يا محمود ابعتلى ابوك والنبي

_ مش موجود تعالى استنيه جوا عند أُمى

_ لا بعدين انا عايزه ضرورى

_ هو وصل لحد المركز وراجع على طول بس ادخلي استنيه عيب
تيجى وماتشربيش حاجة

_ نشرب يوم فرحك انشاء الله سلامو عليكمو

ونغادر انا وأُمى من امام بيت العمدة نحو بيتنا وتجلس أُمى
على سلم البيت تفكر ماذا تفعل في هذا الايام وبعد قليل من

عودتنا يدق الباب افتح اجد العمدة

_ فين امك يا عماد

تسمع أُمى صوت العمدة فتأتى نحو الباب

_ تعالا خش ياعم

يدخل العمدة خيرى من الباب ويترك الباب مفتوح وتأتى أُمى
بالحصيرة وتفرش الحصيرة ويجلس على الأرض تدخل أُمى وتأتى

بمخده من جوا وتضعها خلف ظهر العمدة خيرى

_ بس خلاص ايه خير يا بنتى انا لسه راجع من المركز قابلنى

(محمود) وبيقولى بنت صاحبك عايزك ايه خير
تجلس أمى وهى مكسورة النفس امام العمدة
_ شوف ياعمى انا هكلمك بحكم صحويتك مع ابويا وبعترتك
انت اللى مربينا مع ابويا
_ قولى يا بنتى انتي بنت الغالى الله يرحمك يا عبد الرحيم
دا كان احسن من الاخ علشان كدا محبش اشوفك مكسورة كدا فى
حد مزعلك
تحكى أمى ما دار بينها وبين خالى محارب وما دار فى الشركة
ويسمع العمدة وهو متأثر من الحوار
_ شوفى يا بنتى انتى عايزه ايه وانا هعمله
_ انا مش عايزه الا حقى فى الأرض والبيوت اللى ابويا سيها
_ بس محارب بيقول انه معاه ورق ان ابوكى كتبله كل حاجة
_ انت تعرف عن ابويا كدا يا عمدة انت اكرت واحد تعرف ابويا
_ الصراحة لا عمر عبدالرحيم ما ظلم حد من اهل البلد هيجمى
قبل ما يموت هيظلم عياله
_ طب والعمل ياعم
يمسك العمدة العكاز ويفكر كيف يساعد أمى وبعد التفكير
_ شوفى يا صباح موضوع الشركة مالكيش دعوه بيه انتى عارفه
(احمد) ابنى الكبير محامى فى مصر هخليه يرفع قضية ضد
الشركة وياخد حكم فيها بس انتى عارفه المحاكم احبالها طويلة
اما بالنسبة لمحارب انا محبش اتكلم معاه علشان منخشش فى
خلاف بس هقولك انا هاخذ عماد ونروح ليه علشان يعرف انى
جاي من عندك ايه رايك
تفكر أمى فى الكلام وتنظر الى العمدة

_ الى تشوفه ياعم

نخرج من بيتنا انا والعمدة خيري نحو بيت خالي محارب
وعندما وصلنا امام البيت رفع العمدة العكاز وخبط على الباب
تفتح سميرة وعندما ترى العمدة تبتسم لانها تعرفه من يوم
ماكانت مع امها تخدم عند جدى

_ ايه ازيك ياسميرة يا بنتى عامل ايه

_ الحمدلله ياعمدة

_ الحمدلله محارب موجود

_ موجود اتفضل

ندخل انا والعمدة ونمشى نحو الصالة وينظر العمدة الى البيت
من فوق لتحت

_ الله يرحمك يا عبد الرحيم

ونجلس فى الصالة

_ هطلع اعرفه انك هنا ياعمدة

_ ماشى يا بنتى

_ هتشرب ايه بعد ما انزل

_ الله يرحمك يا أم سميرة امك عمرها ماسألت السؤال ده بس

انتى عشان مشفتينش هنا كتير شاي ياسميرة

ومن الواضح ان العمدة خيري كان صاحب جدى الاقرب اليه فى

البيت وفى العيشة من نظراته الى البيت ونظر ليا

_ انا مدخلتش هنا ياعماد من يوم ما جدك مات الله يرحمه

بس كان البيت ليه نفس وروح تحب تقعد فيه تعالا دلوقتى راح

جدك وخالك ساكن البيت وقفل البيت بمقاش ليه نفس ولا روح

قطع النفس وفطس الروح

ينزل خالي محارب من علي السلم وهو يرتدي جلاية والعبايه
فوقها

ويأتي علينا

_ يامرحب بالعمدة

يقف العمدة وهو ينظر الى محارب نظرة غضب

_ الله يرحب بيك

_ اتفضل ياعمدة اتفضل

يجلس العمدة ويجلس خالي محارب على الكرسي جانب الكنبة
الجالس عليها العمدة وانا اجلس جانب العمدة وينظر خالي

محارب الي وينظر العمدة ليا مع نظرة خالي

_ اظن انت كدا عرفت انا جاي ليه

_ ايوه كدا عرفت بس الموضوع خلصان من قبل ما بيدء

_ شوف يامحارب انت من دور عيالي انا مش هطول في الكلام

انا اعرف ابوك من قبل مايتجوز امك الله يرحمها ويخلفك انت

واخوتك عبد الرحيم عمره ماظلم حد هيجمي في اخر عمره يكتب

الورث كله ليك لوحدك

_ اهو عمل كدا وبعدين في ايه اختي عايزهايه هي هتشحت

يقطعه العمدة بصوت عالي وانفعال

_ اخرس قطع لسانك انا عرفك كويس وعارف اختك واعرف مين

فيكم اللي بيحب ياخذ حق الثاني انا

لما كنت باجي اقعد مع ابوك وانت لسه عيال صغيرين انت

وصباح ووحيد ربنا يكتب سلامته كنت اطلع تعريفه واديها لكم

تروح تجيب حاجة انت واخواتك كنت تيجي تخطف اللي في

ايد صباح ووحيد واجي انا وابوك نقولك ادي لاختواتك ماترضاش

يسمع خالى هذا الكلام وهو يظهر عليه الخجل من العمدة
لتذكيره الماضى

_ من يومك وانت انانى وبتحب نفسك
_ نهاية الكلام

يقطع العمدة محارب فى انفعال

_ اسمع انت عارف كويس انا ممكن اخذ حق اختك منك ازاى
بس انا عامل حساب لعضم التربة
_ والله انا معايا ورق الأرض والبيت واللى يعرف يعمل حاجة
يعملها

يقف العمدة وهو غضبان من الكلام يمسك ايدى وتأتى سميرة
بالشاي تنزل الشاي فتجد العمدة وقف
_ الشاي ياعمدة

_ انا عمرى ماشرت ولا كلت حرام شيلى الشاي يابنتى اخاف
اشرب حاجة من مال ايتام
ويخرج العمدة وانا معاه ويغلق الباب بقوة يذهب العمدة نحو
بيته قرب بيته اتعجب لم يعد الى بيتنا
_ هو احنا رايعين فىن ياعمدة

_ ماتخفش يا حبيبى هنروح البيت علشان افتكر اكلم ابنى احمد
المحامى

نصل بيت العمدة ويجلس فى البراندا جانب التليفون ويستريح من
تعب الطريق وهو يتنفس كما يتنفس التنين يخرج نار من فمه
ويفرك يديه فى بعض وبعد دقيقه يمسك سماعة التليفون
ويطلب رقم ابنه المحامى ينتظر قليل على السماعة
_ الو

- _ ايوه يا احمد عامل ايه
_ الحمدلله
_ كلهم بخير الحمدلله
_ وانت عيالك عاملين ايه
_ تمام الحمدلله
_ اسمع يا احمد
_ انا عايزك في موضوعين مهمين
_ أول هام في جماعة من اهل البلد كانوا شغلين في شركة امن
عندك في مصر تمام وبعدين عملوا حادثه وهما راجعين من الشغل
واحد مات والتانى ضهره اتكسر مش بيقوم من على السرير رحنا
الشركة قالو مالكوش حاجة
_ طب اعرف الشركة اسمه ايه والعنوان وهكلمك
_ تانى هام انت تعرف صباح بنت عمك عبد الرحيم الله يرحمه
_ ايوه يا ابني دى كان جوزها من الناس اللى ماتت في الحادثه
بتاعة الشركة اللى هبعثلك العنوان بتاعها
_ ايوه
_ لا انا عايزك ترفع اتنين
_ وحده على الشركة
_ ووحده على محارب ابن عمك عبد الرحيم
_ لا لا يا ابني اسمعنى هو هيزعلنى انا ليه
_ افهمنى بس سى محارب مزور ورق بأن ابوه بيعلوا الأرض
والبيوت باسمه
_ ايوه الله يفتح عليك يا ابني
_ اى حاجة في القضيتن انا سداد

_ ربنا يخليك والنبى يا ابنى الناس دى تعبانة فى العيشه فخلى
بالك من الموضوع اوى

_ ماشى يا ابنى وهكلمك تانى انهارده لما اروح اجيب العنوان
مع الف سلامة

يُنزل العمدة السماعه من على اذنه ويضعها على التليفون وينظر
الى ويقول

_ بس كدا كدا محارب يعرفنى ازاي ابوه كتبله الورق ده

ويدخل يده فى جيبه ويخرج محفظه بنى اللون كبيرة منفوشة من
الاوراق والفلوس ويخرج عشرة جنية ويعطيها اليه

_ امسك يا عماد ادى دى لامك كنت واخذها منها من كام يوم
نظرت للعشرة جنية وانا اعرف ان أمى لم تعطى الى العمدة شيئاً
ولكن عندما نظرت فى عين العمدة احسست احساس غريب اننى
امد يدي واخذ العشرة جنية ويدخل العمدة المحفظة فى الجلاية
_ روح انت دلوقتى وانا هبقى هعدى عليكم كمان كام يوم ويبقى
وصل لامك الفلوس

قومت وذهبت من امام العمدة نحو بيتنا وعندما وصلت
واخبرت أمى بما دار فامسكت العشرة جنية من ايدى وهى حزينة
وضغطت عليها فى ايدها وهى فى حزن شديد

وبعد شهور اقتربت المدارس ولم يأتى الينا اللبس ولا فى اى تجهيزات
للعام الدراسى ونجلس فى الصباح على الفطار وطرق باب البيت
قمت افتح الباب فوجدت بنت الجيران عايزه أمى

_ فىن امك

_ جوه

تدخل البنت من الباب الى أمى وأمى تجلس على طبلية الفطاره

- وهى تنظر الى البنت
 _ أم عيد عايزاكي في البيت
 _ خير مش عارفة
 _ طب هفطر العيال وجايه
 تخرج البنت من البيت و اقفل الباب واجلس على الفطار وبعد
 ما انتهينا من الفطار
 _ تعالا يا عماد نشوف خالتك أم عيد عايزه ايه
 نخرج انا وأمى نحو أم عيد وعند البيت تطرق أمى الباب تفتح
 البنت ونجد أم كريم وخالتى سعديه وام عيد يجلسان امام الفرن
 يخبزان عندما رأتهم أمى ابتسمت ابتسامة خفيفة وهى تدخل
 عليهم
 _ وانا اقول هما بعتولى ليه علشان كدا
 _ بيتسموا الثلاثة
 _ احنا قولنا محدش هيرمى في الفرن بتاعنا الا صباح
 _ عينى يا خالة
 تجلس أمى امام الفرن ويبدء الخبيز
 وبعدهما انتهينا من الخبيز وذهبت أم كريم وسعديه قبل أمى
 وفضلت أمى وام عيد وأمى تنظف ملابسها من الدقيق
 _ تؤمرينى بحاجة تانى يا خالة
 تأتى أم عيد تحمل حلة فيها جبنة وسمن وتعطيها الى أمى وقبل
 ان تتكلم أمى تقول أم عيد
 _ والله العظيم لخاصمك مدي الحياة لو ماخديش الحاجة دى
 _ بس
 تقطع أم عيد أمى

_ مفيش بس والله العظيم ما اكلمك تانى
وتخرج خمسة جنية من ايدها وتعطينى فى ايدى

_ امسك ياعماد

وانا وأمى نمتنع عن اخذ الفلوس

_ عيب بقي

_ ينفع تكسفينى

_ كفاية كدا يا حالة

_ انا حالفه

_ طب خد من ستك ياعماد

مديت ايدى واخذت الفلوس

_ ربنا يقويكى عليهم يا بنتى

تحمل أمى الحلة وانا امسك الخمسة جنية فى ايدى ونخرج من
عند أم عيد ذاهبين الى البيت وكانت أول مره تأخذ أمى فلوس او
جبنه مقابل خدمة وعندما قالتلى خد من ستك فكان أول جرح
اتجرحته فى حياتى وبعد عودتنا الى البيت انزلت امي حلة الجبنه
ونظرت الى الخمسة جنية والحلة وحرزنت وحرزنت شديد واحسست
ان أمى انجرحت جرح اكبر من جرحى فهدأت نفسى بعد غضب
طفل بدات اتعاطف مع أمى من هذا اليوم

وبعد عدة أيام من هذا الموقف يبقي اسبوع على المدرسة ولم
نأتى بلبس فقررت انا واخى نبحت فى البيت لابتكار لبس نظيف
او به اى قطعه صغيره ووجدنا لبس من العام الماضى وخرجنا
انا ومحمد الى أمى وعلمتها اننا سنلبس هذا اللبس فى المدرسة
واقنعناها باللبس انه سيكون جيدا للمدرسة وبالفعل اخذتنى انا
ومحمد فى حضنها وفى أول يوم من المدرسة ذهبنا انا واخى محمد

وجلست في الفصل بين زملائي فالكل يرتدى لبس جديد الا انا وكان احسن لبس في الفصل كان عبد الرحيم ابن خالي وها انا انتظر الجرح الثاني في قلبي دخل الناظر رجل في الاربعين من عمره يرتدى قميص وبنطلون ذو بشره قمحوى ويمسك عصي في يده اليمين عندما دخل الناظر وقف الفصل

نظر الناظر الى الواقفين

_ الى ماخذش الكتب يخليه واقف والى خد الكتب يقعد

جلس الجميع الا انا فكان الجرح الثاني الي منذ ان مات ابي

_ بس انت يتيم

خرج الناظر وجلست انا بعد الكلمة ودخل مدرس اخر وبعد دقائق جاء الناظر يحمل الكتب دخل اعطاني الكتب وخرج ونظر الي الجميع من التلاميذ بأستعطاف وبعدها عدت الى البيت فاتذكرت نظارات الجميع الي وانا جالس مع نفسى في الغرفة فقررت ان انسي ماحدث وابدء في دروسي وبعد أيام من ضيق الحال اتى شهر رمضان علينا ولم يكن في البيت جنية واحد فكانت أمى تفطرننا انا واخواتي الصغار خوفا من ان لم نجد فطار في نهاية اليوم الا أمى فكانت تصوم وتفطر اى شئ جينة عيش ومخلل فكانت الامور تضيق يوم عن يوم وفات عشرين يوم من رمضان ويبقى عشرة أيام فكانت أمى تذهب الى الجيران تساعدهم في خبيز العيد وتأخذ مقابل ولكن ما تأتى به امي يسد الجوع فقط

غدا العيد

اليوم هو وقفة العيد وانا اعرف انه في مثل هذه الايام كان يأتي الينا لبس جديد وما الفرق بين اليوم بالبارحه فكان يأتي اللبس في المدرسة وفي العيد وليست مشكلتى انما هى مشكلة اخواتي الذين لا يفهموا ما الوضع الذى نمربه نجلس انا واخواتي امام الباب في انتظار عودة امي من الخبيز عند الجيران وقد اقتربت الشمس من الغروب ولم تأتي امي وانا ومحمد وسعاد ننظر يمين ويسار مثل الاغنام الذي تنتظر الراعى يأتي اليها بالطعام وها هى قد هلت علينا من بعيد أمى تحمل صينية المونيا صغيرة وعليها جلابية تغطى ما في الصينية وكانت في سعاد اختي عادة عندما تأتي أمى من مكان تسرع عليها لتقابلها فتجري سعاد نحو أمى واقف انا ومحمد وتفتح أمى الباب على ذراعيه حتي تدخل بالصينية المحملة بالعيش والجبنة والسمن وعندما خطت أمى عتبة الباب اذنت المغرب

_ الله اعظم والعزة لله

_ يالا ياولاد علشان نفطر

_ تنزل أمى الصينية من على راسها على الأرض وتخلع الجلابية السمراء والشاش وتجلس تعبانه من خبيز طول النهار ونجلس انا واخواتي على الصينية لنأكل

_ بسم الله الرحمن الرحيم اللهم لك صومت و على رزقك افطرت

ينظر محمد الى أمى

_ هو احنا مش هنجيب لبس النهارده عشان العيد بكرة تنظر
 اليه أمى وتبتسم ابتسامة حزن شديده سعاد بلغة الاطفال
 _ انا عايزة تلاية عشان العيد
 تمد أمى ايدها على سعاد وتطبطب عليها وبعد الفطار اتي احد
 طرق على الباب وعندما فتحت الباب لم اجد احد ولكن وجدت
 لفة صغيرة على الأرض
 _ مين ياعماد
 _ مفيش حد
 تأتي أمى نحو الباب وتنظر على الأرض تجد اللفة تمسك أمى
 اللفة بأستغراب
 _ ايه ده
 تفتح أمى اللفة كيس بلاستيك في داخله كيس ثانى نفتح الاكياس
 نجد ما يقرب من اتنين كيلو من السمك وورقة
 _ شوف ايه اللى مكتوب في الورقة دى يا ابني
 امسك الورقة واقراً
 _ مكتوب عليها ده فطار عماد واخواته فاعل خير
 تنظر أمى الى السماء وندخل ونغلق الباب وفي هذا اليوم ننام انا
 واخوتي ولكن امي لم تنام من تنظيف السمك الذى سنفطر بيه
 أول أيام العيد غدا وبعد ما انتهت من تنظيف السمك بحثت
 في الدولاب لكي تجد ملابس لى و لمحمد نصلى بيه العيد تبحت
 فوق وتحت وتجد جلابية ليا ولاخى ولكن كان فيهم قطوع في
 الطرف لم تنام حتي اجهزة الجلابيب لى ولاخى وكان لدى حذاء
 لى ولاخى ابيض يسمي البوت الابيض كانت أمى تقطع من بوت
 محمد وتلحم في البوت الخاص بى تأتي أمى بالمعلقة وتضعه علي

الاسطوفيا وهى ما تجهز اى عليها الشاى تشتعل بالجاز والشرايط
وجهزت اى الينا كل شى حتى نحضر العيد

يوم العيد

تدخل أمى علينا ونحن نائمين فى صباح يوم العيد تقول عماد
 محمد قوموا يا حبيبي علشان تصلوا العيد
 نستيقظ انا ومحمد وتسحب أمى الغطاء من على اجسامنا قوموا
 اغسلوا وشكم والبسو الهدوم دى هتبقى عليكم زيى الفل
 نهض انا ومحمد من على السرير ونذهب نحو الحمام نغسل
 انفسنا ونتوضا ونخرج من البيت باللبس الذى احضرته أمى
 ونسمع مكبر المسجد يكبر تكبيرات العيد وعندما خرجنا امام
 البيت نجد كل أب وجنبه ابنه يرتديان الجلابيد الجديدة ويكبرون
 وهم ذاهبين الى المسجد نصل الى مسجد القرية الكبير يتزين
 المسجد بزينة رمضان من الخارج ونخلع الحذاء ندخل انا واخى
 المسجد ونجلس ونكبر وانظر يمين ويسار وامامى وخلفى اجد كل
 ابن مع ابوه الا انا ومحمد نجلس جنب بعض احزن على ما انا
 فيه

(شكرا يا أمى أحضرتى كل شى ولم يحضر أبى)

اليوم احسست لأول مره اننى يتيم الاب انتهينا من صلاة العيد
 ومثل كل عيد يقف العمدة عند باب المسجد هو وابناء على صف
 ليهنئ اهل القرية بالعيد ونخرج انا ومحمد من باب المسجد
 ونسلم على العمدة ويتسم ويميل علي ويحضننى ويخرج المحفظة
 من جيبه ويعطينى خمسة جنيهه ومحمد خمسة جنية ويلاحظ انى
 محروج من ما فعل فنظر الى الخلف وجد رجل من اهل القرية

معه ولد ينادى عليه وسلم على الرجل وعلى ابنه ويعطى الولد
عديّة مثل ما اعطانا حتى لا نشعر بالاهانة امام الناس وابتسمت
ابتسامة وهو يضع ايده على راسى ويسحبني اقف جانبه انا
ومحمد وبعد الانتهاء من التهاني نعود انا واخى الى البيت نطرق
على الباب تفتح أمى ندخل احب على يد أمى

_ كل سنة وانتى طيبة

وهى تميل على راسى وتحبها

_ وانتى طيبة يا حبيبى

ومحمد يفعل مثل ما افعل تأخذنا الى الداخل وهى تحضر الفطار

_ تعالو تعالو يا ولاد نفطر يا لا يا سعاد هاتى العيش من عندك

تأتى سعاد بالعيش من الداخل وتجلس على الطبلية لنفطر أول
أيام العيد

وبعد الفطار جلسنا حول أمى لكى تعمل شاي وتفتح أمى الباب
نصف فتحة فى انتظار احد ما يدخل علينا فا انا اعرف انها تنتظر
خالى محارب يدخل علينا مثل كل عام فقط انقطع عن زيارتنا
من يوم ما كنت عنده انا والعمدة ولكن كنا صغار ومنتظر يوم
العيد من سيأتى الينا ويعطينا العيديه وانا اتكلم مع أمى واقول
له بما دار بيننا وبين العمدة فى المسجد وتبتسم أمى ويخرج محمد
الخمسة جنيه من جيبه وانا ويقول محمد

_ كده انا معايا خمسة جنية وخالى محارب هيجى يدينى كمان
خمسة

أمى فى حزن شديد وهى تهمس بصوت خفيف

_ ياريت يا ابنى

وتبكي سعاد على الخمسة جنية عايزه هى كمان عديّة ويطرق

- الباب فتفرح أمى بما سمعت احد ينادى عليا
 _ عماد ياض يا عماد
 تجرى أمى وهى تمسح عينها تفتح الباب بفرح على وجهها فتجد
 العمدة خيرى تنظر اليها
 _ تعالا ياعم
 يمد يده ويسلم على أمى وهويدخل من الباب
 _ كل سنة وانتى طيبة يا صباح
 _ وانت طيب ياعم
 تدخل أمى تأتى بفرشة ثانية وتفرش الى العمدة على الأرض وتدخل
 تأتى بمخده من القطن وتضعها خلف العمدة
 _ انا قولت اعدى اعيد عليكى وكمان اشوف البت الصغيرة
 يجد سعاد تبكي ينادى عليها
 _ خدى يا حبيبتى
 تأتى سعاد وتجلس على رجل العمدة وهو يستقبلها ويمد ايده
 _ اهلا اهلا
 تجلس أمى تُحضر الشاي للعمدة
 _ ايه هو انتى بتعطى ليه خدى
 _ يخرج المحفظة ويخرج خمسة جنية ثانية وهو يخرج المحفظة
 تمتنع أمى
 _ كفاهه اللي اديتة لعماد ومحمد ياعم
 وهو يخرج الفلوس ويعطى لسعاد خمسة جنية وانا اعرف ان
 الخمسة جنية كتير فى هذا الزمان وينظر الى أمى
 _ فاكراه يا صباح لما كنت اجى عندكم يوم العيد زى دلوقتى واديكى
 المليم والتعريفة انتى واخواتك وكان ابوكى زيك كدا يفضل يقولى

كفاية كفاية ياخيري الله يرحمه نفس الصوت ونفس الطبع
تبتسم أمى على هذا الكلام بابتسامة ترجعها الى الزمان الذي
يحكى عنه العمدة

_ الله يرحمك يا ابا

_ انا لبيت على اهل البلد وافتكرت ابوكي خدتنى رجلى للبيت
بس مادخلتش حسيت ريحة ابوكي مش فى البيت رجعت تانى ولما
جيت هنا لقيت عبد الرحيم بيقولى خش على صباح عيد عليها
ويهز راسه ويقول

_ مش هلاقى صاحب زيه ياما كان اهل البلد عايزين يوقعوا بينى
و بينه

افتكر قبل انتخابات العمدية قالوله ادخل الانتخابات قدام خيري
قالهم ما انا وخيري ايه وعدي على العيله واحد واحد علشان
ينجحوني فى الانتخابات

ويتبسم من شفتيه

_ مش هتلاقى اللى هيعمل كدا دلوقتي كان راجل

وانا واخوتي نستمع الى حديث العمدة خيري فى تأمل فى ما حدث
فى الماضى من جدى دلوقتي بس عرفت العمدة بيعمل معنا كدا
ليه وما عرفته بعد ذلك انه كان يريد يزوج أمى الى احد ابناء
ولكن محارب رفض حتي لا تربطه علاقة بالعمدة بعد وفاة جدى
ويتقدم الى العمدية

وفى هذا العام من الدراسة نجحت انا واخى ونعمل عند الناس فى
جمع المحصول وبعد انتهاء الاجازة لم ننسى ان هذا العام تدخل
اختى سعاد المدرسة وكنا نجلس فى البيت وقالت سعاد

_ انا هروح المدرسة زي شيماء يا اما

نظرت اليها أُمى وتفكر في الامر شيما هى ابنت احد الجيران وهى من سن سعاد اختى وعندما علمت سعاد بأن شيما قدمت للمدرسة فتحت الموضوع مع أُمى امامنا وبعد تفكير أُمى في كلام سعاد نظرت الي

_ عماد روح لعمك عباس قوله أُمى عايزاك

انظر الى أُمى وهى تتكلم وبعد ان انتهت الكلام اقف لاجر من البيت فى اتجاه الأرض واصل الى عمى عباس وهو يجلس تحت الشجرة يشعل على شاي وقد يبقى وقت على الانتهاء من عمل الشاي

_ عمى عباس

ينظر الي وهو يمسك البراد بعصاة خشب ويضعها على النار

_ خير يا عماد

_ كلم أُمى

_ ماشى اقعد بس هنشرب الشاي وانا جاى معاك

اجلس جانب عمى عباس وهو يسوى الشاي وينظر الي

_ وانت عملت ايه فى المدرسة

_ الحمدلله نجحت

_ الف مبروك ايوه كدا ابوك كان نفسه يعلمك انت واخواتك

وربنا يقدر امك وتحقق اللى ابوك كان نفسه فيه

ينزل الشاي من على النار بعد ان استوي ويضع شاي فى كوب

صغير ويعطينى

_ اشرب علشان نروح نشوف امك عايزه ايه

أخذت الكوب منه وشربت وبعد الانتهاء من الشاي لمينا العدة

وذهبنا الى البيت نمشى انا وعمى عباس نحو البيت كانت أُمى

تفتح الباب في انتظاري انا وعمى عباس

_ عماد

_ تعالا ياعمى عباس اتفضل

يدخل عمى عباس والباب مفتوح يجلس على حصيرة على الأرض

امام أمى

_ خير يا أم عماد

_ انا عايزك في موضوع

يستمع عباس الى أمى وانا اقف واسمع ماذا تقول أمى

_ تؤمرى

_ ربنا يخليك انا كنت عايز ابيع قيراط من الأرض

يفكرعباس في الامر ويظهر عليه القلق

_ خير كفله الشر

أمى وهى حزينه من ما تقول وفي هم

_ انت شايف العيال بتكبر يوم عن يوم ومصاريف المدارس وكمان

سعاد عايزه تروح المدرسة السنادى قولت ايه

يفكرعباس في الامر وهو سرحان

_ يبقي محدش هيشترى الا الجيران علشان مافتكرش

حد غريب هيشترى قيراط بس

_ شوف وبيقي رد عليا بس ياعمى عباس الكلام ده سر مش عايزه

حد يأخذ خبر بيه

_ عارف عارف يا بنتى

وهو يقف ليذهب الى الارض.

_ انشاء الله هشوف وهرد عليكى على طول ربنا يقويكى يا بنتى

ويذهب عباس من البيت وتخلق أمى الباب وهى تفكر

فيما حدث

_ هو انتى هتبيعى الأرض يا اما
_ لا ده قيراط واحد ياعماد انت شايف الحال يا ابنى والمدارس
على الابواب وكمان احنا مش فى أيام عيد علشان حد بيعتلى اخبز
عنده

_ مابلاش سعاد تدخل المدرسة

_ اهو هنشوف ربنا هيمشيها ازاي

يمضى يومين من الحوار مع عباس ونجلس انا ومحمد فى الغرفة
على السرير قبل اذان الظهر تنادى أمى عليا واخرج من الغرفة
_ تعالا معايا هنروح الأرض

_ ماشى

ادخل الغرفة اللبس الحذاء واخرج على أمى ونخرج من البيت وفى
المقابل نساء تجلس على حافه التربة تنظف موعين المونيا وحلل
من البلاستيك احد الجالسين تُصبح على أمى اسمها (هدية)
ترتدي جلابية الوان حمراء مقلمة بورد زرقاء وهي تجلس على
حجارة على حافه التربة وامامها المواعين

_ صباح الخير يا صباح

تنظر اليه أمى وتبتسم

_ يسعد صباح يا هدية عامله ايه

_ الحمدلله ايه ماحدث بيشوفك ليه

_ موجوده انت اللى مختفيه

_ يبقي تعالى اقعدى معايا شوية

_ عينى

ونذهب انا وأمى نحو الأرض ونصل نجد عمى عباس فى وسط

الأرض يمسك فأس ويروى الأرض تنادى عليها أمى واحنا خارج
الأرض

_ عمى عباس عمى عباس

يلتفت الينا عباس ويخرج من الأرض ويترك الفأس امام الماء في
الأرض

_ صباح الخير يا أم عماد

_ يسعد صباح ياعم ايه مرتدش عليا ليه

_ النهارده هرد عليكى بس هخلص سقيت الأرض وهروح مشوار
والرد هيكون عندك النهارده

_ ماشي ماتاخرش عليا ياعم عباس

_ النهارده ان شاء الله

نعود انا وأمى من الأرض الى البيت وبعد صلاة العصر ياتي عمى
عباس الى البيت

_ ايوه ياعمى عباس عاملة ايه

_ والله يا بنتى انا لفيت على الجيران كلهم بس كل واحد

بيتكلم انه يشتري الأرض كلها لا بلاش

تنظر أمى في حزن الخبر وهى تفرك ايدها في بعض

_ لا مايفنعش يا عمى عباس انت عارف الأرض دى سيبها المرحوم
للعيال لما يكبروا

_ انا عارف يا بنتى بس ده اللي قالوه الجيران

_ ماشى ياعم عباس هفكر وهرد عليك

يمشى عباس من امام أمى وأمى تغلق الباب في حيرة وانا اقف
معها

_ هتعملى ايه دلوقتي هتبيعى الأرض كلها

_ مش عارف يا ابني
 يدق الباب افتح اجد سعديه تاجرة الخضار وهى تحمل شنطة
 سمراء
 _ فين امك ياعماد
 _ يا اما كلمى خالتى سعديه
 تدخل سعديه من الباب وأمى تقابلها بأبتسامه وتاخذها بالحضن
 _ اهلا سعديه تعالى
 _ اهلا بيكى يا اختى
 وتجلس سعديه على الأرض مع أمى وتحكى أمى معها
 وتنظر الى ما فى ايد سعديه
 _ اكيد مش جىالى مخصوص
 _ والنبى مفيش بس (أم شوقى) ربنا يخليها بتجيب لبس المدارس
 بالقسط روجت جيت للعيال
 تفكر أمى فى الكلام وتفتكر انها لديها ابناء يحتاجون الى ملابس
 _ ايه يا صباح بتفكرى فى ايه
 _ مفيش انتى عارف بقي العيال ومشاكلهم والمصاريف بتتنقل عليها
 يوم عن يوم والمدارس على الابواب
 وتنتظر سعديه قليل وتفكر فى كلام أمى
 _ متشليش هم هاخذك معايا تجيبى اللى انتى عايزاه منها وعلى
 ضمانتى بكره هعدى عليكى ونروح انا وانتى ليها
 تبتسم أمى وتحضن سعديه
 _ ربنا يخليكى ليا
 _ على ايه دا انتى زىي اختى
 وفى اليوم التالى اتت سعديه الى أمى واخذتنا انا وأمى واخواتى

لكي نأتى بلبس المدرسة من عند أم شوقى ونذهب نحو بيت أم شوقى وعندما نصل الى بيت كبير في وسط القرية بيت ملفوف بصور بالطوب النى ويوجد عليه رسومات وكلمات حج مثل الكعبة باللون الاسمر و كلمة حج مبروك وغيرها ندخل من البوابة لنجد مكان خالى ليس في شئ من زراعة اشجار وغيرها يبدو انها كانت جنينة في الماضى وبعد خطوات من البوابة نصعد سلم من الحجارة لنقف امام باب خشب قديم من درفتين في وسطة حديد وازاز تطرق سعديه على الباب وهى تنادى

_ أم شوقى يا حج

تفتح امراه في سن الخمسين ترتدى جلابية سمراء ويظهر عليها اثر مشوار بعيد تبتسم عندما ترانا وهى ترحب بينا

_ تعالا يامرحب

تدخل سعديه وهى ترد الترحيب وأمى خلف سعديه

_ الله يخليكى

وعندما تري أم شوقى أمى تأخذها في حضنها كأنها لم تراها منذ زمان

_ صباح عامله ايه وحشاني يابنتى

وبعد ما انتهت من الترحيب ندخل انا واخوتى من امام الباب بيت كبير من الداخل باللون الاصفر والنقشات والرسومات تكسوه من الداخل تأخذنا أم شوقى الى الداخل نجلس على كنبه وتجلس امامنا

_ عامله ايه يا صباح

_ الحمد لله يا حاج

سعديه تقطع الترحيب

_ احنا جايين انهارده علشان ناخذ لبس المدارس للولاد
 من عندك بس عايزكي تريحننا في الاسعار وزى ما انا واخده كل
 اسبوع القسط هيكون عندك
 _ يا سلام غالى وطلبكم رخيص
 تقف أم شوقى وتدخل الى الداخلى تأتى بشنطة سمراء كبيرة وتفتح
 الشنطة على الأرض تظهر الملابس داخل الشنطة
 _ شوقى الى انتو عايزينوا وهخش اجيب الهدوم الثانية
 وتمسك سعديه احد القطع من الشنطة وأمى تمسك ايدها
 وباستغراب من ما قالت سعديه
 _ انتى بتقولى القسط كل اسبوع ازاي ما انتى عارفه
 تبتسم سعديه وهى تمسك قميص ابيض
 _ ماتقلقيش انا عامله حسابى فى شغل ليكى
 تستغراب أمى لم احد يخبرها بعمل من اهل البلد
 _ شغل ايه ده ما انتى عارفه مين الى هيخبز فى البلد كل يوم
 _ خلاص بس نخلص هنا ونتكلم فى البيت
 تأتى أم شوقى من الداخلى ومعها شنطة سفر صغيرة وتلقى بيها
 على الأرض جانب الهدوم
 _ ودى كمان فيها لبس لسه جاى دلوقتى شوفو الى عايزينوا
 وميهمكوش الفلوس
 تبتسم أمى ابتسامه مصطنعة
 _ ربنا يخليكى ويخليك رجالتك
 _ تعيشى
 تنظر الينا سعديه وانا واخواتى نجلس على كنبه بعيده عن اللبس
 قليلا

_ انزلوا يا ولاد شوفه اللي هيجى على قدكم ايه وخدوه
ننظر الى أمى تبتسم وهى تنزل من على الكنبه الى الشنط وتمسك
احد القطاع من اللبس

_ تعالا يا عماد تعالا يا محمد

ننزل انا واخوتي على اللبس وكأئما ينزل رجل كبير فى الصحراء لم
يجد ماء منذ أيام وفى هذه اللحظة وجد كوب من الماء مُسك انا
واخواتى الهدوم الجديده الذي لم نراها من يوم ما مات ابي وأمى
مشغوله فى اللبس وتجلس أم شوقى على الكنبه امام سعديه
_ سيبى صباح والعيال يشوف اللبس وقولى يا حاجة

_ خير ياسعديه

_ انا امبارح وانا هنا شفت عندك درة كتير قوى اكوام اكوام ايه
مودينهم فىن

_ دى عندى من السنة اللي فاتت وجينا نبيعها محدش راضى
ياخدها ما انتى عارفه بقي البلد مفيهاش حد معندوش ارض
_ طب واللى ياخدها منك كلها

_ اهى جاهزة لى يشيل بس فهمينى

_ بعدين دلوقتى هناخد الهدوم للعيال وهبقي ارجعلك تانى بعد
يوم ولا اتنين

تستغرب أمى من الكلام وهى تقيس لبس لسعاد وبعد ان اخذا
كل من اخواتى وانا الهدوم الى عايزينها للمدرسة نقف من على
الأرض وتمسك أمى الهدوم تعطى الى أم شوقى لتعرف ثمن كل
حاجة وبعد الاتفاق على الثمن نخرج انا واخوتي ويظهر علينا
الفرحة والابتسامه وكل واحد يحمل لبسه فى يده ونخرج من عند
أم شوقى وعندما نصل الى بيتنا نفتح الباب وتجلس أمى مع

سعديه وانا واخواتي ندخل جوه فرحانين باللبس الجديد ونسمع
 أمى وهى تكلم سعديه بعد ان استراحه من المشوار
 _ ايه بقى الشغل اللى انتي شوقتيه ليا
 _ طب نشرب شاي علشان نعرف نتكلم
 تنادى أمى عليا وهى تجلس جانب سعديه
 _ ياعماد تعالاهات عدة الشاي من جوه
 اخرج من الداخل وادخل المطبخ أتى بالعدة والاسطوفيا الذى
 تشتعل بالجاز واضعهم امام أمى واجلس لكى اسمع ما نوع
 العمل اللى جايباه سعديه الى أمى وأمى وهى تشعل الاسطوفيا
 _ ايه بقى نوع الشغلانه دى
 تنظر سعديه الى الفرن
 _ هو الفرن دا شغال ولا خربان
 _ لا شغال دا انا الى عملاه بأيدى
 _ تمام شوقى بقى ياختى انتى عارفه انى انا بقعد فى سوق المركز
 بالخضار كل اسبوع صح
 _ صح وايه الجديد
 _ استنى بس انتى امبارح لما كلمتيني على العيال والضيق اللى
 انتى فيه فكرتلك فى شغلانه انتى بتعرفى تعملها واحسن واحده
 فى البلد انتى فيها
 _ يكونش بتفكرى
 تقطع سعديه أمى
 _ ايوه اللى انتى بتفكرى فيه
 _ عايزانى اخبز عيش واديكى تبعيه فى المركز
 _ مش كدا بالظبط

_ امال ايه

_ انتى هتخبزى عيش وانتى اللى هتيجى معايا المركز تبعيه اهو
أول سوق لقينا الحال حلو نكمل مش حلو نشوف حاجة تانى
تفكر أُمى فى الكلام وتسرح

_ وانا كلمتلك أم شوقى على الدرة وهتفق معاها بس لما انتى
تفكرى ايه رايك

_ بس انتى

سعديه تقطع أُمى تانى مره

_ مش بس ولا حاجة احنا هنشوف الشغلانة عامله ايه
وبعدين المركز فيه بهوات وناس متعرفش تخبز ولا تعرف حاجة
وانتى عليكى تجيبى الدرة وتحمصها وتشوها وبعد
ما تتخبز هتيجى تقعدى فى سوق المركز جانب الناس اللى بتبيع
العيش ورزقى ورزقك على الله

_ سببى افكر فى الموضوع

تنزل أُمى الشاى بعد ان استوي وتعطى سعديه وسعديه تكمل
الكلام

_ احنا هناخد الدرة من الناس بالاردب ونشوف المكسب قد ايه
وربنا يكرم

تنظر أُمى فى سرحان وهى تسمع سعديه وبعد ان غادرت سعديه
البيت جلست أُمى تفكر فى الموضوع ولا تتكلم مع احد
وفى اليوم التالى خرجت من غرفتى ادخل الحمام وعندما فتحت
الباب اجد أُمى ترتدى جلابية قديمة وتسد فتاحات الفرن بالطين
وتمسك قطعه من الطين وتمسح الفرن من الخارج وعندما اقتربت
منها نظرت الي وهى تمسك الطين

_ انت صحيت يا حبيبي خش اغسل وشك وتعالا اكون خلصت
وحضرتلكم الفطار

_ انتى بتعملى ايه

_ مفيش بس بسد الفتاحات بتاع الفرن علشان ربنا يكرم فى
الشغلانه اللى جايبها سعديه لينا

يومها عرفت ان أمى لم تنام من التفكير حتى اخذت القرار وبعد
الفطار خرجت أمى بعد ان جاءت اليها سعديه وتأتى أمى بشوال
مليئ ذرة تحملها على راسها وخلفها سعديه تحمل شوال ثانى
يدخلان البيت وينزلان الذرة من على راسهم ويظهر عليهم تعب
المشوار يجلسان على الأرض تطلب سعديه كوب ماء منى

_ هات نشرب ياعماد

اذهب لاملئ كوب الماء من الزير واعود اعطيها الكوب ترفع
سعديه الكوب ولا تنزلها الا فارغة واملئ الثانية الى أمى واعطيها
اليها

وبعد وقت صعدت أمى الي اعلي المنزل وتحمل بوض وجريد
قديم لتشعل به الفرن تخرج أمى الذرة من الشوال وتُدسها فى
الفرن وهى سليمة لىي تحمصها وبعد ذلك اغلقت الفرن على
الذرة بجلباب قديمة

وفى اليوم الثانى اخرجت أمى الذرة من الفرن فى طشت كبير نحاس
لكى نفرط الذرة ونأتى عليها انا واخواتى لنجلس على الطشت ونفرد
معها وبعد وقت نهى تفريط الذرة من الكيزان ونجمع الذرة
على بعض ونجمعها فى شوال لىي تحملها أمى الى المطحن لتعود
قبل الليل وهى تحمل الدقيق على راسها وتدخل البيت تجدنا انا

واخوتي في انتظارها تنزل الدقيق من على راسها وبعدما استراحة قليلة على الأرض تنهض تحضر لتعجن للخبيز حتي تذهب مع سعديه الى المركز فاليوم التالي تحضر بوض ثاني من فوق البيت وتنزل من على السلم وهي تحمله تضعه امام الفرن وتدخل لتأقي بالكبريت من الداخل لتشعل الفرن وانا واخواتي نجلس حولها وبعد وقت من خبيز أمى وحدها ينام محمد وسعاد على الأرض بجوار أمى تقوم أمى من امام الفرن لتدخل اخواتي وانا اجلس معها حتي تنتهي من الخبيز وكنت كل ما تخرج العيش من الفرن أخذه منها واضعة على جلباب داخل الطشت الالمونيا وبعد ان انتهينا نهضت أمى من امام الفرن وربطت جلباب على العيش كي نذهب بها الى المركز عندما تمر علينا سعديه في الصباح وندخل انا وأمى لنستريح قليل قبل طلوع النهار

_ تعالا يا عماد ننام ساعتين لحد ما خالتك سعديه تعدى علينا

وبعد صلاة الفجر بقليل اجد أمى تدخل عليا لتيقظني من النوم

_ يا عماد قوم يا حبيبي

افتح عينى قليل وانهض اجلس على السرير وانا لم اشبع من النوم بعد

_ قوم يا حبيبي اغسل وشك بشوية ميه عقبال ما اروح لجارتنا علشان تخلى بالها من اخواتك

_ ماشى

تخرج أمى من الغرفة وانا انزل من على السرير لم اري امامى اتحسس على الدولاب وعلى الحائط حتي اصل الحمام ادخل الحمام اقضي حاجاتي واخرج وانا لم افيق حتي بعد غسيل وجهي بالماء تدخل أمى من باب البيت وانظر الى السماء لم اجد ضوء

النهار

_ خش هات حاجة ثقيلة على جسمك ويالا علشان خالتك سعديه

زمانها جاية

ولم تكمل أمى الكلمة ونجد سعديه على الباب تحمل فوق راسها

بدارية مصنوعة من خوص النخيل وتغطيها بجلابية

_ صباح

_ تعالى يا سعديه

_ يالا علشان نلحق يا حبيبتى

تدخل سعديه من باب البيت وانا ارتدي بروفال قديم من

الدولاب واخرج اجد أمى تحمل الطشت وفيه العيش الذرة وانا

اساعد سعديه فى حمل البدرية التى انزلتها حتى تساعد أمى

فحمل الطشت الكبير وأمى وهى تخرج من الباب

_ يارب ارزقنى برزقهم يارب اقفل الباب يا عماد

تخرج أمى وانا اخرج بعدها واغلق الباب ونذهب نحو الطريق

المؤدى الى المركز يقابلنا من مستيقظ من اهل القرية فى الصباح

وهو ذاهب الى الأرض على الحمار ومنهم من يركب عريية كرو

نقف على المزلقان فى انتظار ان يمر القطار وجرز انذار القطر

يدق يمر القطر من امامنا ونعدى المزلقان ونقف على الطريق

لنركب الى المركز ننتظر قليل حتى اتت عريية ربع نقل تحمل

نساء بائعين جائلين يأتون من مصر الى سوق المركز تقف العربية

ونركب احنا وسعديه

السوق فى المركز

السوق فى المركز تصل العربية الى أول المركز فى أول ضوء النهار
والسوق ليس فيه الا من يحضر الفرشة للبيع وتقف وننزل نحن
ثم خالتى سعديه تحمل أمى الطشت وسعديه البدارية وانا
خلفهم انظر يمين ويسار وما اسمعه من الكلام من البائعين
_ نهارك ابيض نهارك زى العسل

_ عمى محمد عامل ايه نهارك قشطة

وانا امشى وراء أمى وسعديه حتى وصلنا الى محطة القطار وميرنا
منها وفى احد الاركان انزلت سعديه ما على راسها ونزلت من على
أمى العيش على الأرض

_ انتى هتقعدى هنا وفى ناس تانى هتيجى تقعد جنبك هو ده
المكان اللى بيعوا فيه العيش

تسمع أمى الكلام وتفهم وهى تهز راسها

_ انا هروح المكان اللى بقعد فيه وهبقي اجيلك من وقت للتانى

_ ماشى ربنا معاكى

تساعد أمى سعديه فى رفع الخضار المتواجد فى البدارية من على
الأرض

_ سلام

_ سلام

ونجلس انا وأمى بعد ان كشفت الجلابية من علي العيش وتجلس
فى كسوف لاول مره أمى وانا فى هذا الموقف لم نعرف احد ولا

احد يعرفنا وكانت أمى تفكر وعندما تلاحظ احد ينظر الى العيش
تبتسم فى وجهه وكانت تطلب من الناس ان يأتیان لشراء العيش
منا بالابتسامة وتعيد التفكير وبعد وقت قليل يأتى رجل كبير فى
السن يظهر عليه العز يمسك العيش

_ بكام البتاوه

تظهر على أمى الفرح

_ ببلاش يا بيه

يبتسم الرجل الكبير

_ انتى باين عليكى بنت حلال انا لو عجبنى العيش بتاعك هشتري
منك كل سوق

وانظر انا بعيد والرجل وأمى يتكلمان وانا اري نساء تحمل عيش
ذرة يأتیان نحو أمى

تأتى أول واحده تري أمى تجلس فى المكان التى تجلس فيه تبتسم
وهى تحمل العيش وهى تأتى نحونا بعدما اخذت أمى الفلوس
من الراجل الكبير ومشى من امام أمى أمى تجد النساء تقف
امامها وهى تحمل العيش تقول واحده منهم

_ ايه دا فى واحده غريبة هنا يا أم عبير

تقول أمى بخوف وابتسامة مصطنعة

_ ما غريب الا الشيطان

وتنهض أمى وتنزل العيش من على راس النساء

_ فعلا ماغريب الا الشيطان بس انا أول مره اشوفك هنا

تجلس واحده على يمين أمى وواحدة على الشمال

وتبتسم النساء فى وش أمى وتقول أمى

_ ايوه انا أول مره انزل السوق

تتعرف على أمى النساء الاولي أم عبير ست فى الاربعين من العمر
ترتدي جلابية سمراء ويظهر عليها التعب من المشوار والثانية أم
سماح فى نفس عمر أم عبير ولكن اختلاف فى الشكل والسكن أم
سماح من المنيل وام عبير من اللشت يظهر على النساء انهم ولاد
بلد

ولكن ما اتي بينا الى السوق اتي بيهم فقر الحال

_ انا مش من بعيد انا من الدناوية يعنى من المركز

_ انا أم سماح من المنيل

_ وانا أم عبير من اللشت يعنى من المركز زيك بالظبط

تمد النساء ايدها لتسلم على أمى وبعد ان رحبت بأمى تجلس أم
عبير على يمين أمى وام سماح على الشمال وأمى فى الوسط وتقول
أم سماح

_ احنا بنقول انك غريبة عشان احنا مشفناكيش هنا قبل كدا بس

معروفه ان دا مكاني انا وام عبير من سنين بس انتى باين علىكى

بنت ناس واللى جابك السوق هو اللى جابنا

أمى تقف من على الأرض وتمسك الطشت

_ لا انا مش جايه من بيتى علشان اقطع عيش حد انا هنقل

من هنا

تقف أم عبير وام سماح وتبعد ايد أمى من على الطشت وتقول

أم عبير

_ والله ما انتى منقوله من هنا

وتقول أم سماح

_ والله العظيم ما حد قاعد هنا غيرك

وتجلس أمى بعد ان رأته انهم مش زعلانين

وتقول أم سماح

_ انتى لو روحتى اى مكان تانى رزقك هيجى وراكى بس السوق
كله عارف ان دا مكان العيش الفلاحي وبعدين دا انا الى امشى
دا انا الغريبة

وأمى ترد الكلام الجميل من المرءة الذى لم تعرفها الا منذ قليل
_ لا ماتقوليش كدا انتى لو مشلتكيش الأرض نشيلك على دماغنا
_ تُشكرى بس المكان ده مش بتاعى دا بتاع أم عبير وهى زيك
كدا عمرها مازعلت حد منها
تنظر أمى الى أم عبير وتشكرها
_ شكرا يا أم عبير

_ يا اختى كفايه شكر هو الى بيطلعنا من البيت ايه غير لقمة
العيش يعنى هو انتى عايظه تيجى من الفجر علشان تهزرى
معانا ولا تقبلينا كله بياكل عيش فى المكان ده ولا فى غيره متشليش
هم حاجة مدام فى وسطينا وهدفى ارضية زينا
_ ربنا يخليكم

و أمى تبتسم ابتسامه فرح انها وجدت مكان وسط نساء البلد
الجدعان وانا جلست خلف أمى وكانت عندما يأتى احد ليشتري
عيش تعطينى أمى الفلوس وأخذه واضعه فى كيس بلاستيك وبعد
ساعات من النهار انتهت أمى بيع العيش كله ويبقى مع أم سماح
وام عبير قليل من العيش تستأذن أمى وتأخذنى نشترى اشياء للبيت
وبعد ان اتينا بكل ما نحتاجه ذهبنا الى سعديه وقد انتهت من
بيع الخضار نظرت الى أمى وهى تحمل الطشت تفرح وتبتسم
وهى تحمدالله

_ ايه ده ماشاء الله خلصتى العيش كله

أمى وهى تنازل الطشت من على راسها وتجلس جانب سعديه

_ الحمد لله البركة فيكى

_ البركة فى ربنا الاول ايه قوللى جبرت معاكى

_ الا جبرت دى جبرت وجبرت

_ يعنى هنكمل ان شاء الله

تنتظر أمى قليل وترد

_ ربنا يسهل ومفيش حاجة توقفنا

ونعود انا وأمى الى البيت بعد صلاة العصر وأمى تجلس بعد ان

دخلت البيت تستريح من تعب النهار ويأتى اخواتى من بيت أم

محمد جارتنا يدخلان على أمى وكانت جايبة لكل واحد فينا عقد

من الحلاوة الالوان تمسك أمى العقد وتعطيه الى محمد وسعاد

ومحمد ياكله

وادخل انا على السرير انام بعد يوم طويل اجلس فى الشمس

جانب أمى

محضر الى خالى

كان خالى فى الصبح يجلس مع انعام على الفطار وعبد الرحيم ابنه
معاه وسميرة تجهز الشاى ويدق الباب لتفتح سميرة لتجد محضر
يقف امام الباب فى يده ورق كتير لناس عليها محاضر

_ سلام عليكم

_ وعليكم السلام ورحمة الله

وهو ينظر فى الورق اللى متواجد فى يده

_ مش دا بيت محارب عبد الرحيم

_ ايوه خير

_ خليه يجى يستلم ورقة محضر

يظهر القلق على وجهه سميرة وتدخل على محارب وهو يفطر

مع زوجته وابنه

_ ابو عبده

ينظر اليها محارب وانعام

_ ايه يا سميرة من على الباب

_ دا واحد بيقول عايزك تستلم ورقة

محارب وهو يقف من على السفرة

_ ورقة ايه دى

_ يخرج محارب ويقف امام الرجل

_ سلام عليكم

_ وعليكم السلام يابيه

_ ايه ورقة ايه دى يا استاذ

_ دا محضر لجلسة في المحكمة امضى هنا وانت تعرف بتاعت ايه
يمضى محارب بأستلام الورقة ويعطى الرجل الورقة ويذهب من
امام محارب بعد ان القى السلام ينظر محارب في الورقة وهو
يغلق الباب وعندما يعرف ما في الورقة ينفعل وهو يذهب الى
السفرة

_ والله عال مبقاش الا كدا كمان

_ خير يا محارب في ايه

_ صباح رافعة قضية عليا علشان الورث

وفي استغراب يجلس في وجه انعام

_ انا أول مره اشوف اخت تعمل في اخوها كدا

_ اهو اديكي شوفتي دي اتجننت رسمي

_ ما انا قولتلك اكتب كل حاجة بأسم عبد الرحيم انتى اللى
مسمعتش كلامى

_ مالوش لزوم الكلام ده دلوقتي

_ طب وهتعمل ايه

ينظر محارب الى الورقة ويقول وهو يفكر

_ لا دي مش دماغ صباح انا عارف صباح كويس

دي دماغ العمدة خيرى ماشى يا عمدة

وبعد ان انتهى محارب من الفطار لبس الجلابية وعليها العباية

وخرج نحو بيت العمدة وعندما وصل عند البيت وجد العمدة

يتحدث في التليفون وبعد ان نده بصوت عالي

_ ياعمى خيرى يا عمدة

يرد العمدة وهو يجلس ولا يعرف من المنادى

_ اتفصل ياللى بتنادى

يدخل محارب الى العمدة ويقف قدام العمدة ومعه الورقة وعندما
 يري العمدة تتغير ملامحه ويظهر عليه الغضب وبعد ان انهى العمدة
 التليفون ومحارب وقف
 _ اتفضل اقعد يا محارب
 ومحارب وهو يجلس
 _ ايه الورقة دى على الصبح يا عمدة
 ينظر العمدة الى الورقة وهى مع محارب
 _ ورقة ايه يا محارب الى مخليك هاللى هاللى عليا على الصبح
 _ جلسة فى المحكمة علشان الورث
 بيتسم العمدة وهو يأخذ نفس عميق
 _ يا ااه هى لسه وصله
 _ يعنى انت عارف
 _ عارف ايه دا انا الى عملها وربنا يخلى الولاد هما الى بيعملوا
 الى انا عايزه
 _ يا عمدة انا جايلك وبقولك الكلام ده غلط يحصل ما بينا
 _ الغلط انت عملته من زمان
 _ انا عارف انك مابتحبنيش من زمان
 _ بص يا محارب خلى الى فى قلبى من ناحيتك واسكت دلوقتي
 وبعدين انت قولت اعمل الى تعرف تعمله واهو هو ده بقى
 الى بنعرف نعمله
 _ متفتكرش كدا انا هخاف لا دا محامى بتلاته تعريفه هيخرجنى
 منها زى الشعره
 _ خلاص روح للمحامى واديله الورق وخليه يخرجك منها
 يغضب محارب من كلام العمدة ويظهر على العمدة انه فى الدقيقه

الاخيرة من عمر المباراة بينه وبين محارب وهو يظهر على وجه
الفرح ومحارب وهو منفعل

_ انا جايلك علشان تحلها

_ حلها في ايدك انت ادى صباح حقها في ورث ابوها وانا هخلي ابني
يتنازل عن القضية وان كان على ايجار الأرض طول المدة الى انت
واخدها من بعد موت ابوك انا هخليها تسييه

يظهر على محارب الغضب ويذهب من امام العمدة والعمدة
يبتسم ابتسامة خفيفه وقبل نزول محارب من على سلم البيت
يقول العمدة بصوت عالي

_ اللي يسأل عليا يا ولاد انا رايح عند صباح ابشرها دلوقتي

يقول العمدة ذلك حتي ليذهب محارب الى صباح وهو غضبان
يعود محارب الى البيت ويخلع العبايه ويرميها علي الأرض ويجلس
على الكنبه في الصالة تأتي اليه انعام وهو يظهر عليه الغضب
تجلس انعام امامه

_ ايه طلع هو

_ ايوه ومش هيتنازل الا لما ادى صباح حقها

_ وانت هتعمل ايه

ينظر اليها ويفكر و فاجأة

_ ايه ده

_ ايه

_ هو مش شكري ابن عمك محامي كبير في المركز

تفكر انعام في الكلمة

_ ايوه ليه

_ ليه ايه ماهو دا الي هيفهمنا ايه الحكاية قومي يالا نتصل بيه

_ قوم

يقوم محارب مع انعام من مكانهم الى التلفون

في نفس اليوم يأتي العمدة الى بيتنا ليخبرنا بما حدث

_ عامله ايه صباح

_ الحمدلله ياعم

_ انا جاييلك خبر حلو

_ خير

_ اتحدد جلسه لمحارب اخوكي علشان الورث

تستقبل أمي الخبر بحزن شديد ويغلبها الدمع

_ ايه انتي زعلتي ولا ايه

_ اكيد ياعم هو مش اخويا بردو

بيتسم خيري ويقول

_ كنت هزعل منك لو فرحتي امما انتي بنت ابوكي صحيح

_ بس اعمل ايه انا في حيرة يا عم

_ شوفي يا صباح احنا مش عايزين الا حقنا لو هيرده خلاص نتنازل

عن المحضر ولو مش هيدي نكمل وناخذ حقك من حباب عينه

_ بس

يقطع العمدة أمي في الكلام

_ مفيش بس ولا حاجة محارب غلطان ولازم يعرف ان البلد مش

سيبه وان في حكومة تقدر تجيب حق الضعيف من القوى

_ ماشي ياعم ربنا يقدم اللي في الخير

_ قوليلي بقه ايه اخبارك واخبار العيال

_ الحمدلله سعديه شافتلي شغلانة اكل منها عيش انا والعيال

_ شغلانة ايه دى
 _ بخبز عيش واروح المركز ابيعه
 يغمض العمدة عينه من تعب الشغلانة
 _ هو موضوع تعب بس مش هيطول ان شاء الله واشتغلى وربى
 عيالك مدام شغلانة بشرف وان عوزتى اى حاجة انا موجود
 _ تشكر ياعم
 ويذهب العمدة من بيتنا وهو يظهرعلى وجه الحزن الشديد
 لعمل أمى
 وتأتى سعديه بعد ان خرج العمدة
 _ صباح
 _ تعالى ياسعديه
 تدخل سعديه وتجلس جانب أمى ويظهر على أمى الحزن
 _ خير فى ايه باين عليكى حد مزعلك
 تحكى أمى الى سعديه ما دار بينها وبين العمدة وتقول سعديه
 _ وانتى هتعملى ايه بس ما هو اللى واكل حقك
 _ مش عارفه
 _ المهم بعد بكرة السوق مش عايزين نروح اسبوع ونقعد اسبوع
 _ لا ماتخفيش ان شاء الله هكون موجوده
 وتذهب سعديه من البيت وتأتى أمى بالذرة وتشعل الفرن لتجهز
 للخبيز

يجلس محارب على الكنبه وتأتى انعام اليه وهو يفكر
 _ ايه مالك
 وتجلس بجانبه وهو يمسك كوباية الشاي

_ مفيش بس بفكر هنعمل ايه فى المحضر ده
 _ مش شكرى قالك تعالى المكتب بعد بكرة وهو هيشوف الدنيا
 _ ماشى بس انا بفكر القح اى حاجة لصباح وتحل عنى
 بأستغراب وعنف
 _ ايه على جتنى دا مالك ومال ابنك من بعدك تديه ليه
 _ انا بقول
 تقطعه انعام
 _ لا بلاش تقول خلىنا نشوف شكرى هيعمل ايه
 وينظر محارب الى انعام وهو فى حيرة

ونذهب انا وأمى الى الأرض لنأقى بالبوص الذى نشعل بيه الفرن
 وفى الأرض نجد عباس يمسك بالفأس ويعمل فى الأرض وكان عباس
 قد اخذ الأرض شرك بينا وبينه هو عليه الشغل والزرع ويأخذ
 نصف المحصول بعد وفاة ابي وعندما نقترب منه
 _ سلام عليكو يا عمى عباس
 يقف وينظر الينا
 _ وعليم السلام ورحمة الله وبركاته
 ويأتى عمى عباس ليقف امامنا
 _ يامر حب تعالى يا أم عماد
 _ لا مش وقته انا جاى اجيب شويه بوص للفرن
 _ طب تعالى اقعدى وانا هجيلك الى انتى عايزه
 وبعد الحاح عمى عباس جلست انا أمى وحكىت اليه بمشروع
 الخبيز وقال
 _ اهو ناوية بتسند الزير وانا ان شاء الله اى ما اشوف بوص

هجييه لحد البيت

وبعد ما انتهينا من الحديث مع عمى عباس تحمل أمى حزمة بوص على راسها وانا احمل قطع من الخشب على كتفى ونذهب الى البيت

ويوم السبت بالليل تجلس أمى امام الفرن لتحضر العيش الى سوق الاحد بالمركز وانا اقف معها وهى تخبز وبعد الانتهاء من الخبيز نستريح ساعات حتي نذهب الى السوق في الصباح تأتى خالتى سعديه يوم الاحد بعد الفجر لنذهب معها الى السوق ونركب مع بعض وفي هذا اليوم حدث شيئاً لن انساه اتينا الى السوق انا وأمى وخالتى سعديه وجلسنا في مكاننا انا وأمى وذهبت سعديه الى المكان المخصص اليها وبعد فتره من وجود الناس في السوق ونحن نجلس جانب السكة الحديد على يمين الطريق وانا جلست جانب أمى رأيت خالى محارب مع انعام وهو لم يرانا ولم يستهل الامر ان اقول الى أمى فكانت مشغولة في بيع العيش ويأتى رجل غريب يأخذ ارضية السوق ويأخذ من أمى نصف جنية فهى ارضية تدفع لمن يملك السوق من البائعين المتواجدين وأمى تبيع العيش وتعطى الي الفلوس لاضعها في الشنطة فغلبنى النوم جانب أمى فأعطيت أمى الكيس وملت خلف أمى ما يقرب من ساعة واستيقظت من اصوات الناس وجلست جانب أمى وتأتى لحظة لن انساها يمر محارب هو وانعام من امامنا وانعام لم ترانا فكانت مشغولة بمن حولها ولكن ما رانا خالى محارب وتغيرت ملامح وجهه حتي وقف للحظات حتي نظرت أمى تأتى عينها في عين محارب يحمر وجه محارب ويتغير وجه أمى تسبقها انعام بخطوات تقف وتنادى عليه

_ محارب محارب

ينظر محارب اليها ويمشى نحو انعام ظلت أمى طوال اليوم وهى
حزينة بما راها محارب فكانت من ياقى من الناس ليشتري العيش
وأمى لم تسمعه واقف انا واخذ الفلوس تلاحظ أم عبير تعب أمى

_ ايه مالك يا صباح

_ مفيش تعبت شوية

_ طب ماتيجى نروح المستشفى

_ لا مفيش داعى

وننتهي من البيع فهذا اليوم وممر على سعديه ونذهب الى البيت
وعندما نأتى الى البيت نفتح الباب نجد خالى محارب فى البيت فى
انتظارنا وهو غاضب جدا وعندما تراه أمى

_ يا مرحب

_ انتى كنتى فىن يا صباح

_ ما انت عارف انا كنت فىن وشوفتنى وانا بيع عيش علشان
اعرف اعيش انا وولاد اختك الى انت واكل ورثهم
يقف وهو منفعل وبصوت على

_ اسمعى انا اخر مره اشوفك فالمكان ده

_ لا وانت الصادق دى أول مرة ومش هتكون اخر مرة لحد ما على
يكبروا او تدينى ورث ابويا الى انت واكله
وهو يذهب نحو الباب ويهوش بالعكاز المتواجد فى يده وبصوت
على

_ اسمعى انا اخر كلام انا قولته اذا طلعتى بره البلد هكسر رجلك

انتى فاهمه

ويخرج محارب من الباب ويغلقه خلفه

تجلس أُمى على الأرض وهى تبكى وأنا اقف امام أُمى وقد كان
 قلبى يقف على ما وصل بيه حالنا
 وبعد صمت دام نصف ساعة وأُمى تبكى اخرج أتى بأخوتى
 وعند عودتى تدخل أُمى تغسل وشها وتخرج من البيت نحو بيت
 العمدة وكانت أول مرة تخرج دون احد مننا معها
 وبعد نصف ساعة تأتى أُمى عليها غضب وانفعال وتجلس على
 الأرض فى انتظار رد العمدة

العمدة خيرى يصل عند خالى محارب وكان محارب يجلس مع
 انعام فى الصالة وهو سرحان من بعد ما اتى من الخارج تلاحظ
 انعام انه سرحان
 _ ايه فى ايه من ساعة ما جينا من المركز وانت سرحان وجيت
 طلعت بره ولسه جاى فى ايه فهمنى
 _ مفيش حاجة
 _ ازاي انت كنت ماشى حلو معايا فى السوق وفجأه وقفت
 واتغيرت ملامحك
 يدق الباب العمدة وهو يظهر عليه غضب تفتح سميرة الباب
 تجد العمدة
 _ ازيك يا سميرة
 _ الحمد لله يا عمدة
 _ محارب موجود
 _ ايوه موجود
 _ قوليله العمدة عايزك
 تدخل سميرة الى الصالة تخبر محارب بوجود العمدة يخرج عليه

امام الباب ومن على الباب

_ خير ياعمدة

_ مش خير

_ انا عارف انه مش خير

_ تمام انك عارف انا عمري ما اتكلمت مع حد على باب البيت

بس انت بالذات انا مش هخش عندك

وبلهجة تهديد

_ اسمع بقي انا منساش يوم ماكنت عايز اخد صباح لعيل من

عيالى علشان اقرب من ابوك اكرت وانت اللى رفضت وانا عارف

انت رفضت ليه علشان كنت عايز تخلى ابوك ياخذ العمدة ولو

نسبنا العمدة مش هنقدر نقدم قدامه علشان اختى فى البيت

يقطع محارب فى غضب

_ مالوش لزوم الكلام ده دلوقتي

_ لا ليه عندى ولازم تعرف ان انا فاهمك من زمان اوى وساكت

ومرديتش اتكلم لماجوزت اختك لابراهيم وحيد ابوه ومش من

البلد اصل قولت بلاش ازعل صاحبى منى وانا عارف انك انت

اللى اعترضت على الجواز وعارف كمان انت مش عايزتدى لاختك

حقها ليه علشان المرکز يقول العمدة خيرى مش عارف يمشى

البلد بس اسمع انا عندى استعداد ارجع لصباح حقها من دلوقتي

بس هى بنت اصيله بنت ابوها وانت عارف كده من دلوقتي

اقلب عليك ويبقى انت وابنك قدام عيلين من عيالى بس انا صابر

عليك ويوم ما صباح تشتغل فى شغلانه علشان تعرف تعيش هى

وعيالها تيجى تقف قدمها والله ما حد هيقف قدامك الا انا يقطع

محارب العمدة وهو منفعل

_ انت ناسى انها اختى والا ايه

_ لا مش ناسى بس اختك جاتلى وبقت فى حمايتى يعنى لما انت
تكسر رجليها يبقي عبد الرحيم ابنك هيتري يتيم ومين عارف
مممكن كمان يجيله جوز أم يعيش فى الخير اللى انت فيه دا اخر
كلام عندى الحمدلله عندى بدل العيل خمسة ومفيش عندى
مشكلة يموتوا علشان حماية واحده زي صباح ومن دلوقتى الخيط
اللى بينى وبينك انا قطعته ومن غير سلام عليكم
يمشى العمدة من امام محارب ويظهر على محارب غضب من
الكلام يدخل ويغلق الباب جامد وانعام تقابله
_ ايه فى ايه صوت العمدة جايب اخر البيت

يذهب محارب نحو الصالة يفكر فى كلام العمدة ولم يسمع انعام
وهى بتساله وتعيد انعام مره ثانية
_ مالك يا محارب فى ايه العمدة قالك ايه مخليك تايه كده
يجلس محارب على الكنبه
_ مفيش مفيش

_ ازاي مفيش دا باين عليه كان غضبان من حاجة وعمال يزعق
والعمدية واياه اللى جاب عبد الرحيم فى الموضوع
_ العمدة شايلى من يوم ما جه يتقدم لصباح لواحد من عياله
وانا مارضيتش

_ لا مش هو ده الموضوع انا حاسة دا فى الورث بتاع صباح
وتنظر انعام بعيد تجد سميرة قريبه منهم
_ ايه يا سميرة راميه ودنك معانا زي كل مره
سميرة فى خجل

_ بتقولى ايه يا أم عبده

_ لا مابقولش بس شوفي اى حاجة فى المطبخ مش لازم تنظفى
الصالة دلوقتى
_ حاضر
تدخل سميرة المطبخ

تجلس أمى فى وسط البيت فى انتظار العمدة يعود اليها بالرد بعد
ما يأتى من عند خالى ونجلس انا واخوتى فى صبر حتى تحضر امي
الينا الغداء او العشاء فالمغرب اقتربت ان تؤذن
يدق العمدة الباب اقوم افتح الباب يدخل العمدة وأمى من
التعب لم تقف اليه جلس العمدة امام أمى وهو يظهر عليه
تعب المشوار والخناق مع محارب
_ خليكى قاعده انا هاجى اقعد جانبك
_ ايه اللى حصل
العمدة فى غضب
_ من النهارده محارب مالوش دعوه بيكى وان فكر يمسك او يمس
عيالك انا الى هقفله انا عرفته بكده وهخلى ابنى احمد يستعجل
فى القضية علشان تاخدى ورثك وتربى العيال
_ ولحد القضية ما تحكم اشتغلى ورحى السوق وتعالى براحتك
واللى هيفكر يمسك هو ولا غيره يمين تلاته لا اخلى الدبان الازرق
ميعرفلوش طريق جره
تؤذن المغرب الله اكبر الله اكبر والعمدة يقول
_ الله واعظم والعزة والجلالة لله
ويظهر على أمى الحزن والتعب
_ متزعليش يا صباح ما انتي عارفه دا ربايه العيال مش بالساهل

انا عايز اقوم اصلى المغرب بس مش عايز اسيبك زعلانة
 وبصوت مذبوح وفي حزن تقول أمى
 _ لا روح انت ياعم وكتر خيرك
 _ انتى عارفه ان البلد كلها بتتكلم عليكى دلوقتي
 تفاجأت أمى بالكلمة ويأكد العمدة
 _ ايوه ما انتى لما تعرفى ان مرات علوان عايزه تطلق منه بعد
 الحادثة
 أمى وهى فى ذهول
 _ ايه
 _ ايوه يا بنتى ما هى جاتلى وقالت انا عايزه اطلق
 ولما عرفت ان احنا رافعين قضية تعويض على الشركة سكتت لما
 تشوف هنعمل ايه شوفتى بقي الناس بتتكلم عن ايه كل واحد
 يقول امال صباح تعمل ايه اللى جوزها مات واخوها واكلها فى
 الورث وماسكه فى عيالها وبتربى فيهم
 تظهر على أمى ابتسامة خفيفة وسط الحزن
 _ ايوه كدا انا هفضل جانبك لحد ما اموت
 _ ربنا يخليك ياعم بعد الشر
 _ الناس حطينك فى مقارنه مع مرات علوان وانتى اللى كسبتى
 والمكسب الاكبر لما تشوفى عيالك رجاله ويردوا ليكى الجميل
 نستمع الى العمدة انا واخوتى وأمى تضمنا حولها
 _ اشتغلى عليهم مش عيب ان الواحدة تشتغل على عيالها انما
 العيب ان تطلعهم فاشله وخايين وانا عارف ان عندك عزة نفس
 زى عبد الرحيم الله يرحمة ماكنش ياخذ جنية الا لما يكون اشتغل
 بيه او فكر ده جاى منين

ربنا يعينك على تربيتهم
اقوم انا بقي وزى ماقولتلك اى حاجة انا موجود
_ربنا يخليك يا عم
ينهض العمدة من امام أمى ويفتح الباب الذى كان مفتوح
للنصف ويخرج من البيت وأمى تفرح بما سمعت قول الناس
عليها وبتحمد الله
_ الحمد لله يارب

أول يوم فى المدرسة

اليوم هو أول يوم فى المدرسة انا فى اولى اعدادى ومحمد يدخل
الصف الرابع وسعاد أول سنة ليها فى المدرسة
يوم السبت وفى تمام الساعة السادسة ونصف تدخل أمى علينا
الغرفة انا ومحمد عماد محمد قوموا يا اولاد وتسحب الغطاء من
علينا

نستيقظ انا ومحمد بعين واحده

_ قوموا اغسلوا وشكّم عقبال ما البس سعاد

نجلس انا ومحمد على السرير واحنا نفتح عين ونغلق الثانية

_ محمد

_ ايه

_ ما تقوم

_ هو انا نايم دا انت اللى نايم

_ أول يوم فى المدرسة بيبقى تعب

_ هو احنا لسه روحنا

تنادى أمى علينا

_ يالا علشان تلحقو مكان قدام

محمد وهو يظهر عليه النعس

_ دا اللى قاعد قدام السنة اللى فاتت جاب ملاحق فى العربى

_ اعوذ بالله على الصبح ملاحق

تدخل أمى علينا تجدنا على السرير

_ يا حبايبي اتجدعنوا

نهض انا ومحمد من على السرير على الحمام فى دقيقه نغسل

وشنا ونخرج نرتدي لبس المدرسة الجديد ونقف احنا التلاته امام
 أمى وهى اعطت كل واحد اكله
 _ خالى بالك من اخواتك يا عماد هتروح تقعد اختك وبعدين
 تروح انت على مدرستك
 وانا اسمع ما توصينى أمى على اخواتى ونأخذ سعاد ونمشى من
 البيت وتفتح أمى الباب وتخرج ورائنا فى الشارع وتقف على أول
 الطريق ويظهر كل رجل يسحب ابنه على المدرسة
 فى أول يوم من الدراسة
 وادخل المدرسة فى أول يوم وانا معى اختى سعاد وبعد طابور
 المدرسة دخل الطلاب الى الفصل وانا امسك سعاد وادخلها الفصل
 أول المدرسة يمينا ويقابلنى الاستاذ صابر وهو يبتسم
 _ ايه اللى جابك هنا مش ارتحنا منك خلاص
 وانا اسلم عليه وابتسم
 _ ازاي بقى انا مشيت واخويا فالمدرسة واختى عندك فى الفصل
 _ شاطره زيك ولا لا
 _ البركة فيك انت اللى مربينا على الشطاره
 _ طيب يالمض امشى انت علشان متأخرش على المدرسه
 واخرج من المدرسة الابتدائية واذهب نحو الكوبرى ويقف طلاب
 الاعدادية فى انتظار اى عربيه تقف تذهب نحو المدرسة وانا لم
 اقف معهم بل مشيت انا وثلاث طلاب فالمدرسة فى بلد جانب
 بلدنا فمن الطلاب من يمشى ومنهم من يركب فانا لم احب الركوب
 حتى لا اخرج من السائق ووصلنا المدرسة أول يوم هى مدرسة فى
 قرية السيل) او تعرف (بمنشية كاسب) وهى أول قرية يدخلها
 الكهرياء فى المنطقة بعد ان زارتها سوزان مبارك من قبل وامرت

بأدخال النور الى هذه القرية وهى الذى تفصل مركز العياط
والبدرشين اخر بلد فى مركز البدرشين هذه القرية مدرسة جديدة
مكونة من خمسة ادوار نقف فى الطابور أول يوم فى الدراسة وبعد
طابور الصباح وقف احد المدرسين وهو مدير المدرسة ليرحب بينا
اي الطلاب الجدد على المدرسة

_ السلام عليكم ورحمة الله وبركاته وبالامس ودعنا طلاب جلسوا
معنا ثلاث سنوات واليوم نستقبل طلاب جدد وارجو من الله
ان يُعنا ويُعين الطلاب الجدد يتفوقو فى الدراسة حتي يتحقق ما
يتمني وندخل الفصل اجلس فى المقعد الثانى من الامام واحساس
أول يوم فى المدرسة الجديدة لم يتغير عن أول يوم فى ابتدائى لم يتغير
ولكن الاختلاف ان بالامس كان معى ابي واليوم لم يكن معى وما لم
يغيب علي ذهني هو انني اتيت الى المدرسة اليوم وغدا ساغيب
ولا انسي يوما ان يوم الاحد هو يوم السوق فى المركز ولكن ما اتى
بى اليوم هو حجز مكان وان اتعرف على المدرسين
انتهى اليوم الدراسى وعدت الى البيت واجد أمى تحضر الدقيق
من المطبخ وتحمل على راسها وتدخل من باب البيت وانا خلفها
_ حمدلله على السلامة

_ الله يسلمك

وادخل اغير ملابسى واخرج من الغرفة وأمى تحضر الغداء وكان
غدائنا عبارة عن جنبه فى الطبق و مخلل وعيش ذرة وكوباية الماء
هذا ما تجده على الطبلية كل يوم
اجلس انا واخوتى على الطبلية وكل واحد يطلب من أمى كرايس
للمدرسين وتبدء سعاد بالكلام

_ امه انا عايزه ثلاث كراسات الاستاذ قال هاتوهم بكرة

محمد كان ناسى بس افتكّر لما سعاد اتكلمت

_ بحق وانا عايز خمسة كراريس وكشكول

وأمى وهى تأكل

_ شوف يا عماد الى اخوتك عايزينه علشان نجيبه بكرة من المركز

وفي اليوم التالى تجلس أمى في السوق جانب أم عبير وام سماح

وتنظر أم سماح الى أمى وتقول

_ امّا يا صباح انتى مش بتقعدي في مكان غير سوق المركز

_ اهو الى اعرفه

_ ليه هو انتى شغاله حاجة تانى غير العيش

_ لا بس عندى حتة ارض ومدياها لواحد شرك واهى بتمشى

_ طب ماتيجى معايا الجيزة هناك ناس ايه بهوات

تفكر أمى في العرض

_ لا انا منزلتش هناك الا علشان جوزى الله يرحمه والمعاش

_ بس اسمعى كلامى في لقمة عيش حلوه

وبعد الحاح أم سماح على أمى وأمى ترفض وننتهي من بيع

العيش ونمشي في السوق وندخل مكتبة كبيرة لكي أتى بالكراريس

الى محمد وسعاد ونعود الى البيت وكان يوم الاحد هو يوم عيد

بالنسبة الينا فامى تبيع وتأتى بالفلوس وبجميع ما نحتاج من

السوق

وفي بيت خالى يجلس هو وانعام ويدخل عليهم عبد الرحيم وهو

يعود من المدرسة وتقول انعام

_ حمدلله على السلامة

ويجلس عبد الرحيم على الكرسي ويسأل محارب

_ ايه اخبار المدرسة الجديدة

_ هو احنا لسه خدنا حاجة
ومحارب وهو يهزر معه
_ ايوه افضل قول كده لحد الامتحانات وهب الشهادة تطلع
بملاحق

انعام ترد على محارب وهى تحضن عبد الرحيم
_ ماتحبطش الواد يامحارب من أول يومين كدا
_ لا وانتى الصادقه دا من الشهادات اللى عدت
تنظر الى محارب فى غضب وتأخذ عبد الرحيم الى فوق
_ تعالا يا حبيبي اتغدا علشان انت راجع تعبان
وتترك محارب يجلس لواحد فى الصالة

وفى احد الايام بعد دخول المدرسة بشهر ضاق الحال فى المال وعمل
أمى يوم فى الاسبوع لا يكفى الى اكل وتعليم ثلاث أولاد ويوم من
الايام بعد ما خبزت أمى وجهزت العيش تعبت ولم تقدر تذهب
الى السوق وجلست على الأرض تمسك دماغها من التعب تمر علينا
سعديه فتجد أمى على الأرض وانا بجانبها
_ صباح

افتح الباب لسعديه وهى تحمل الخضار
_ خير قاعده كده ليه
أمى وهى تعبانة وتمسك راسها
_ قمت من قدام الفرن تعبت
_ يعنى ايه مش هتقدرى تروحي
_ مش قادره اقوم
تقف سعديه وتفكر قليل وتخرج تقف امام الباب

_ تنظر يمين ويسار تجد شاب يركب حمار يأتي من بعيد يحمل
 الفأس امامه وتكلمه كأنها تعرفه منذ زمن بعيد
 _ خد البدارية دى قدامك لحد المزلقان
 _ ماشى
 تُنزل سعديه الخضار امام الشاب على الحمار وتدخل علينا
 _ شوفي خشى انتى ارتاحى وانا وعماد هنروح السوق
 ولم تعترض أمى على هذا العرض فالمال الذى يأتي من السوق لم
 يكفى فكيف نجلس يوم من دون ان نبيع العيش فى السوق
 _ قومى ساعدىنى بس وارفعى عليا وانا وعماد هنبيع العيش وربنا
 يسهل
 تنهض أمى من على الأرض وانا وهى نرفع العيش على راس سعديه
 ونخرج من باب البيت الى الطريق
 وفى الطريق سعديه تنصحنى بطريقه البيع
 _ اسمع يا عماد انت هتعقد جنب العيش هعرفك تبيع ازاي
 وهسيك وهروح ابيع الخضار هقف هنا شوية وهنا شوية ونصل
 على المزلقان لنجد الشاب انزل الخضار على جانب الطريق وعند
 وصلنا تقف سيارة نقل شيفروليه حمراء تحمل نساء تقترب
 سعديه لتنزل العيش من على راسها فى السيارة ويستلم النساء
 منها العيش ونعود نحمل الخضار ونضعه فى العربية ونجلس فى
 العربية المحملة بالنساء وعندما نصل الى السوق تحمل سعديه
 سريعا الخضار لتنزله جانب احد الباعين فى السوق امرأه كبيره
 تجلس وامامها صينيه فيها طماطم وعلى يمينها كوسه
 _ والنبي يا خاله خلى البدارية دى جانبك لحد ما اوصل ابن اختى
 وارجع اخودها

_ ماشى خليها عندك هنا

وتعود سعديه وتحمل العيش من العريية ونذهب الى مكانا الذى
نجلس فيه وعندما ترانا أم عبير وام سماح تتعجب من سعديه
ويسالون على أمى بأستغراب أم عبير

_ امال فين صباح

وتقوم أم سماح لتنزل من على سعديه العيش وبعد ان انزلت
سعديه العيش وتأخذ نفسها

_ مفيش تعبت شوية وبعثت ابنها مكانها

أم عبير وهى تفتح غطاء العيش الخاص بينا حتى يري الناس

_ لا الف سلامة

وسعديه ترد

_ الله يسلمك اقعده هنا بقي ياعماد

وترد أم سماح وهى تجلس على الكرسي

_ روى انتى لفرشتك ومالكيش دعوة بيه احنا معاه

_ ربنا يخليكم

وتذهب سعديه وانا اجلس مكان أمى فى السوق وانا مُحرج وما
رايت من أم عبير وام سماح فى هذا اليوم لم اتخيله وكان من يأتى
على العيش ليأخذ منهم يعطوه نصف كيلو من عيشى او كيلو
ولكن ما رأنى فى السوق ولم اتوقع انهم يهربون من المدرسة ويأتيان
الى المركز احد الطلاب ومنهم عبد الرحيم ابن خالى وكنت اجلس
ولم اعرف انهم فى السوق وعدي عليا وابتسم ابتسامة فرح لماانا
فيه وكانت نظرة عيناه كأنها سكين تُقطع فى قلبى ويشاور عليا
ليعرف الطلاب اننى اغيب من المدرسة لكي ابيع العيش وحزنت
حزن الصغار الذى لم يريد ان يكون احد احسن منه

وانتهينا من بيع العيش انا وام سماح وام عبير ولكن كان الاهم عندهم هو ان ابيع العيش وارجع على أُمى دون شيء الا المال وعدت عليا سعديه وانا معى الطشت والجلابية وكيس الفلوس واخذت سعديه منى كيس الفلوس دسته فى جيب جلابيتها ولم تمد يدها لتعرف بكام بعث ولمين كل ما عرفته من أم سماح اننى خلصت ومفيش حد اخذ حاجة منه الا الارضية وابتسمت سعديه فى وش أم عبير وام سماح وقالت

_شكرا اهو محدش عارف كلنا بنمر بالظروف دى

تقول أم سماح

_ والله لو هعرف اجيلها انهارده لكنك جيت شوفتها

_ فيكى الخير يا اختى

وتقول أم عبير

_ ولو ما عرفتش تيجى الاسبوع اللى جاى ميهمهش من حاجة

خليها تخبز العيش وتبعته

_ ربنا يخليكى عارف والله تشكري

ونذهب انا وسعديه على الموقف وتقول سعديه

_ هى امك عايز حاجة من هنا

_ مش عارف

_ يعنى ماقلتلكش هات حاجة

_ لا

_ خلاص مش مهم بيقى هيا تجلبكم من البلد

ونركب ونذهب نحو البلد

يدخل عبد الرحيم البيت بعد ان فتحت سميرة الباب ويدخل

يجد انعام امه تجلس في الصالة امام تيلفزيون كبير خشب الوان
وتسمع فيلم رصيف فمرة خمسة ويدخل عليها عبدالرحيم
ويقول وهو يحمل الكتب ويجلس جانب امه
_ انا شوفت النهارده حاجة هتعجبك اوى

تنظر اليه انعام وهى تبتمسم

_ شوفت ايه يا حبيبي فرحنى

ويحكى اليها ما رآه في السوق من عماد وهو يجلس يبيع العيش
وتتعجب انعام من الحوار ويدخل محارب من الباب وعندما يري
عبد الرحيم ابوه يصعد الى فوق ويدخل محارب على انعام وهى
تنظر اليه

_ سلام عليكم

_ وعليكم السلام ورحمة الله

ويجلس جانب انعام وتقول

_ انت عارف اختك صباح بتشتغل ايه

يتغير وجه محارب من الحوار

_ وانتي ايش عرفك ان صباح شغالة

_ لا انت تعرف كويس من يوم ما كانا في المركز وشوفت اللي عبد

الرحيم شافه النهارده واقول ماله دا كان ماشى كويس شاف ايه في

المركز يخليه متعكر كده

_ وايه يعنى لما واحده بتأكل عيالها عايزانى اعمل ايه

_ تمنع الفضيحة دى يعنى العيال في المدرسة يعيروا عبده ابنك

ويقولوله يالى عمتهك بتبيع العيش

ينظر اليها في غضب ويحول الحوار

_ امّا انتى مش شايفه غير موضوع صباح وفي موضوع تانى انتى

هنا علشانه

_ ايه هو الموضوع التانى

_ ازاي ابنك ياخذ منك فلوس وميروحش المدرسة ويلف في سوق
المركز

تفكر شوية وتقول بصوت خفيف

_ ايوه صحيح ايه اللي ودا الواد المركز

_ خالى بالك من ابنك واعرفي كويس انا سايب الواد ليكي يقوم
ماينفعش في التعليم محدش عارف ايه اللي ممكن يحصل
ويقف ويصعد الى فوق وهو غضبان ؟

ندخل على أمى وهى ترقد على السرير من التعب وسعديه معى

_ ايه انتى لسه تعبانه

أمى وهى على السرير ومتغطيه بلحاف قديم

_ الحمدلله احسن من الصبح

تمد سعديه يدها نحو دماغ أمى لتعرف الحرارة

_ جسمك حلو دافى

_ عملتوا ايه النهارده

_ الحمدلله بيعنا العيش كله

وتخرج سعديه كيس الفلوس من جيب الجلابية وتعطى لامى

الكيس وتضعه جانبها

_ انا هلحق اروح اطبخ للعيال وهبقي اعدى عليكى بالليل

_ ماشى

_ يالا سلام

تخرج سعديه من باب البيت وانا ادخل انام من التعب

وبعد شفاء أمى تجلس مع سعديه تقترح عليها مشوار مصر الذى

- عرضت عليها أم سماح وأمي تجلس تعمل شاي لسعديه
 _ بقول ايه يا سعديه
 وسعديه تنصت اليها
 _ كانت في واحدة من اللى بقعد جنبههم في السوق عرضت عليا
 اروح مصر بالعيش ايه رايك
 _ والنبى يا اختى معرفش بس بيقولوا اسواق مصر كبيرة
 _ انتى شايفه العيال بتكبر يوم عن يوم والمصاريف بتزيد عليا
 _ نشوف الموضوع ولو هيكسب حلو نمشى فيه
 _ خلاص انا هافتحها في الموضوع ده الاسبوع اللى جاى
 وتنهى أمى الحوار على انها تكلم أم سماح في مكان في مصر
 وكنت اعود من المدرسة لامسك كتبى واذاكر لى ولاخوتى كل يوم
 ويدق الباب عمى عباس يأتى يحمل بوص على حمار
 _ ياعماد
 اخرج عليه فأجد عمى عباس يحمل شوال كبير في بوص مكسر
 قطع صغيرة ويحملوا على الحمار وهو يقف
 _ ايوه ياعم عباس
 _ تعالى امسك الحمار علشان مايمشيش
 وامسك الحمار الى عمى عباس وهو يحمل الشوال الكبير ويركن
 جانب الباب وياتي ويركب على الحمار ويقول
 _ قول لامك دول شويه بوص وخليها تفضى الشوال وانا رايح
 اجيب تانى
 _ ماشى
 ويمشى عمى عباس وهو يركب على الحمار وتنزل أمى من فوق
 _ ايه ياعماد

_ عمى عباس جايب الشوال ده وبيقول هروح اجيب تانى بس
نفضى دا علشان يرجع ياخده

_ خلاص خش انت وانا هفضيه

ودخلت انا لاذاكر مع اخوتي فى الغرفة وتركت أمى تفرغ الشوال
من البوص ويوم السبت فى المدرسة كان احد المدرسين اعطانى
واجب للحفظ وسيسمعه غدا فخرجت من الفصل واتكلمت مع
المدرس اننى بغيب يوم الاحد علشان ظروفى فقال لى تسميعك
يوم الاثنين فكان الجميع يعذرنى فى حالى ويقدر ما افعل مع أمى
وبالفعل ذهبت مع أمى الى السوق وانا احمل الكتاب الذى فيه
الدرس لى احفظ فى السوق فاعندما اعود اكون تعبانا وعندما
اذهب بكون قايم من النوم فى احسن حال هو ان أخذ الكتاب
معايا وعندما وصلنا اخذو أمى بالحضن والترحيب بعد غياب
اسبوع من المرض وشكرتهم أمى لما فعلوه معى وبعد قليل من
البيع فاتحت أمى أم سماح فى بيع العيش فى مصر ولم تعترض المرآه
الجدعة بنت البلد وظهرت بالفرحه و بالابتسامات

_ تنورى مصر واسواق مصر

_ ربنا يخليكى

_ انا من بكرة هحجز مكان لىكى جنيبا

فرحت أمى بما سمعت واتفقت على ان تبدء فى التجهيزات خلال
اسبوع وتذكرت وانا جالس جانب أمى ان من الممكن ان يأتى احد
من الطلبة مثل ما حدث فى الاسبوع الماضى وتركت أمى وجلست
بعيد عنها وفتحت كتابى وقرأت فيه وهى ترانى وبعد مرور وقت
قليل انتهيت من الدرس واغلقت الكتاب وكانت أمى تنتظرنى اعود
واجلس جانبها ولم اعد وجلست مكاني فى انتظار أمى تنهى البيع

ومن وقت الى الثاني انظر الى أمى اجدها تبيع وفي وقت لم اعرف انها تنظر الي وابتع عيني في عينها وهى تهزس راسها قليل وتبتسم فعرفت أمى انى مكسوف ان اجلس جانبها واحست بي ولكن كان خوفا ان يراى احد من زملائي جانب أمى في السوق وانتهت أمى وعدنا الى البيت ولم اعلم ان أمى لم تنسى الموقف اننى لم احب الجلوس معها في السوق وانتهينا وذهبت في اليوم الثاني الى المدرسة ولم يشغلنى شيئا وكانت أمى في خلال الاسبوع تحضر لى تخبز لى تسافر الى سوق مصريوم والى سوق المركز يوم واتفقت مع سعديه على ان تساعدها في العمل الجديد وفي يوم سوق الاحد وقد اعتدت ان اغيب في هذا اليوم وبعد ما انتهينا من الخبز يوم السبت ومنا وفي الفجر دخلت أمى وكنت أول مره استيقظ دون احد يتكلم عندما فتحت أمى باب الغرفة قومت من على السرير وقالت

_ انا صاحى

وكانت المفاجأة اننى لم اذهب مع أمى اليوم بل تأخذ محمد

_ لا يا حبيبى خليك انت النهارده ارتاح وودى اختك المدرسة وانا هاخذ محمد

وهى تُصحى محمد وتقول

_ محمد قوم يا حبيبى علشان تروح معايا

_ ليه محمد انا واخذ اذن من المدرسة

_ لا انت تعبت معايا امبارح خليك انت جانب اختك

وقام محمد وهو يقدم خطوة ويأخر خطوة على الحمام ويدخل محمد وترتدى أمى لبس ثقيل وتقف في انتظار سعديه وانا اجلس على السرير حزين لما فعلت أمى ولم تأخذنى معها واتت سعديه

وخرجت أمى معاه الى السوق وقبل ان تخرج أمى تقول وهى ترد
الباب خلفها

_ تعالا ياعماد اقفل ورانا

واخرج اغلق الباب واعود الى السرير اجلس عليه واسحب اللحاف
عليا وافكر فى كلام أمى الي وعلمت ان أمى لم تنسى انى أخرج من
الجلوس جانبها فى السوق ولذلك اخذت محمد حتى لا تخرجنى
فكانت هى الذى قالت لا تأتى معى قبل ان اقول انا وفى هذا
اليوم لم يأتى الى نوم بعد ان خرجت أمى وافكر فى ما حدث
وافتكرت اننى ليس لى احد بعد الله الا أمى فكيف بعد ان اخذ
الله منى ابى ان أحزن أمى وهل الناس ستأتى الينا بطعام او لبس
عندما تجلس أمى فى البيت

وأمى الذى تعمل من اجلنا ومن الممكن انها كانت تتزوج بعد ابى
وترتاح من العمل فالبيوت واللف فى الاسواق والبيع وغيره ان الله
يعطى للانسان جوهرتين هم (الاب والام) فأخذ منى جوهرة الاب
فكيف احزن الجوهرة الثانية او اجرحتها لارضاء الناس فكررت ان
لا اذهب الى المدرسة اليوم وان استمر فى الغياب وعندما استيقظت
سعاد اخذتها الى المدرسة وعدت الى الحقل لكى اجمع خشب
وبوص الى أمى ومن هذا اليوم (أمى فوق كل الناس) ليس للنظر
من يشعب او يحقد عليه فأن كان مات ابى فانا واخواتى ظهر أمى
فى هذه الدنيا ولم اخشى احد من الناس

وخرجت من المدرسة عودت الى البيت لاغير ملابسى وأخذت حبل
واذهب الى مكان يسمى النخل فى البلد مكان كبير فيه ما يقرب
من الف نخلة ودخلت النخل وابحث عن جريد وليف وجمال
من نفيات النخل الناشف الذى يصلح الى الفرن واجمعت كوم

كبير من الجريد والجمال ولكن لم ينفع الحبل ان يربط هذا هو يحتاج الى شوال كبير وبحثت عن شوال في المكان فوجدت رجل يجلس تحت شجرة ويشرب الشيشة اتيت اليه يجلس لوااحده بجلابية قديمة ويربط حبل على وسطه حتي لا يتعب من التميل في الأرض

_ سلام عليكم يا عم

رد السلام بعد ان اخرج لى الشيشه من فمه وبأسنان سمراء وهو ينفخ الدخان من فمه

_ وعليكم السلام ورحمة الله

_ معندكش شوال هنا ياعم هحمل عليه جمال وليف وهرجعهلوك
تأني

-نظر الي وهو يتسم ابتسامة خفيفة ويسحب نفس من الشيشة

_ وانت ابن مين يا حبيبي

وعندما عرفته بأسمى احترمنى احترام لم اجده من احد واجلسنى جانبه وحضر لى شاي وبعد ما شربت الشاي معه

_ انت عندك الشوال

_ ماتخفش انا هحملك الجريد والجمال على الحمارة ويقي رجعه

تأني وكل ماتيجى هنا تعالى خد الحمارة شيل عليها ويقي رجعه انا هوريك مكان البهايم ولوانا مش موجود خدها وخلى حد

يحملك

فأحسست في هذا اليوم ان اهل البلد ينظرون الينا بأحترام لما تفعل أمى الينا فهذا الرجل لم اعرفه ولم يعرفنى ولكن عندما

اخبرته بأنى ابن ابراهيم فقال الله يرحم ابوك ويقوى امك عليكم وتكمل في ربايتكم

ومن يعرفنا من البلد دون أب فعلمت ان اسم أمى ينضرب بيه
المثل في الوقوف جانب ابنائها وحملت الحمل على الحمار وذهبت
الى البيت وعملت على ان ادخله امام الفرن وبعد اذان العصر اتت
أمى من السوق هى ومحمد فتجد بوض وجمال داخل البيت
اتفاجئت

_ ايه ده مين اللى جايب البوص ده

وانا اقف وجانبى اختى سعاد

_ انا قولت كدا كدا قاعد روح النخل وهات بوض

تبتسم أمى ومن هذا اليوم لم اخلف أمى مهما حصل فمن
الغريب يحترم أمى وكيف انا اخفي الجوهره الباقيه معى
وعاهدت الله طوال حياتى ان اجعل أمى راسها مرفوعة في البلد
بابناءها فكانت دائما تقول

_ انا برتاح لما تنجح انت واخوتك وتجيّب درجات عليا ساعتها

بس بحس انى تعبى مراش

ويوم الاثنين تحضر أمى للذهاب الى مصر غدا وانا ساكون معها
أول يوم وجاءت سعديه تحمل الدقيق من المطحن وأمى تحمى
الفرن حتى يبدء ان فى خبيز غدا وجهزت أمى كل شيئا واستعدت
على الرحيل الى مصر غدا وكانت مرتبه مع أم سماح على العربية
الذى تذهب من العياط الى مصر كل يوم بعد صلاة الفجر وكلمت
سواق العربية على ان يقف ينتظر أمى امام البلد وأتيت انا من
المدرسة على الساعة الثلاثة عصر فأجد أمى وسعديا احضرة كل
شئ ودخلت الى البيت غيرت ملابسى وخرجت اقف معهم وكانت
سعديه تحذر أمى من مصر والمشوار بعيد

_ ونامى بدرى علشان تلحقى العربية

_ ماتخفيش ربنا هيسهل

و ترتدي سعديه الجلايية السمراء على الجلايية الذى كانت تخبز فيها وتخرج من البيت وانا اساعد أمى فى تنظيف البيت وبعد ان اكلنا دخلت الغرفة وامسكت كتاب وبدأت فى المذاكرة وانتهى

هذا اليوم فى التحضير للذهاب أول يوم الى مصر دخلت أمى علينا فى الغرفة قبل اذان الفجر لتيقظنى من النوم وبصوت منخفض وهى تضع يدها على كتفى

_ عماد قوم يا حبيبي علشان نلحق العربية افتح عين واحدة واهز راسى وبصوت خفيف

_ ماشى

تخرج أمى من الغرفة وانا انزل من على السرير اتحسس على الأرض ابحت عن الشبشب البلاستيك فلم اجده انزل براسى تحت السرير وأتى بيه من تحت السرير والبسه واخرج لاغسل وجهى بالماء داخل الحمام وخرجت من الحمام وعلى وجهى اثر الماء فأدخل الغرفة ارتدي بروفل من الساعة الذى تتنفس فى أول ضوء النهار وأمى فى انتظارى فى الخارج وخرجت وأمى تمسك شاش وتضعه على راسها واساعد أمى فى حمل الطشت المحمل بالعيش ونخرج من البيت وقرءان الفجر بيده ونغلق الباب خلفنا ونذهب فى الظلام ويبقى على اذان الفجر قليل ولا احد من القرية مستيقظ الا رجال كبار المتعودين على صلاة الفجر وكل ما يقابلنا احد ونلقى عليه السلام

_ سلام عليكم

_وعليكم السلام ورحمة الله وبركاته

وعندما ينظر فيعرفنا فيقول

- _ ربنا يعينكم ويقويكم
وكانت أمى تشكرهم
_ تشكر يا حج
ونصل الى المزلقان ونقف فى انتظار العربية
_ ما تنزلى لحد العربية متيجى
_ خمسة بس لو مجتش نازل
_ هو متفق معاكم على الساعة كام
_ بيقول بعد صلاة الفجر بيطلع من العياط
_ طب دا لسه الفجر مأذن نزلى وتعالى نقعد لحد مايجى
واساعد أمى فى تنزيل الطشت من على راسها ونجلس جانبه قرابة
ربع ساعة وتأتى عربية نيسان صفراء تقف ومحملة ثلاث رجال
واربعة نسوان تقف امامنا تنظر أمى الى السوق
_ عمى حسن
_ أم عماد
نحمل انا وأمى العيش على العربية ويقف رجل شاب يمسك
معى انا وأمى ويوسع مكان للعيش ونصعد انا وأمى الى العربية
ويقول احد الشباب الى السواق بعد ماركبنا
_ اطلع يا عمى حسن خلاص
وعندما جلست أمى القت السلام على من فى العربية
_ سلام عليكم
فرد من كان صاحى فمنهم من غلبه النوم حتى يصل الى مكان
عمله
_ وعليكم السلام
واجلس فى حرف العربية واضم ايدى على بعض من الساقعة وليس

انا ما احس بالسعقة فقط كل من في العربية ينكمش حول نفسه ويسود الصمت في العربية وانظر الى الطريق والى الاسفلت الطريق ليس به اى عربيات الا عربيتنا حتى أول ضوء في النهار فوجدت اناس تقف في انتظار سيارات عملهم وكل من يحمل كيس به ملابس عمله ومن يحمل شنطة ويذهب الى الجامعة ومن يقف على عربية فول وقرب المنيب يبدء عمى حسن السواق يقف في اماكن معينة وينزل رجال من عربيتنا فهو يعرف من ينزل هنا ومن يعمل هناك واحنا لم نعرف الى اى مكان نجلس فقالت أمى قرب المنيب الى احد النساء التى تجلس جانب باب عمى حسن _ والنبي يا حاجة قولى للسواق متنساش الست بتاعة العيش

وقفت المرأة الكبيرة ومالت على باب عمى حسن واخرتة وعادت

_ ماتخفيش بيقول انتى هتنزلى فى الجيزة يعنى الاخر

_ شكرا يامه

تطمأن أمى من السائق حتى لا ينسانا

ونصل الى الجيزة تحت الكوبرى ولم يبقى في العربية من الركاب الا انا وأمى وست كبيرة بحلة الجبنة والسمن ويقف عمى حسن السواق على جانب الطريق وينزل من العربية ويأتى الينا فى الخلف رجل فى سنة الخمسين قصير القامة اصلح يكسو وجهه شنب ابيض يرتدي جلابية فلاحى وفى يده اليمنى ساعة كسيو يابانى فضة ومفاتيح العربية

_ يالا يا أم عماد ؟

تقف أمى وتستعد ونظرت الى المرأة فهى نائمه يظهر عليها التعب

فيقول

_ أم هنية

تستيقظ المرأة الكبيرة وتقف

_ ايه وصلنا

_ ايوه يا امه وصلنا

تمسك أُمى الطشت واساعدها فيه تنزيله وتأتى أم سماح وتقف

تحت جانب عمى حسن وتقول

_ حمدلله على السلامة

تبتسم أُمى

_ الله يسلمك

أم سماح تعطى حسن الاجرة فينظر اليها وهى تحمل الطشت

وانا وأُمى فوق العربية

_ انما هى مش هترجع معايا

_ لا دى ممكن تبات معايا النهاردة

بيبدو من الحوار ان حسن لا يأخذ اجرة من البائعين الا وهم

راجعين حتى يكونوا باعوا ما معهم تقول أُمى وهى تنزل من

العربية بعد ان حملت حلة الجبنة على راس أم هنية

_ كتر خيرك مينفعش ابات

تقول أم سماح وهى تحمل العيش على راسها

_ ماشى بس يالى علشان الفرشة لوحدها

وَمَشَى من امام العربية مسافة قصيرة فى هذه المسافة رأيت بائعين

اكثر ممن يشتري فحريبات الخضار والفاكهة وتمر على محلات

ملابس وقهوة ويقوم الجميع بنصب فراشة البيع ومن بعيد نجد

عمود عيش ولم يقف جانبه احد وعندما وصلنا بجواره

_ نزلى هنا

_ ماشى

أُمى نزلت من على رأس أم سماح وجلسنا جانب أم سماح في شارع رئيسى تحت كوبرى الجيزة ليس بمفردنا في السوق يبيع العيش ولكن نجد بين كل مسافة مجمعات من الخضار والفاكهة والملابس وغيره وبائع عصير القصب يمر وهو يحمل صانية وعليها كوبيات عصير قصب والقهوجى يحمل الشاي

يلف في السوق على البائعين ونجلس على فرشتنا الجديده وكانت أُمى تقول وهى تجلس

_ يارب سهل وسدد ما علينا

وكانت تقصد ما عليها من فلوس الذرة التى تأخذها من الناس على بيع العيش وانظر من بعيد اجد أم هنية تحمل الحلة وتلف

يظهر عليها لم تجد مكان تجلس فيه فشاورت لأمى عليها

_ الست اللى كانت راكبة معانا اهي

نظرت أُمى عليها وقالت لام سماح

_ بقول في مشكله الست دى تيجى جانبينا هنا

_ ايه المشكله انتى تعرفيها

_ كانت راكبة معايا وباين عليها الزمن جار عليها زينا

_ روحى جيبها

_ روح يا عماد انده ليها

اقوم من جانب أُمى واذهب اليها اجدها تقف تقول لاحد البنات

_ اقعد جانبك يا بنتى

ترفض البنت جلوس أم هنية

_ لا يا حبتى دا مكان محجوز

وأنى اليها وامسك جليبتها

_ تعالى أُمى حجزالك مكان

تمشى ورايه وتقابلها أمى وتحمل الحلة من عليها

_ هاتي يا خالة

تعطى أمى الحلة وهى تدعى لها

_ خدى يا بنتى ربنا يخليهوملك

وتنزل أمى الحلة وسط أمى وام سماح

_ تعالى اقعدى هنا

وتجلس أم هنية جانب أمى وتسلم عليها أم سماح

_ ازيك يا خالة

_ الله يسلمك يا بنتى

وتسألها أم سماح

_ امما انتى مالكيش مكان تقعدى فيه

وهى يظهر عليها الحزن على مكانها وأمى تستمع اليها وتقول

_ انا باجى هنا من زمان وبقعد قدام محلات الهدوم اللى فى

الاول بس جيت اقعد النهاردة صاحب المحل مشانى وجايب واحد

قريبه ببييع مكانى نزلت الحلة والناس وقفت وبتشترى جه قالى

امشى من هنا لا ابحتلك الجبنة فى الشارع ولسه بيمسك الحلة

ولاد الحلال اتحيلوا عليه ساب الحلة وقالى امشى من هنا شلت

الحلة وبدور على مكان محدش راضى يقعدنى جانبه الناس مش

عارفه انى باجى كل اسبوع علشان ورايا كوم لحم بيكلوا من الجبنة

والسمن اللى بابيعه والله برى عيال بنتى والجبنة هى اكل عيشى

مش بعرف اعمل حاجة تانى وماعتش فيه صحة انى اميل فى الأرض

زى الاول يالا كله عند الله حتى المكان اللى الناس اتعودت عليا

فيه مشيت منه ؟

تتأثر أمى بالكلام هى وام سماح وانا عندما سمعت أم هنية وهى

تحكى فرت الدمعة من عيني من كلام يخرج من ست كبيرة زى أم
هنية وهى تكمل الحديث

_ انا كنت بدفعله كل اسبوع ارضية مش عارف بيمشيني ليه
والنبي انا لما شفت قريبه واقف بيعع مزعلتش منه وقعدت
تحت العربية بتاعت قريبه
وترد عليها أم سماح

_ متزعليش يا خالة هنا زى هناك

_ انا مش زعلانه بس بيصعب عليا مكاني والناس عارفتي هناك
وناس بتبعت عيالها تاخذ منى
ترد أمى وهى حزينه وتتطب على كتفها

_ ماتقلقيش انا كمان أول مرة اجى هنا بس البركة فى أم سماح
هى اللى حجزالى المكان وان شاء الله هتبعى هنا احسن من
هناك

ويأتى رجل فى سن الاربعين يرتدي بدلة سمراء ويقف امام أم هنية

_ ايه يا حاجه انا روح المكان مالقتكيش هناك

ترد عليه أم سماح

_ لا ما احنا جنبناها هنا كل اسبوع تعالى على هنا على طول

_ ماهي عارفه انا مابحبش الا جنبنتها وباخذ منها على طول

ويأخذ الرجل ما يحتاجه من الجبنة وتقول أمى فى السر

_ كل واحد عنده اللى مكفيه

وكنا نجلس نراقب بيع أم هنية فوجدنا انها ليها زباين بيعشون
عنها فى السوق وكان كل ما يأتى اليها احد نخبره ان هنا المكان
الجديد لام هنية وتنتهى أم هنية من بيع الجبنة قبل أمى وام
سماح وتجلس فى انتظار أمى وتقول أم سماح

_ ايه يا أم هنية مش قولتلك رزق هنا رزق هناك
 _ الحمدلله والنبي لو تعرفوا اللى بيا ان بنتى جوزها سايبها بعد
 ما عرف انها مريضه وسايب معاها العيال اربع عيال وملهاش حد
 الا انا بعد ربنا فجبتهم وجت عندى وهى تقعد فى البيت وتطلع
 الجموستين بتوع المرحوم ابوها وتحلبهم وتخض وانا ابيع الجبنة
 والسمن واهو بطلع برزق العيال بعد ما ابوهم سابهم
 _ ربنا يقويكى ياخاله وكل اسبوع ماتخفيش مكانك جانبى تعالى
 ومحدش هيقدر يمشيكي من هنا
 _ تعيشى يا بنتى انا قعدت مستنيا الشابه دى كانت راكبه معايا
 الصبح ومكانتش عارفه المكان هاخذها معايا
 _ لا يا حابه دى هتيجى عندى البيت تتغده معايا وهخدك انتى
 كما ن
 _ لا يا بنتى علشان اعرف اروح بدرى
 وتنظر الى أم سماح وهى تقوم تحب على راسها وتشكرها وام
 سماح تمنعها
 _ ربنا يخليكى يا بنتى
 _ بس يامه محصلش حاجة
 وتذهب أم هنية وهى تحمل حلة الجبنة فاضية على راسها
 ولم انسى جلابية أم هنية السمراء القديمة التى تحمل تراب من
 الخلف اثر الجلوس على الأرض وتقول أم سماح
 _ باين عليها غلبانة
 _ الا غلبانة هو فى حد بيربى عيال بنته الا هى
 كتر الف خيرها
 ويلف رجل يحمل شاي وتنادى عليه أم سماح

_ يا ابو البنات

ينظر اليها القهوجى وهو يحمل الشاى على يده

_ هات هنا تلاته سكر زياده

_ عينى يا أم سماح

وعندما سمعت أم سماح وهى تقول الى القهوجى يا ابو البنات نظرت الى البائعين الكثيرين من حولى فعلمت ان كل واحد فيهم يحمل هم وحكاية اصعب من الثانية فهى التى تأتى بهم الى السوق يبيعون ويتاجرون ويرزقوا بلقمة عيش حلال وبعدها انتهينا من شرب الشاى كان يقترب العصر من الاذان وانا كل ما يعدى عليا رجل العصارة الذى يحمل عصير قصب وانا نفسى اقول الى أمى عايز كويابة عصير وهى كانت تراقب نظراتى نحو هذا الرجل وبعد ان انتهينا من بيع العيش نادى أمى على الرجل وهو يحمل خمسة كوبيات من عصير القصب

_ خد ياعم

يقف الرجل يعطى الى أمى وهى تعطى الي والى أم سماح وهى تشرب ويمشى الرجل من امامنا ويعود بعد دقائق فنكون قد انهينا شرب العصير وتخرج أمى حساب العصير بعد اعتراض أم سماح على انها هى التى تدفع حق العصير ولكن أمى لا تقبل وقالت

_ ادفعى انتى حق الشاى وانا حق العصير

_ ماشى

وانتهينا من بيع العيش وحملنا الطشت بعد ان بحثت أم سماح فى السوق تأتى بطلبات بيتها وانا امشى فى نهاية السوق وسبحان الله فالكل يرضى بما رزق من البيع وتجد تجار الجملة يتحسبون

مع التجار الصغار والابتسامة بأصوات عالية من التجار وهي تقطع من الحساب فيكون الاثنان راضين بالحساب وعلمت ان السوق فيه ابتسامات تسمى ابتسامة البيع هي ابتسامة يبتسمها البائع الى من يقف عليه وهو لا يعرفه فالكل هنا يريد ان يأكل عيش وذهبنا الى موقف ترامكو لنركب الى بيت أم سماح في منيل شيحة ووضعنا الطشت فوق الترامكو وركبنا وبعد ربع ساعة نزلنا الترامكو عند المعديّة وَمْشَى بعد ان نزلنا الطشت من على العربية ونذهب نحو بيت أم سماح ندخل في شارع على يمين المعديّة ضيق واول مره اشوف شوارع في مصر وَمْشَى بعيد عن الطريق وندخل في شوارع وانا انظر الى البيوت من تحت الى فوق سبحان من وقف البيوت ورفع هذا البيت وهو يحمل خمسة طوابق واربعة وهو من تحت الطوب مخوخ وانظر واتعجب فدخلنا الى بيت مزنوق في حارة ضيقة نجد باب حديد متر على درفتين وواحد مفتوح والثانية مغلقة ندخل خلف أم سماح وهي تفتح درفه الباب الثانية

_ تعالى اتفضلى تعالى

وأُمى وهي تدخل من الباب وهي تنزل الطشت

_ بسم الله ماشاء الله

وندخل ونقابل بنتين في سن العشرين الكبيرة سماح والصغيره

شيماء يسلموا على أُمى وتقول أم سماح

_ دى بقى سماح

أُمى تحضنها بنت جميلة وباين عليها التعليم تقف امام أُمى

وهي ترتدى جلايية بيتى صفراء

_ ودى تانى فرحتى شيماء

بنت قصيرة عن اختها بقليل ترتدي جلابية بيتى خضراء وعليها
 ورد وأمى تحضنها
 _ اهلا يا حبتى
 _ دى أم عماد اللى حاكيت ليكم عليها
 البنات فى صوت واحد
 _ اهلا يا خالة اتفضلى
 وام سماح تدخلنا الى غرفة ضيوف مفروشة بالسجاد القديم
 ومخدادات سنادة
 _ خشى اقعدى
 ونجلس انا وأمى وهى تجلس معنا وبصوت خفيف
 _ يلا يا بنات هاتى الغده
 أمى وهى ترفض
 _ مابلاش الغده علشان الحق عربيات توصلنى
 _ عربيات ايه دا انتى هتباتى معايا
 أمى وهى تبتسم وسماح تقف
 _ ماينفعش يا خالة خليكى معانا النهارده ورحى بكره ان شاء الله
 _ يوم فرحك والله هاجى وهعقد معاكى لحد متزهقى منى
 _ ازاي بقى دا انتى تنورى
 وتخرج سماح وشيماء من الغرفة ويأتوا بالغداء على طبلية
 وام سماح تعزم علينا
 _ شوفى بقى والله انا مبحبش اعزم على حد مدى ايدك
 وتنظرالى مد ايدك ياعماد يالا
 _ يالا يا بنات حضروا الشاى
 وتخرج البنات بعد ان وضعت الطبلية

- _ سماح دى أول فرحتى فى تالته جامعة
 _ ماشاء الله ربنا يحرسها
 _ وشيما فى أول سنة السنة دى فى الجامعة والبنات التانية اللى فى
 اعدادى واللى فى ثانوى بس بيخدوا دروس
 _ ربنا يخليكى ليهم
 _ انا متفق مع ابوهوم هو يمشى مصاريف البيت وانا اجهز العيال
 من مدارس ولبس واهو البنات عايزين مصاريف جواز كثير وربنا
 بيقوى
 _ ربنا يزيدك
 وبعد الغداء وتكرار العزومة واللاحاح بالاكل
 _ ماينفعش انا باكل لسه
 أمى وهى تبعد عن الطبلية
 _ والله ماهقدر خلاص هو انا هتعزم
 وبعد اقتناع أم سماح بأن أمى شبعت اكل تنادى على سماح
 _ سماح تعالى شيلى الاكل
 تدخل سماح وتنظر الى الاكل وتعزم مره ثانية
 _ ايه دا ياخاله ماينفعش الاكل دا هوانا لوجيت عندك البلد
 هتمشيني من غير اكل
 _ والله يا حبيبتى شبعت ربنا يخليكى
 وام سماح وهى تعزم
 _ والله يا بنتى عمال أكلها وهى اللى مش عايزه
 وتحمل سماح الطبلية مع اختها شيما ويخرجوا من الغرفة وتعود
 شيما بالشاى وهى تحمل صانية وفيها ثلاث كويات وتنزلها امام
 أمى وقد أمى يدها وتاخذ واحدة وشيما تعطنى كوييه وتخرج

من الغرفة

_ بعد ما تشربي الشاي هوريكي الفرن اللى بخبز فيه وهفرجك

على البيت من فوق

_ ربنا يخليكي ليهم وجميلك ده مش هنساه طول حياتي

_ جميل ايه يا عبيطه هو في جمائل بين الاخوات

_ ربنا يعزك ويخليهوملك

وبعد ان انتهينا من الشاي وقفت أمي

_ يالا بقي علشان الحق اروح للعيال

_ بقي مش هينفع تباتي

_ والله ماهينفع العيال صغيرين وسيباهم مع سعديه

تقف أم سماح وتخرج من الغرفة وتفرجنا على البيت بيت صغير

يقرب النصف قيراط على ثلاث غرف وحمام ومطبخ وسلم داخل

البيت أول ما تدخل من الباب تجد طرقة طويله هى المنفذ

للغرف أول غرفة هى غرفة الضيوف اللى كنا نجلس فيها والثانية

غرفة نوم أم سماح والغرف الثلاثة فيها الفرن البلدى ودخلنا غرفة

الفرن نجد فرن بلدى وانايب غاز وطشت فيه كزان ذرة امام

الفرن وشعلة تحت الفرن موصلة بالانبوبة تفاجئت أمي بما رأته

_ وانا اقول انت بتجيبى الوقيد منين

تبتسم أم سماح وهى تقول

_ لا احنا مينفعش نجيب وقيد احنا معندناش ارض هنا

ونخرج من الغرفة على المطبخ وبعدين نصعد على السلم الحجر

على فوق ثلاث غرف مثل تحت الاولي تجلس فيها سماح وشيماء

والثانية للبنتين الصغيرين وكل غرفة فيها دولاب وتسريحة ومكتب

للمذاكرة وعليه كتب والغرفة الثلاثة مغلقة برزة وقفل تخرج أم

سماح من جييها مفتاح للقفل وتفتح

_ هنا بقي جهاز واحدة من البنات

_ بسم الله

تفتح الباب وندخل نجد الامونيا وفرش عروسة هو فرش احضرتة

أم سماح الى احد ابناها للجواز في اى وقت وتقول

_ كدا لما بت تتخطب متزنقش واقول لحد ادينى

_ عندك حق

_ ما انتى عارف محدش بيشيل حد في الزمن ده

تتعجب أمى لما تسمع وتتذكر خالى محارب

_ محدش وحياتك دا الاخوات مختلفين

ونصعد الى الدور الثالث سطح مليء بالذرة

_ دى بقي درة مخليها مخزون بشترها أول الموسم وبخزنها هنا

مين عارف بتغلي كل ما تبعد

_ ماشاء الله دا انتى بيتك عسل

_ ربنا يخليكى يا حبيبتى

وننزل من على السلم الى تحت وتمسك أمى الطشت وتخرج من

الباب وام سماح تحزن وتعزم ولكن أمى تريد ان تمشى وتوصلنا أم

سماح الى الطريق ونسلم عليها ونركب ونذهب الى بلدنا ونعود الى

البيت بعد اذان المغرب نجد فى البيت سعديه فى انتظارنا تجلس

وسط اخواتى فى خوف وعندما ندخل

_ ايه مش عايزه تيجى والا ايه

وأمى وهى تنزل الطشت من على راسها وتعبانة

_ مفيش بس أم سماح خدتنا عندها وغدتنا وكانت عايزنى ابات

عندها سابتني بالعافيه

وتقول لمحمد

_ هات اشرب يا محمد

يقف محمد من على الأرض ويقف يأتي بكوباية الماء من على
الزير ويعطيها الى أمى

_ جبرت ولا ايه

تبتسم أمى الى سعديه وهى تخرج الفلوس

_ الا جبرت الحمدلله وهناك ايه بيع على اخره

_ مش بقولك مصر واهل مصر

_ والمكسب احسن من هنا الف مرة بس يعنى الضعيف مالوش

مكان هناك

_ احنا مالنا مش انتى بتقولى صحبتك حزالك مكان جنبها

_ الا حاجزة دى حاجزة وحاجزة

سعديه تفضى كيس الفلوس وتعد وتحسب ما اتت بيه من ذرة

وغيره وأمى تقول ليها وهى تعد

_ عملتى حاجة للعيال يتعشوا بيها

_ ايوه عملت كابر هناك فى الحلة

تنهض أمى لتحضر العشاء الى اخوتى وسعديه تحسب حسابها

وبعد ان انتهينا من العشاء والحسابات مع سعديه نظمنا الاسواق

انا ومحمد انا اذهب مع أمى يوم الثلاثاء وهو سوق المركزعلشان

قريب عليه

بيت خالى محارب فى الصباح يجلس شكرى المحامى فى الصالة فى

انتظار محارب وانعام رجل فى سن الخمسة والاربعين من العمر

يرتدى بدلة سمراء ويحمل شنطة جلد ساعة صفراء فى يده اليمين

يجلس فى الصالة وينزل عليه محارب وانعام من فوق ويقف

عندما يراهم ويسلم على محارب وانعام

_ اهلا يا متر

_ اهلا بيك يا استاذ محارب

_ ازيك يا استاذ شكرى

_ ازيك يا أم عبد الرحيم عاملة ايه

_ بخير طول ما انت بخير

ويجلسان الثلاثة فى الصالة ويقول شكرى

_ انا شوفت اوراق القضية اكرت من مرة بس انا عايز اشوف الاوراق

والعقود اللى كتبها الحاج عبد الرحيم ليك يا استاذ محارب علشان

هما بيقولوا ان الاوراق دى مش سليمة

يظهر على محارب القلق ويقول

_ طب وبعدين يا استاذ شكرى

_ ولا بعدين ولا حاجة دى قضية ورث يعنى ممكن تقعد سنة

واتنين واكثر

تقول انعام وهى تنظر الى شكرى

_ ايوه هو دا اللى انا عايزه لحد ما يزهقوا وهما اللى هيتنازلوا

علشان مش هتقدر تكمل فى المحاكم انت مش عارف هى ماشيه

ازاى

ينظر محارب الى انعام فى غضب ويقول شكرى

_ لا من الناحية دى اطمنى معروف قضية الورث نفسها طويل

مش زى غيرها من القضايا طول ما نفسنا طويل محدش هيقدر

ياخد حاجة مننا

_ انا بقول يا استاذ شكرى احنا ممكن نتفاوض معاهم ويخدوا اى

حاجة ويحلوا عن دماغنا

تنظر اليه انعام بغضب
 _ انت بتقول ايه تاخذ ايه انت باين حنيت ولا ايه
 _ دى مهما كان اختى انتى نسيتى ولا ايه
 _ عارف انها اختك يعنى انت مش عارف هى بتعمل ايه دلوقتي
 وتنظر الى شكرى
 _ خليك ماشى زى ما انت يا استاذ شكرى
 _ حيث كدا انا عايز الاوراق والعقود بتاعت الأرض والبتيين
 انعام ترد على شكرى
 _ دقيقة واحده هجيب الاوراق وارجعلك
 وتقوم من جانب شكرى وتبعد الى فوق وتغيب دقائق معدوده
 وتعود بالاوراق و تعطئها الى شكرى
 _ خد دى الاوراق كلها
 يأخذ شكرى الاوراق وينظر اليها ويقول الى محارب
 _ انت قولت ان اخوك وحيد ليه ورث عندك صح
 _ ايوه صح
 ترد انعام وهى تبتسم
 _ هو احنا فين ووحيد فين هو حد شافه من يوم مسافر
 شكرى وهويضع الاوراق فى الشنطة ويقول
 _ ان شاء الله القضية الى هما رافعنها هتبقى اطول قضية فى
 تاريخ المحاكم
 وتأتى سميرة بالصانیه وعليها قهوة الى شكرى وتضعها امام شكرى
 وتذهب ومحارب يعزم عليه
 _ اتفضل يا متر القهوة
 يمك شكرى القهوة ويشرب من الفنجان وبعد الانتهاء من شرب

القهوة ينهض شكرى ويذهب من البيت ومعه الاوراق

وبعد ان اخذنا مكان فى الجيزة جانب أم سماح تيسر معنا الحال وبقي معانا فلوس من المكسب من سوق المركز وسوق الجيزة والحمدلله رتبت اوقات المدرسة ولم الحطب والبوص الى أمى والمذاكرة وكنا نأتى بأى شئ بالقسط على كل شهر او اسبوع وجبنا تليفزيون ابيض واسود ثلاث قنوات وحطيناه فى وسط البيت والحال بقى تمام ومرينا على كدا ثلاث سنوات حتى يوم الشهادة الاعدادية ويوم النتيجة استيقظت أمى بدرى وجلست امام التليفزيون وهى تنتظرنى اقوم اجيب الشهادة محمد وسعاد نجحوا ولكن كان نجاحى لهو طعم ثانى فى البيت ومن قلق أمى قامت تصحينى ودخلت عليا الغرفة

_ عماد قوم بقى علشان تروح تجيب الشهادة

نظرت الى يدي اليمنى لارى الساعة الجلد أم تلاته جنية

_ دى الساعة لسه سبعة ونص هما قالوا هتتوزع الساعة عشرة

_ ازاي دى بتتذاع على التليفزيون بره

_ لا ماتخفيش كلها ساعتين وهروح اجيبها

وهى يظهر عليها القلق وتفرك يدها على بعض

_ هو انا لسه هستنى ساعتين يا ابنى

وتخرج من الغرفة ومحمد يقلق من جانبى

_ قوم ياعماد اعمل اى حاجة الساعتين دول علشان امك هتتجنن

لو ماجبتش الشهادة

_ ماهما مش هيفتحوا المدرسة الا الساعة عشرة يعنى هروح اقعد

قدامها وهما مش موجودين

_ براحتك انا مالي

ولف محمد نفسه باللحاف ونام

وبعد ساعة استيقظت من على السرير وخرجت الى الحمام
فوجدت أمى تجلس والقلق والخوف على وجهها

_ ما تروح بقى

_ هغسل وشى وهصلى وهروح اجيبها

_ ماشى وانا هاحضر الفطار لما تيجى

ودخلت الحمام اتوضيت وخرجت وفردت المصلية وصليت
وخرجت من البيت الى المدرسة فلم اجد اى مواصله تقرب المسافة
الى المدرسة اخذتها مشي على رجلى من الطريق المعتودين عليه
وانا فى الطريق اقابل الكل حزين على الدرجات فمنهم من خرج
بملحق والى درجته مش هتدخله ثانوى وكل ما امشى اكثر يقابلنى
احد الطلاب يقول السنادى الدرجات كلها وحشة وانا واثق من
الحل فى الامتحانات وكنت بخرج من الامتحان وارجع الاقى نفسى
هنجح ولكن عندما سمعت من كل احداً اقبله بالنتيجة اخاف
وعند باب المدرسة وجدت رجال كثير ونساء ينتظران ابنائهم
يخرجوا عليهم

فدخلت المدرسة وخرجت ومعى النتيجة وانا ذاهب الى البيت
لاخبر أمى بالنتيجة ولم يظهر عليا اى شى فالنتيجة فى جيبى
وعندما وصلت الى البيت كان محمد يقف امام الباب ينتظرنى
ورأى من بعيد فدخل اخبر أمى اننى اتيت بالنتيجة وخرجت هى
وسعاد من الباب ينظرون الي كيف امشى فرحان ولا زعلان وانا
امشى عادى لم يظهر عليا اى شى عندما رأتنى أمى فجلست على
حرف الباب وتنظر الي وانا اقترب منها وعندما اقتربت اخرجت

ورقة النتيجة وهى تقول

_ ايه ياعماد فى ايه

وانا لم ارد عليها فاعطيت النتيجة الى محمد ففتح الورقة ونظر اليها وقال بصوت عالى

_ الله واكبر عماد ابنك الاول على المدرسة

فقامت أمى من على حرف الباب وحضنتنى وهى تقول

_ الف مبروك يا حبيبي الف مبروك

وكانت أول مرة تفرح أمى هذا الفرحة وهى بتزغرد امام الباب حتى يعلم الجميع بنجاحى ودخولى الثانوية وحضنى محمد وبعده سعاد واتى الجيران يباركوا لأمى بالنجاح وكانت فرحه الجيران بنا اكثر من الاهل فلم يري احد منا غير الاحترام والحب

بيت محارب تجلس انعام فى الصالة وهى حزينة وتمسك شهادة عبد الرحيم ويدخل محارب من الباب ويأتى نحو انعام وهو فى لهفة

_ ايه عبد الرحيم جاب الشهادة

تنظر اليه انعام وهى تهز راسها وتبتسم ابتسامة خفيفة

_ ونجح

محارب يفرح بنجاح عبد الرحيم وهو لم يري النتيجة ويمسكها

_ جايب كام

يمسك محارب الورقة ويقرأ وهو مصدوم ويجلس على الكنبه ويقول لانعام

_ ايه ده دى نتيجة ابنك دى ماتدخلوش ثانوى دا حلو ان دخل من

باب البيت

- _ اهو نجح وخلص يبقى ندخله ثانوى خاص
وينظر محارب الى انعام وهو يبتسم ابتسامة سخرية
_ خاصة يبقى بياخد الفلوس دى كلها و الاخر ماينجحش
_ وبعدين هما الى اتعلموا خدوا ايه غير وجع القلب
_ ايوه صح خدوا ايه غير وجع القلب وياخبيتي فى إختيارى ليكى
تنظر انعام فى غضب الى محارب وتقول
_ تقصد ايه بالكلام ده
_ ايوه اقصد انتى عارفه ابن بتاعه العيش الى مش عجبكى
جايب كام
_ وانا هعرف ليه انا مالى ومالها
_ صح انتى هتيجى جانبها ايه وانا اقول الناس بتباركلى على
نجاح عبدالرحيم وجيت جرى على البيت وانا مستغرب دا ماكنش
بيفتح كتاب بس قولت مش مهم يمكن الدروس الى كان بياخذها
نفعت
_ هيكون جاب كام يعنى
_ بلاش اصل انتى جاهلة ومش هتفهمنى
_ ماتقول ولا انت متعرفش انت كمان اهو هتلاقيه جايب درجة
اوحش من درجة عبد الرحيم
_ صح اوحش بكتير اوى
وبأنفعال وبصوت على
_ عماد ابن اختى جاب الاول على المدرسة
تستقبل انعام الخير بالصدمة ومحارب يكمل فى الكلام وهو فى
ذهول
_ والناس بتقولى الف مبروك واللى يقولى دا الاول على المدرسة

اتاريهم يبيروني بالموكوس ابنك
 _ ماخلاص اللى حصل حصل
 _ هو انتى مش قادرة تفهمى ليه احنا هنا فى الارياف اللى بيعلى
 الراجل وسط البلد عياله لما ينجحوا فى التعليم
 _ ماتخفش والنبى لادخله ثانوى واخليه يجب درجة تتشرف بيها
 قدام البلد كله
 _ ومين عالم يعيش بكرة
 _ ربنا يدريك طولة العمر
 وانعام بصوت على تنادى على سميرة
 _ حضري الغدا يا سميرة
 وتأخذ محارب وتصعد الى فوق
 _ تعالى بس غير هدومك وبتغده واوعدك إني هفضل وراه لحد
 مايجبب نتيجة تشرفك
 ويصعد محارب مع انعام وهو يمسك ورقة النتيجة فى يده وفى أول
 سلمة يترك الورقة تقع على الأرض

وفى وسط البيت نجلس انا وامى واخوتى والنساء اتبين الينا ليباركوا
 لامى وكل واحدة
 _ الف مبروك يا أم عماد
 _ الله يبارك فيكى
 ويأتى العمدة خير الرجال الذى لم يتركنا فى اى مناسبة ان كان عيداً
 او فرحه نجاح ويقف على الباب وهو يحمل عليه حلاوه وازازتين
 شربات ورد وشنطة سمراء ويطرق على الباب بالعكاز
 _ ياعماد

وانظر اليه والنساء تقف وتبارك لأمي وتذهب من البيت وهم
يسلمون على العمدة وتقول احدى النساء وهى تخرج من البيت

_ حمدالله على السلامة يا حج

_ الله يسلمك يا أم مجدى

العمدة خيرى كان فى عمره ولسه راجع من يومين ولم احد يعلم
برجوعه تنظر اليه أمى وانا واخوتى نقف فى استقبال العمدة وهو

على الباب

_ انا قولت أول بيت اخشه بعد ماارجع من العمره بيت صباح

والحمدلله حقللى امنيتى بنجاح يشرفنى

أمى وهى تبتسم

_ تعالا افضل يا عم

يدخل العمدة من الباب وتقول أمى لمحمد

_ هات مخده من جوه يا محمد

يدخل محمد الى الغرفة ليأتى بمخده والعمدة يسلم على أمى

وبعدها ينظر الي ويحضىنى وهو واقف

_ ايوه كدا فرحتنى بالنجاح ونتيجة تشرفنى وسط كل الناس

_ الله يبارك فيك يا عمدة

ويجلس العمدة وسطنا بعد ان اتى محمد بالمخده وجلس عليها

ويأتى بعدة الشاى وتجهز أمى الشاى ويقول العمدة

_ شوفتى بقى يا صباح الفرحة حلوه ازاي

_ ايوه ياعم انت بتقول حلوه دا انا من الفجر مامتمش من خوفى

_ البلد كلها مالهاش سيرة غير عماد والنتيجة اللى جابها

انتى النهارده احسن من رجالة كتير فى البلد

_ الحمدلله

_ خالى بالك من عيالك وطول ما انتى وراهم وبتتعبى عليهم ربنا
هيفرحك كمان وكمان

_ ما انت شايف انا بعمل ايه علشانهم يا عم

_ كل حاجة بتهون فى لحظة نجاح العيال و كل التعب بيروح يوم
النجاح وربنا يسترها عليكى وعلى عيالك وتكملوا المشوار وكل مرة
هتنتجج فيها انا بنفسى هاجى لحد عندك وهباركلك
وهو ينظر الي وانا اقول

_ شكرا يا عمدة

وبعد ان انتهينا من هذا اليوم الذى فرحت به أُمى بالنتيجة وفى
الاجازة كنت اعمل عند الجيران فى جمع المحصول حتى نأتى انا
واخى بملابس المدرسة وغيرها وكانت أُمى عليها مصاريف البيت
وكننا فى يوم من الايام نجمع محصول الفاصوليا من احد اراضى
البلد وصاحب الأرض لم يكن يقرأ ولا يكتب وانا ومايقرب من
خمسة أولاد وبنتين ويأتى الينا الرجل ووقف خلفنا وهو يمسك
كراسة وقلم جاف ويقول

_ فى حد فيكم خطه حلو يا عيال

فيقف محمد اخى ويقول وهو يشاور عليا

_ اخويا عماد

ينظر الي الرجل الكبير فى السن وكان يقرب سن الستين من العمر
ويرتدى جلاية بنى وكان يملك اراضى كثيره فى الجبل
_ طب تعالا يا عماد

اترك الخط الذى كنت اجمع فيه الفاصوليا واقترب منه وامسك
القلم والكراسة واكتب ما يملينى وعندما رأى خطى قال
_ ماشاء الله عليك يا ابنى انت خطك احسن من اى استاذ

وتعرف عليا اكثر وبعد هذا اليوم كان يحب ان يرانى مع العيال
كل يوم عنده فى الأرض

ودخلت المدرسة الثانوية بمزغونة هى مدرسة مشتركة بين اعدادى
وثانوى ولكن المشترك بينهم الحوش فقط وانما يوجد مبنى الى
ثانوى مكون من خمسة طوابق والثانى مثله ويجمعنا فى الحوش
الواحد الفسحة ولكن ما عرفتة ان ثانوى ليست مثل الدراسة فى
السابق هى اصعب بكثير وانا لى اشغال كثيرة مع أمى فى البيت
وكنت اعود من المدرسة الى ان احمل الوقيد الى أمى واغيب يوم
فى الاسبوع غير الجمعة ومرت أول سنة من ثانوى ولكن بمجموع
ضعيف جداً ولا انسى هذا اليوم عندما دخلت على أمى بالشهادة
ومثل كل عام تنتظر أمى لتفرح وتفرغ تعب العام فى زغرودة
النجاح ولكن اخفيت هذا العام استيقظت من النوم وكنت تعبان
من اثر العمل فى اراضى الناس من جمع المحصول وذهبت الى
المدرسة ودخلت على المدير وهو الذى كان يوزع النتيجة رجل
يقرب عمره الاربعين من العمر يرتدى قميص اصفر وبنطلون
اسمر قماش وفى يده اليمنى ساعة كاسيو يابانى وعندما تقدمت
اليه

_ سلام عيلكم

فرد السلام وكان امامه اوراق فى ملفات كثيرة وشهادات المدرسة
امامه

_ وعليكم السلام

_ شهادة أول ثانوى

_ الاسم

_ عماد ابراهيم فصل اولى تانى
 وينظر الى الشهادات امامه وهو يردد الاسم
 _ عماد ابراهيم عماد ابراهيم اهو
 ويخرج الشهادة من بين الشهادات وينظر اليها ويقول
 _ ستين فى المية
 وعندما سمعت النتيجة حزنت وهو يركز معى ونظر اليها مرة
 ثانية وسألنى
 _ انما مش انت اللى جايب الاول على مدرسة السبيل السنة اللى
 فاتت
 _ ايوه انا
 وبأبتسامة سخرية منه
 _ ايوه كدا شوفت بقى النتيجة الصح اللى مفهاس غش
 هنا مش ابتدائى ولا اعدادى علشان تغش امسك يا حبيبى
 ومتزعلش هو ده مجهودك الاصلى من غير غش
 ومسكت الشهادة وخرجت من غرفة المدير بعد ان سمعت هذا
 الكلام منه وغمرتنى الدموع وبكيت ليس على ضياع المجهود
 ولكن على حزن أمى وذهبت من المدرسة الى البيت وكانت أمى
 واخوقى فى انتظارى وعندما دخلت البيت اخذ محمد منى الشهادة
 من ايدى ونظر فيها وأمى تقول
 _ ايه يامحمد
 ينظر محمد الى الشهادة ويسكت وأمى تكرر الكلمة
 _ ايه فرحنى يا ابنى
 يرد محمد فى حزن من النتيجة
 _ نجح بس الدرجة مش اللى هي عايزنها فى أول سنة

تنظر أمى اليها فتجد اثر الدموع على عيني تقوم وتاخذني في
حضانها وهى تقول

_ عادى مش نجحت وان شاء الله هيتجدعن السنة اللى جاية

وانا اعلم ان هذ الكلام من وراء قلبها ففتشرف بالنتيجة امام
الناس وهى تحضنى وانا ابكى

_ انت بتعيط ليه بس اهدى مش عديت السنة اللى جاية
اتجدعن وربنا هيكرمك

وانا اعرف ان أمى حزينه اكثر منى وفي هذا اليوم مخرجتش
من البيت خوفا ليسالني احد على النتيجة وتدخل عليا الغرفة
وتواسينى

_ انت لسه زعلان يا عبيط انت عارف أول سنة دي انت متعرفش
حاجة فى ثانوى

ولم تخرج أمى من الغرفة حتى تبسمت وهى تحضنى واخرجتنى
من الغرفة بعد ان احضرت الغداء واغلقت الباب حتى لا احد
يسأل على نتيجة عماد وهى تقول قبل ان نجلس على الغداء
_ اقفل الباب يامحمد

وتنظر الي وهى تبتمس وتقول

_ احنا مش عايزين حد يجى ولا يروح واحنا بناكل

وتجلس أمى وسط اخوتى وانا اعلم ان أمى مجروحة اليوم ولكن
مالا تعلمه ان الدرجات دى ستستمر اذا تجاهلت الدروس واتبع
العمل معها ولكن لم اريد جرح أمى مرة ثانية بعد ما جرى منى
فى سوق المراكز

وفي اليوم الثاني خرجت أمى لتبشر العمل وتأتى بالذرة وغيرها من تجهيزات الخبيز وعندما خرجت توجه اليها السؤال الذى تريد ان ينساه الناس وهى تمر فى الشارع وتحمل الدقيق وقبل البيت بقليل يقف امام احد البيوت ثلثه من النساء وتسلم أمى عليهم

_ صباح الخير

_ صباح النور

وتقول احدى الجيران لامى وهى تذهب

_ امّا عيالك عملوا ايه فى المدرسة يا صباح

وأمى تبتسم وهى ترد عليها وتقف

_ الحمدلله يا خالة نجحوا

_ طب محدش سمع صوتك السنادى

_ اصل دى مش شهادة دى سنة عاديه امّا هتسمعيه يوم النتيجة

الكبيرة وتعرفى انهم دخلوا الجامعة

وتذهب أمى وهى يظهر عليها الحزن

فى بيت خالى محارب وعبد الرحيم يدخل البيت وهو يحمل

النتيجة وناجح فى الثانوية الخاصة وينادى على امه

_ يامه يامه

تنزل عليه انعام من فوق وهى فى لهفة

_ خير يا عبد الرحيم

وهو يمسك ورقة الشهادة ويشاور بيها

_ انا نجحت نجحت

تبتسم انعام ابتسامة فرح وهى تنزل من على السلم وتمسك

الورقة

_ ورينى كدا
 وبعد ان نظرت الى الورقة تحضنه ومحارب ينزل من فوق على
 الصوت العالى
 _ ايه الصوت العالى دا فى ايه
 انعام وهى تخبره بالخبر
 _ انزل شوف عبد الرحيم نجح
 بيتسم ابتسامه خفيفة وعبد الرحيم ينظر اليه ويقول
 _ وكمان ايه درجة عاليه
 ومحارب وهو ينزل من على السلم
 _ بتتكلم جد يا عبده
 _ امال ايه وليكي عندى خبر كمان
 انعام وهى تنظر الى سميره التى تقف ويظهر عليها الفرح
 _ حضرى الشربات يا سميره هو احنا فدا اليوم
 _ عينى يا أم عبده
 وتدخل سميره الى المطبخ ويمسك محارب النتيجة ويقول
 _ ماشاء الله شوفت بقى لما شديت حيلك
 وعبد الرحيم يقول
 _ وخلي بالك دى أول سنة فى ثانوى يعنى أول التقييل
 وكمان عرفت ان عماد ابن عمتى صباح جايب درجة مش تمام
 عندها تفرح انعام بخبر نتيجة عماد اكثر من فرحها بنتيجة عبد
 الرحيم وتقول
 _ بتتكلم جد يا عبده
 _ والله العيال اللى معاه عرفونى انه جايب ستين فى المية
 تبتسم انعام وتقول

_ ايوه كدا ياما نفسى اشوفك يا صباح عامله ايه دلوقتي
 ينظر اليها محارب ويقول
 _ واحنا مالنا بيها خيلنا فى ابنا اللى نجح
 ويقول عبد الرحيم وهو يقترب من محارب
 _ مش كدا بقى اخذ اللى انا عايزه واتفسح فى الاجازه ولا ايه رأيك
 ترد عليه انعام وهى تقترب منه
 _ ولو هو مرديش خد منى انا
 ينظر اليه محارب وهو بيتسم ويقول
 _ ماشى يا سى عبده
 وتخرج سميرة من المطبخ وتحمل صانية عليها ثلاث كويات
 شربات ورد

وفي يوم الثلاثاء ذهبنا انا وأمى الى سوق الجيزة تحت الكوبرى
 وجلسنا جانب أم سماح وكنت أم هنية تغييت منذ عام ولا احد
 يعرف عنها اى شئ وكانت أمى لم تنسى النتيجة وكانت تجبرنى
 على اخذ كتاب معى الى السوق قبل الدراسة وكنت استلف من
 احد الطلاب الذى يسبقنى بسنة الكتب القديمة وفي هذا السوق
 واحنا جالسين وبدأنا البيع وكان يبقي معنا ربع العيش الذى
 اتينا به من البلد وبعد اذان الظهر فتركت أمى ودخلت اصلى
 فى مسجد بالقرب من أمى وخرجت بعد الصلاة جلست جانب
 أمى وهى تخرج من كيس الفلوس وتعطينى فلوس لأتي بعصير
 وهى كانت تعلم اننى احب عصير القصب ولم اقف بعد فوجدنا
 سيارة نقل مكتوب عليها المحافظة وكان يركب امين شرطة بالزى
 الميرى والباقي بالزى المدنى وقفت امام أمى وام سماح وبدأت

الناس بالصريخ وانا وأمى نقف ونمسك الطشت فوجدنا رجل
من الشرطة لم انسى هذا المنظر والوجه المريب ذو الشنب الكبير
ويمسك الطشت وأمى تتحايل عليه

_ معلش يا باشا اخر مرة يا باشا

وانا اتحايل عليه واقول

_ والنبي يا عم خلاص والنبي ياعم

فلم يسمع صوت أمى ولا صوتى كأنه رجل دون قلب ويأتى احد
معه يحملون الطشت والعيش الباقي يرميهم على العربية وبعد
ان رمى الطشت والعيش امسك أم سماح هى ايضاً وكانت تتوسل
اليه ولم يستجيب وأمى تنهمر منها الدموع وهو يلوه بكلام لم
اسمعه من قبل وانظر حولى اجد السوق انهار من الفر والكر
الذى يهرب من المحافظة خوفاً على عريبه يحمل عليها لقمة
عيشه وبكيت على بكاء أمى ويظهر الحزن على وجه أم سماح
وهى تتحايل على الطابط الذى يحمل السلاح ويقف يأمر رجاله
ولم يسمع الى احد الا لنفسه وتقول أمى اليه بعد ان عرفت انها
خسرت العيش بعد ان تكسر فى العربية

_ طب يا باشا هات الطشت وانا همشى

فرد عليها الامين

_ يبقي تعالى خديه يا روح امك من المحافظة

وانا وأمى نبكى على الخسارة من اخذ العيش والطشت وبعد
ما يقرب من ربع ساعة من الذل والاهانة امام عربية المحافظة
ولم احد يستجيب يركب رجال المحافظة العربية بعد ان حملت
عربيات خضار وغيرها من عربيات الملابس وكان العيش تحت
كل هذا ولم يرمى احد ان هذه الست تربى ايتام وتأتى من بعيد

لكسب الرزق الحلال ولم ينظر الى احد في السوق الا كلمة واحده
اشغال الطريق العام وعن اى طريقه تتحدث تقصد الطريق الحلال
والاصعب في هذا الوطن وتترك من يمشى في الحرام
وعدنا انا وأمى بعد ان قالوا لنا اذهبوا الى المحافظة اعملوا صلح
وهيفرج على الحاجة فاستعوضت أمى على كل شى وسلمنا على
أم سماح وركبنا وعدنا الى البيت وكانت أمى في حزن شديد لما
جرى في السوق وتأتى سعديه الى أمى بعدها بيوم وتخبرها أمى بما
حدث وهى تجلس مع أمى في البيت وتقول

_ الحمدلله مادام انتى وعماد بخير دى تسوى فلوس الدنيا

_ بس انتى عارفه انا كنت حطه امل كبير في سوق مصر وكمان
العيال مينفعش يشتغلوا دلوقتى علشان الدراسة صعبه عليهم
_ ماتخفيش هتدبر ان شاء الله

وتترك سعديه أمى بعد ان واستها في ما حدث ويأذن العصر تقوم
أمى تصلى وبعد الانتهاء من الصلاه يأتى الينا عباس يخبط على
الباب وافتح اليه وهو يركب على الحمار

_ ازايك يا عماد

_ الحمدلله ياعم عباس اتفضل

_ شكرا يا حبيبي اندهلى امك

وهو لم ينزل من على الحمار وانا اقف على الباب ناديت على أمى

_ يامه يامه

تخرج أمى من غرفتها ويظهر عليها اثر الوضوء وعندما ترى عمى
عباس

_ تعالى ياعم عباس اتفضل

_ لا مش وقته المهم في واحد من الجيران يقول لو صباح عايزه

تبيع قيراط اتنين تقولى وانا هشتري
فقولت انا هبلغها وجيت اعرفك بس وشوفي هتعملى ايه وزيه
زى الناس
تنظر أمى فى حيره ولكن لم تأخذ القرار فى هذا الوقت فقالت
_ طب انا هرد عليك كمان يومين
_ ماشى وبرحتك ولا هو هيطير والا الأرض هترخص
_ ماشى بس تعالى اشرب شاي
_ لا علشان مش فاضى وقولت هروح ابلغه
وإمشى عباس من امام الباب وهو على الحمار وندخل انا وأمى
ونغلق الباب وأمى تفكر فى الامر وتنظر الي وتقول
_ ايه رأيك يا عماد
_ فى ايه
_ نشوف سعر القيراط كام ونعمل بيه مشروع
_ مشروع زى ايه
_ نفتح دكان او اى حاجة تجيب مصاريف
_ طب نروح الأرض بكرة ونعرف احنا ممكن نبيع من اى حتى
علشان نعرف بكام
تفكر أمى فى الامر قليلا وتقول
_ ماشى بكرة ناخذ الغداء ونتغده هناك
وادخل انا الغرفة وأمى تدخل المطبخ
وانا اجلس على السرير وفرحان من قلبى بما حدث فى مصر واننا
لم نذهب الى الجيزة كل يوم ثلاثاء ولكن كنت خائفا افتح هذا مع
أمى ولكن بعد ما حدث لم اهتم الا بالدراسة وتحقيق حلم ابي
وأمى وهو النجاح

ونجلس تحت الشجرة في اليوم الثاني وعمى عباس يجهز لعمل
الشاى بعد ان انتهينا من الغداء وهو يشاور على الأرض ويقول

_ هو عايز ياخذ من الناحيه الغربيه
وتستغرب أُمى من الكلام وتقول

_ ايه ده ازاي ارضه من الناحية القبليه وهو عايز يشتري في الغرب
_ والله يا بنتى هو دماغه كدا

تفكر في الكلام وتقول

_ دا عايز يربط الأرض ليه هو مفكرنا هنيح كل يوم قيراط قوله
عايز يشتري ياخذ القيراط من جانب ارضه ونري من بعيد
العمدة خيرى يأتى نحونا وهو يركب الكارته الخاصة بيه وكانت
مركونة في الثرايا من زمان ومايحبش يمشى بيها الا لما كبر ورجليه
بقت تتعبه من المشى الكثير يقترب علينا ويوقف الكارته بعيد
عنا واحنا تحت الشجرة وينزل من الكارته وانا وعمى عباس نقف
نستقبل العمدة وعمى عباس يقول

_ اهلا بالعمدة

والعمدة يخطى فحل صغير يمشى فيه الماء

_ اهلا بيك عامل ايه يا عباس

_ الحمدلله

ويسلم علينا العمدة يجلس وهو ينظر الينا وهو يظهر عليه
مبسوط ويقول لامى

_ انا روحت البيت اخبط قالولى انكم في الأرض قولت لازم اجى
اعرفك الأخبار الحلوه

أُمى وهى تبسم من كلام العمدة

_ اخبار ايه يا عم

_ انا لسه مخلص كلام مع احمد ابنى فى مصر وقالى احنا كسبنا
القضية بتاعه شركة ابراهيم الله يرحمه
تستقبل أمى الخبر بفرحة و عياط وانا اسقف على ايدى مبسوط
بما سمعت والعمدة يكمل ويقول
_ حكمت تاخدى كل شهر معاش وتعويض خمسة الاف جنية
وأمى وهى تبكى وتقول
_ الحمد لله الحمد لله
وهى تمسح دموعها فى الشاش الاسمر وتنهمر أمى فى البكاء
والعمدة يهز رأسه ويقول عمى عباس
_ انتى بتعيطى ليه دلوقتى يا بنتى
_ سييها يا عباس دى دموع الفرحة صباح تعبت السنين اللى فاتت
وربنا مايبضيعش حق حد
وبعد ان هدأت أمى من البكاء وتقول للعمدة
_ والله الخبر ده جاى فى وقت ضاقت بى الدنيا اوى يا عم
_ ما ضاقت الا لما فرجت واهو ربنا ما يبسبش حد
_ الحمد لله الحمد لله
وتنظر أمى الى عمى عباس وتقوله وهى تبتسم
_ الغى البيع بقى يا عمى عباس
ويقول العمدة وهو يمزح مع أمى
_ امنا انا قولت انتى كسبتى القضية بس وعملتى كدا ومحدش
قالى تشرب ايه ولا اعمل شاي للعمدة طب والله ما انا مكمل الا
لما تعملى الشاي بأيدك
وأمى وهى تبتسم ابتسامة بعد البكاء
_ عينى يا عم هات البوص يا عماد

ويُكمل العمدة الحديث عن كيفية اخذ المعاش من البريد أول
شهر والخمسة الاف جنية
وانتهينا من الحديث في الأرض وعدنا الى البيت بعد صلاة العصر
سعداء بما سمعنا من اخبار واول مافتحنا الباب سجدت أمى على
الأرض تشكر الله على هذا الخبر وانا ومحمد وسعاد ننظر اليها
ونبتسم وتقوم أمى من السجده و تصلى العصر

وفي الليل جلسنا انا وأمى لزي ماذا سنفعل بالتعويض وقولت
_ نخليه في البنك وناخذ ارباحه
_ طب مانجهم ونفتح مشروع دكان والباقي نعمل بيه البيت زى
الناس بنى بالطوب الاحمر
_ يامه ماتنسيش احنا هنحتاج فلوس كتير للمباني وكمان انا هاخذ
دروس السناده والمصاريف هتزيد
_ ما انا مش هبطل اروح سوق المركز
_ تانى
_ ايوه اهو دا جانبينا واهو نوايه تسند مع المعاش انت ماسمعتش
العمدة وهو بيقول المعاش هيبقى ضعيف أول سنة
_ بس كفاية كدا انتى تعبتى من القاعده فى الاسواق
_ يعنى هنروح فى الأرض عمك عباس واخدها شرك وانا طول
النهار هقعد فى البيت وانا ما بحبش قاعده البيت
_ وانتى من امتى ما حبتيش قاعده البيت
_ من يوم ما شوفت المكسب وكمان الاول كنت بقعد وعاتله الهم
دلوقتى هقعد وانا عارفه انى معايا معاش كل أول شهر
وعلمت من الحديث مع أمى انها لم تريد الجلوس حتى تعرف

ازاي هيمشى البيت بعد اخذ معاش ابي ومرت الايام ودخلنا المدارس وبالفعل الحال فى البيت لم يكن زى ما انا توقعت انا وحدى بأخذ نصف المعاش على الدروس والمدرسة كل يوم من ملازم وغيرها ومحمد وسعاد مصارييف كل يوم فعلمت ان نظرة أمى لم تخطئ وكانت تتحمل على نفسها الذهاب الى السوق والتحضير دون احتياجى معها حتى لا تشغلنى عن الدراسة وكنت اخرج من البيت أول النهار اعود مع اذان المغرب من الدروس والمذاكرة وكنا فى نصف العام الثانى وكنت اجلس مع محمد اخى فى الغرفة وقال
_ انت هتخش ايه

_ ان شاء الله علمى علوم

يتفاجئ محمد من ردى

_ ازاي انت عارف

اقطع محمد فى الكلام

_ عارف انها عايزه مجموع فوق التسعين وانا فى أول سنة جايب مجموع وحش بس ده قرارى من يوم ما شوفت نظرة الناس ليا
يوم النتيجة

_ انت مالك ومال الناس خليك عارف اللى ييفشل فى علمى

مايخشش كلية حلوه وبيلحق اى حاجة

_ كل دا انا عارفه وحفظه بس ده قرارى

وبعد الحديث والالاحاح ان ارجع عن القرار وانا مصمم عليه وانتهيئا من الحديث ومرت السنة وجبت مجموع على والحمدلله وانتقلت الى الصف الثالث الثانوى اكون او لا اكون

وفى اجازة اخر العام كانت أمى تجهز للذهاب الى السوق غدا وانا اجلس جانبها وهى تخبز العيش يوم السبت بالليل وهى تمسك

الجلبيه وتغطى بها عمود العيش الذرة وانا اجلس امسك كتاب
 اقرأ فيه وأمى كانت تميل نحو العيش وهى تمسك صدرها وفجأه
 قالت أمى بصوت مسموع
 _ اه

نظرت اليها وقولت

_ ايه يامه فى حاجة

_ صدرى طابق عليا

تركت الكتاب وقعت أمى على الأرض فجريت عليها وسندتها الى
 جانب الجدران وجريت على الزير وملئت الكوب ماء وسقيت
 أمى وهى تستجيب

_ الحمدلله بس انا هبقى حلوه بس ارتاح شويه

ونهضت أمى الى الغرفة لتنام بعد ان ارتاحت قليلاً وجهزت للسوق
 غدا واطمأنيت عليها وذهبت انا الاخر على غرفتى ولكن لم يأتى
 الي نوم الا ساعات قليلة قبل ان تدخل أمى على محمد وتيقظه
 _ محمد قوم علشان نمشى

استيقظت انا من النوم وقولت لامى

_ انا الى هاجى معاكى النهارده

فرفضت وقالت

_ خليك انت جنب البيت ومحمد هيجى معايا

ويفوق محمد من النوم ويقول

_ خلاص انا صحيت

وانا مصمم ان اذهب معها وبعد إلحاح قولت لمحمد

_ خليك انت وانا الى هروح النهارده

علمت أمى اننى مصمم على الذهاب معها السوق فقالت

_ خلاص يا محمد يبقى خلى بالك من اختك
 وخرجت أمى من الغرفة وانا خلفها حتى اجهز نفسى فدخلت
 الحمام وخرجت صليت الفجر وذهبت انا وأمى وسعديه
 ولم يعلم احد لماذا اتيت هذا السوق مع أمى لكى اراقب أمى فى
 تعبها بالامس وبالفعل كانت أمى عندما تقف عن البيع تمسك
 صدرها وتأخذ نفس طويل كانها كانت تحت الماء وخرجت
 وعندما يأتى احد للشراء تبتسم وتبيع وتنحنى للبيع حتى يمشى
 الشخص ولا يحس بتعب أمى وانا اقول
 _ يامه انتى تعبانه ماتيجى اركبك عربيه وتروحي وانا هبيع
 العيش وهاجى

_ تعبانه ايه بس دى كرشه نفس وهتروح
 ورفضت أمى ان تذهب الى البيت او الى مستشفى المركز وبعد ان
 انتهينا من البيع اشترينا ما نحتاجه من السوق وذهبنا الى البيت
 وبعد العوده الى البيت ترقد أمى يومين مريضه ولم تريد لاحد ان
 يكشف عليها فخافت وعادت الى التحضير لكل شئ ودخلنا المدرسه
 وانا فى سباق مع الزمن ولا اترك يوم من الايام ولاساعه الا وانا
 اذاكر واجتهد فى الدراسة وكانت أمى تغلق عليا الغرفة وتسهر
 معى كل ليله حتى النوم فى الساعات المتأخره من الليل فكانت
 تحضر لى الشاى وتدخل علي دون صوت وانا اجلس جانب الترابيزه
 الذى عليها الكتب والملازم وفى يوم من الايام تعب عباس ولم
 يذهب الى الأرض فيأتى احد الجيران ويخبرنا إن الأرض عايزه تشرب
 وعباس تعبان من اسبوع ولم يعلم احد بتعب عباس لم تخبرنى أمى
 بما حدث واخذت محمد وسابت سعاد فى البيت جانبى وقالت
 _ هنروح انا ومحمد مشوار وراجعين ماشى يا عماد يبقى خلى

بالك من البيت وانت بتذاكر

_ حاضر

وخرجت أمى ومحمد وذهبوا الى الأرض فأحسست بصداق فى رأسى
فقلت لسعاد

_ انتى بتعرفى تعملى شأى

_ ايوه اعملك

_ طب اعمليلى كوباية علشان انا صدعت

_ وتأتى سعاد لكى تعمل شأى وبعد الانتهاء من الشأى وهى

تحمل الكوباية تقع منها على الأرض تنكسر فتقول

_ يوه راحت تسقى الغيظ وسيبانى اعمل شأى

وانا اسمعها من داخل الغرفة فأبتسمت على كلام سعاد وحزنت

ان أمى لم تخبرنى بما تعمل حتى لا اذهب معها وكان هذا يحفزنى

اكتر على المذاكره والاجتهاد وامتحانات ثالثه ثانوى وكنت امتحن

فى البدرشين وكل مادة اجلس فى الغرفة ولا اكلم احد حتى انتهيت

من الامتحانات وفى انتظار النتيجة

فى بيت خالى محارب وقد انجبت مرات خالى طفل منذ عامين

وكان اسمة وحيد على اسم خالى وحيد الذى لم اراه منذ ان وعيت

على الدنيا ويفطر خالى محارب بين عبد الرحيم وانعام فى البيت

وينظر خالى الى عبد الرحيم ويقول وهو يأكل

_ انت عارف لو نجحت السنادى وجبت مجموع زى كل سنة ليك

عندى مفاجئة

يظهرعلى عبد الرحيم الفرخ وانعام تبتسم وهى تنظر الى محارب

_ لا من الناحيه دى اطمن انا ذاكرت كويس اوى

_ لا وانت الصادق دا انت كل شهر كنت بتاخذ منى شئ وشويات

للدروس

وتقول انعام

_ وماله يا اخويا ماكله من خريك

ويقول عبد الرحيم

_ سيب مفاجأة النجاح لما تظهر النتيجة بس دلوقتي انا عايز

فلوس المصيف انا ماشى مع اصحابي الفجر

يتفاجئ محارب ويقول

_ مش تستني لما النتيجة تظهر وبعدين تروح المصيف

_ عادى ما انا هاجى قبل النتيجة بيوم وهرجع تانى

تقول انعام وهى تنظر الى محارب

_ وماله يا اخويا ما تسيب الواد يتفسح ويعيش

_ ماشى بس تكون قبل النتيجة هنا

_ لازم انشاء الله هكون هنا قبل ما تظهر بس انا الى هروح

اجيبها زى كل سنة علشان افرحك

يبتسم محارب ويقول

_ ماشى يا سى عبده

يفرح عبد الرحيم وتأتى سميرة وهى تنزل من على السلم وتحمل

وحيد بين ايدها

وفي يوم ظهور النتيجة فى الصباح واحسست ان البلد بأكملها تنتظر

النتيجة منها من يحب الخير الى الابناء ومنهم من يشمت فى

شخصاً ما واستيقظت من النوم على صوت أمى مثل كل عام

وهى تدخل علي وقلقنا ويظهر عليها خوف السنين وتقول وهى

تدخل الغرفة

_ عماد ما تقوم بقي يا حبيبي
انظر الى أمى وهى خائفة
_ ماشى يامه ايه مالك
_ مفيش بس قوم هات النتيجة وانا هبقي كويسة
بتتذاع على التليفزيون من الصبح
_ ان شاء الله خير
انهض نحو الحمام ادخل اتوضي واخرج ولاول مرة أمى تريد ان
اذهب من امامها
_ اتجدعن بقي متأخرش واركب على طول حتي خد عربية ليك
لوحذك مخصوص
واخرج من البيت وانا ذاهب نحو المدرسة واقدم خطوه وأخر
الثانية واري الناس في البلد تنظر الي وانا امشى واعرف انهم يتكلموا
عني فالكل يعلم اننى في اخر سنة في ثانوى
ودخلت المدرسة سألت عمى صلاح الفراش وهو يجلس يأخذ
الحلوة من الطلاب الناجحين يجلس على كرسي خلف باب المدرسة
سألته
_ السلام عليكم يا عمى صلاح
_ وعليكم السلام
ومن غير ما اتكلم شاورلى على غرفة المدير وقالي
_ المدرسين كلهم في غرفة المدير
ذهبت وانا اعلم ان المدير لا يسكت امام الجميع اذا كانت النتيجة
مش كويسة وكان في الغرفة جميع المدرسين وكان يجلس الاستاذ
اشرف مدرس اللغة العربية هو في عمر الاربعين وهو من احب
المدرسين الي في المدرسة وكان دائماً يقول اننى سادخل كليه الطب

ولسة بدق على الباب ينظر الي جميع المدرسين ويقف اشرف من على الكرسي ويجرى علي وكانها في مارثون ويحضنى حضن لم اري مثله في حياتي ويقول وهو ياتي علي
_ اهو الي رهننت عليه اهو

ويحضن فيا والجميع بيتسم من المدرسين ويقول
_ الاول وانا في ذهول ولا اعرف شيئا حتي هداً من مقابلتي وقال
_ انت الاول على مدرسة مزغونة

وعندما سمعت الكلمة لم احس بشئ من البكاء الا وهما بيقعدوني على كرسي وبيسقوني الماء واخذت نفسي وهديت من المفاجأة وسلم عليا جميع المدرسين واصر المدير اننى اجلس حتي يأخذ معى صورة تذكاريه يحتفظ بها في دولاب الشرف في المدرسة ويعتذري انه شك في نتيجة أول سنة وبعد الظهر خرجت من المدرسة واحمل شهادة الثانوية وانا الاول لثاني مرة بعد اعدادى واقف على الطريق واركب ترامكو ولكن احساسى والعربية تمشى باقصي سرعة احس اننى اريد النزول من العربية واجرى اسرع من العربية حتي افرح أمى ونزلت من العربية ولم استني عربية من على المزلقان حتي اركب داخل البلد فأخذتها جرياً على أمى ومن بعيد تستقبلنى أمى وهى تجلس امام الباب مع اخوتي والجيران يقفوا امام بيوتهم في انتظار خبر صباح هل تفرح أم تغلق بابها اليوم وانا من بعيد انادى على أمى واقول وانا ارفع الورقة واجرى نحو البيت

_ الاول على المدرسة يا امه الاول

تقابلنى أمى بالزغاريد وتحضنى وبعدها تمشى خلفى وانا امامها وهى تزفنى بالزغاريد والكل يبارك الى أمى ومنهم من يرد عليها

الزغروودة حتي لم نجلس من كثرة الناس الذي اتوا للمباركة لي
ولامى

يدخل محارب الى البيت وبصوت عالى

_ انعام انعام

تنزل انعام من فوق وهى تقول

_ ايه فى ايه يامحارب

_ الشهادة بانك وابنك لسه ماجاش من المصيف

_ وانت مين اللى عرفك

_ انتى مبتتفرجيش على التليفزيون طب سيبك من كل ده الواد

عماد ابن صباح اختى جايب الاول والبلد كلها بتتكلم عليه ولما

عرفت جيت يمكن ابنك رجع

_ لسه ماجاش طب كلمه كدا

يقترب محارب جانب التليفون ويجلس وهو يظهر عليه القلق

ويقول

_ هو فين الرقم اللى هو سايبه تمسك انعام ورقة تحت اجنדה

التليفون وتعطيها الى محارب

_ هو ذا الرقم

_ يضرب محارب الرقم وينتظر الرد وعند الرد

_ ايوه وعليكم السلام

_ فى واحد عندكم اسمه عبد الرحيم محارب

_ ايه سافر من ساعة ماشى شكرا

ويغلق محارب التليفون وتجلس جانبه انعام

_ بيقول ان ماشى من ساعة

_ طب يا خويا ربنا يجيبه بالسلامة
ويظهر القلق على محارب ويفرك في يده وانعام تقول
_ اهدي انت بس وربنا يسهل ويجى يجيها وهينجح ان شاء الله
ويقف محارب وهو يقول
_ هو انا هيجيلي صبر انا هروح المدرسة وهجيبيها انا
ويخرج محارب من البيت نحو المدرسة

وفي عز الفرحة في بيتنا من الجميع يأتي بالشربات وازايز الكولا
الصغيرة والجيران داخله وطالعه ويأتي الرجل الذي لم يتركنا في
اي وقت العمدة ويقف امام الباب بالكارتة وينزل وهو يُحمل
الكارتة بالهداية وينادى وهو يقف امام الباب
_ يا دكتور عماد

ولم انسى ان اول واحد قالى يا دكتور من اهل البلد كان العمدة
خيرى الذى لم يفت اى واجب من اهل البلد وكان محبوب بين
الناس ومعروف عنه كلمة الحق فخرجت عليه من بين النساء
المتواجدين في بيتنا وهم يشاهدون التليفزيون في وسط بيتنا واغانى
النجاح تذاع واستقبل العمدة وهو يفتح ذراعيه عندما رأى و
يأخذنى في حضنه وهو يقول
_ الف مبروك يا ابنى

_ الله يبارك فيك يا عمدة تعالا افضل
فيمتنع من الدخول بين النساء ويقول
_ هبقي احيلك بكرة يكونوا الناس فرحت بيك بس خد دى هدية
النجاح

واقترب من الكارتة واحمل الهدية وكانت في ذلك الوقت كمبيوتر

وحملته الى الداخل على مرتين وكان محمد وأمى مشغولين بالضيوف وكانت أمى تحمل الشربات الى النساء اللذين يحملان السكر والشاي حلاوة نجاحى ومحمد يسجل الواجب الذى يأتى بيه الناس داخل الغرفة وادخل عليه وانا احمل الكيسة واحضرت الشاشة بعد ان ركب العمدة وذهب من امام الباب وكانت فرحتي بالكمبيوتر لا توصف

يظهر محارب وهو يدخل مدرسة عبد الرحيم الخاصة وهى مدرسة فى مزغونة ايضا ولكن على الطريق من الخارج يدخل محارب الى المدير فى المدرسة فيجد رجل كبير يجلس فى المكتب على الكرسى يخطط محارب يقف المدير فى استقباله
_ سلام عليكم

يرد المدير وهو يقف ويسلم عليه

_ وعليكم السلام ورحمة الله وبركاته اتفضل

يجلس محارب امام المدير ويقول محارب

_ انا ابقي ابو عبد الرحيم محارب

_ اهلا وسهلا تشرفنا

_ ربنا يخليك انا سمعت ان النتيجة طلعت وعبد الرحيم مش هنا

فجيت علشان اخدها

_ تحت امرك

_ شكرا يا استاذ

ينادى المدير على الفراش ويطلب منه ان يأتى بنتيجة عبدالرحيم

من الاستاذ المسئول ويأتى الفراش بالشهادة ويعطيها الى المدير

وينظر فيها المدير

_ اتفضل

يمسك محارب الشهادة وينظر فيها وتتغير ملامح وجهه تماماً
وباستغراب وبابتسامة سخرية

_ ازاي لا مش فاهم انت متأكد ان دى شهادة عبد الرحيم ابني

_ ايوه طبعا ايه انت متعرفش مجهود ابنك

_ مجهود ايه الواد طول السننتين الى فاتت بيجيب فوق التسعين
يقوم في اخر سنة يجب خمسة وخمسين في المية دا كمان مكملش
خمس وخمسين

يبتسم المدير ابتسامة خفيفة ويقول

_ اهدى بس ودقيقة وراجعلك

ويقوم المدير من على المكتب ويخرج من الغرفة ويعود بعد
قليل ومعاه دوسيه نتيجة السنين الماضية ويقول وهو يعطيها الى
محارب

_ اتفضل شوف ابنك عبدالرحيم جايب كام في السننتين الى جه

فيهم من اعدادى علينا واحنا قبلنا

وينظر محارب في الاوراق الدفتر ويقول المدير

_ ابنك طالع في سنة اولي بخمسين في المية ودة معناه ان احنا

الى نجناه وتانية هتلاقيه جايب نفس النتيجة وشوفت نتيجة
السنادى قولت يمكن كان بياخد دروس بره المدرسة ولا حاجة خلته
يجيب فوق الخمسين

محارب في ذهول

_ هو مايخذش كمان دروس

_ انا بسال عن كل طالب عندى كل شهر المستوي الى كان جى

بيه واللى هو بيتعامل بيه هنا بس عبد الرحيم كان جاي من

اعدادى بنفس النتيجة وكنا بنكلمك فى البيت علشان نعرفك
النتيجة فكانت المدام الى بترد علينا وبنعرفها ومحارب يسمع
الكلام فى ذهول تام من ما حدث من انعام وعبد الرحيم ويخرج
من المدرسة وهو يمسك ورقة النتيجة وفى اتجاه البيت وهو غضبان
ويفتح الباب ويدخل وانعام فى انتظاره وتقف من على الكنبه فى
الصالة امام التليفزيون وهى تقول

_ ايه الأخبار جبت النتيجة

ينظر محارب الى الورقة ويعطيها الى انعام وهو يقول

_ كام مرة المدرسة تتصل بيكى وانت بتخبي عليا

تتفاجئ انعام من الخبر وبعدما رات نتيجة عبد الرحيم

_ انا كنت خايفه

يقطع محارب انعام ويضربها بالقلم وهى تقف على الكنبه من
قوة القلم وينهمر عليها بالضرب

فتهرب انعام على فوق و يقول

_ يا اولاد الكلب بتكذبوا عليا طيب ماشى وانا مستنى الشملول

بقي ييزور النتيجة

ويجلس محارب فى انتظار عبد الرحيم والغضب على وجهه وبعد

ساعات من الانتظار وهو يفرك فى يده ويدخل عبد الرحيم من

الباب وهو يحمل شنطة الهدوم وفرحان وينادى على امه

_ يا امه يا امه

تنزل انعام جرى من فوق على عبد الرحيم ويأق محارب من

الصالة الى أول السلم وتقف انعام جانب محارب وعبد الرحيم

امامهم وهو فرحان ويقرب من ابوه

_ انا نجحت

لم يظهر أى اثر على محارب وانعام من فرحه عبد الرحيم وهو
يقول

_ ايه انت مالكم كدا بقولكم انا نجحت ايو يا امه نجحت
محارب باستهزاء

_ وجبت كام السنادى

يتفاجئ عبد الرحيم من الكلمة ولكن يحول الهروب من السؤال
ويقول

_ انا مش مهم الدرجة المهم انى نجحت

_ لا ما انا لازم اعرف انت جابت كام علشان اعرف انت هتخش
كلية ايه

يفكر عبد الرحيم ويضرب ارقام فى سره امام ابوه وامه ويقول

_ يعنى فى حدود خمسة وثمانين

ويلف محارب ويعطى ظهره الى عبدالرحيم ويخرج النتيجة من
جيب الجلابية ويقول

_ اقرأ النتيجة دى كدا

وعبد الرحيم يأخذ الورق ومحارب معطيه ظهره فينظر عبد
الرحيم الى امه وهى تنظر اليه ثم تنظر الى الأرض فينظر عبد

الرحيم الى الورقة ويقول

_ انت جبت النتيجة

ولم يكمل عبد الرحيم الكلمة وينهمر محارب عليه بالضرب ويقول
وهو يضرب

_ خمسة وثمانين خمسة وثمانين طب انا لازم اكلمهم التسعين

وتحاول انعام ان تبعد محارب عن عبد الرحيم وهو ينهمر
بالضربحتي يتعب محارب من الضرب وانعام تبكى يقع عبد

الرحيم على الأرض ومحارب يكمل ضرب فيه

وجلست انا وأمى ومحمد وسعاد نتفق على كيفية مشى الامور
معي في الجامعة قالت أمى

_ ماتقلقش معايا الفلوس بتاعت ابوك اللى فى البنك دول ماحدث
جه جنبيهم لغايه دلوقتي خد اللى انت عايزه منها للجامعة وانا
ربنا يقوينى ونكمل لمحمد حق الدروس من المعاش وبيع العيش
ورتبنا احاولنا على كل شئ واقتربت الجامعة وانا استعد للعام
الجديد فى الجامعة ولكن كان امامنا عقبة الأرض لم احد يريد ان
يزرع ويأخذ نصف المحصول فقررنا ان نأجرها الى احد الجيران ولم
يكن احداً يملك الوقت للارض بعد ان دخل محمد فى ثانوى وانا
فى الجامعة وأمى وسعاد يعملان فى الخييز وبعد عام من دخولى
الكلية طب القصر العينى جامعة القاهرة واندمجت فى الدراسة
وكانت أمى تفرح عندما ترانى ذاهب الى الجامعة وكانت دائماً
تصاحبنى حتى اخر الشارع وكانت لا تنادى عليا الا بكلمة يا
دكتور امام الجيران وكنا عندما نخرج الى اى مشوار سويماً فطول
الطريق تكلمنى عادى الا امام الجيران فكانت تبتكر اى شئ حتى
تنادى عليا بكلمة يا دكتور فكانت الغطاء امام الناس وعندما
نذهب الى المركز نأتى بملابس او نخرج فى اى مكان فكانت تريد ان
تخبر الناس بأننى فى كلية طب وانا فى أول سنة ولكن عند أمى
تخرجت وبقيت دكتور وكان الجيران لا يتكلمون معى الا وينادون
مثل أمى تنادينى بالدكتور وانا اعلم ان أمى تشبع جوع الذل
الذى رآته بالكلمة وبعد ثلاث اعوام من الدراسة على هذا الحال
ودخول محمد كلية هندسة وانا فى ثالثه طب فمرضت أمى مرض

شديداً وجلست في البيت ولم تخرج من البيت حتي اتيت بعريية
وحملت أُمى على المستشفى وأنا ومحمد حولها ومعنا سعاد
وعند الدكتور في المستشفى بعد ان كشف وقمنا بالتحاليل والاشعة
ومن وراء أُمى يقول

_ لازم عملية جراحية ضرورى عندها التهاب رئوى حاد
وده باين عليها من زمان فقفل شراين القلب نتيجة دخان او حد
بيشرب سجائر جنبيها كثير
وانا حزين واقول للدكتور

_ طب العملية هتتعامل فين يا دكتور

_ مفيش مكان الا معهد ناصر

واخرج على أُمى وهى تعبانة واخذ محمد على جنب

_ انا هروح دلوقتى اجيب الفلوس اللى فى البنك بتاعت ابوك
علشان العملية وانت خد امك واختك وروح علشان انا هطلع
على دكتور عندى فى الجامعة هخليه يشوف التحاليل والاشعة
وياخذ محمد أُمى وسعاد فى العربية ويذهب على البيت

وفى بيت محارب يظهر وهو ينادى على وحيد ويأتى اليه ولد
عنده خمسة سنوات وهو يجلس امام البيت فى الجنية وانعام
جانبه وتقول انعام بعد ان انزلت سميرة القهوة امامهم

_ ايه ماسمعتش باللى حصل

_ ايه اللى حصل

اختك صباح عيانه ويلفوا بيها على المستشفيات

_ ربنا يشفيها

_ ايوه ربنا يشفيها بس ايه شكرى ابن عمى استاذ لولاه كان زمان

- صباح واخده ربع الخير دا كله
 _ ماهو التانى واخذ شئ وشويات
 _ يستهال واكثر من كدا يستاهل
 تسمع سميرة الحوار وهى تقف جانبهم وانعام تنظر الى سميرة
 وتقول
 _ فى حاجة يا سميرة
 _ لا مفيش بس انا واقفه يمكن تعوزوا حاجة كدا ولا كدا
 _ لا خشى ولو عوزنا هنادي عليكى
 تدخل سميرة من جانب انعام ومحارب ويقول محارب
 _ انما الشملول ابنك فين مش باين يعنى
 _ مفيش بس من يوم ما جاب العربية وهو بيقعد فى المعهد على
 طول
 _ ايوه بدفع دم قلبى فى المعهد وكمان جايب عربية
 _ ياخويا خليه ينبسط هو الواحد بيعمل الفلوس ليه مش عشان
 يبسط بيها عياله
 _ بس مايخدش الفلوس دى كلها لى ايدك شوية الفلوس الكثير
 بتبوظ العيال
 وتغير الموضوع انعام بمكر الحریم
 _ انما ايه اللى جاب موضع عبده ما احنا كنا بنتكلم على صباح
 _ صباح ايه بقي ما انتى قطعيتنى من اختى من زمان
 _ ايه انت قلبك هيجن ولا ايه انت ناسى ان عندك عيلين لسة
 قدامهم كثير
 وتقطع سميرة حديثهم و تقول
 _ انا هنزل البلد هجيب حاجة وراجعة على طول يا أم عبده

_ ماشى بس متاخريش

وتذهب سميرة من امام انعام ومحارب

ولم احد يعرف ان سميرة هى الذى كانت تأتى من وقت الى اخر

لتطمئن على أمى من وراء محارب وانعام

وكانت تخبرنا بكل شى يحدث فى البيت وتخرج سميرة من البيت

وتأتى الى أمى وكانت أمى ترقد على السرير فى غرفتها ويجلس

بجوارها سعاد ومحمد وتنادى سميرة

_ أم عماد

وتدخل من الباب الى كان مفتوح بعد انا عاد محمد بامى من

المستشفى وتقف سعاد من جانب أمى وتجلس سميرة بعد ان

قبلت أمى من ايدها وأمى يظهر عليه التعب

_ حمدلله على السلامة

وترد أمى بصوت مذبوح

_ الله يسلمك ياسميرة

_ انا أول ما عرفت سببت البيت وقولت اجى اطمن عليكى

_ فيكى الخير

وتقول أمى وهى تنظر الى سعاد

_ اعملى شاي لسميرة

فترفض سميرة حتى لا يحس بغيابها انعام ومحارب وبعد قليل

تذهب سميرة وتقول

_ ان شاء الله هجيك كل يوم اطمن عليكى

وتخرج سميرة من البيت وتجلس سعاد مكان سميرة بعد ان ردت

الباب خلفها وعدت انا الى البيت بعد يوم تعب وشاق بعد صلاة

العشاء واخذت محمد وقولت له

- _ حاله امنا خطر والدكتور بتاعى قالى الحق اعمل العملية علشان
الشرابين ضيقة اوى
_ انت مش جبت الفلوس
_ ايوه
_ خلاص اجرى فى الاجراءت وربنا يسهل
وبدات فى اجراءت ودخلت أسمى غرفة العمليات فى معهد ناصر
وعملت العملية وخرجت من غرفة العمليات وانا ومحمد وسعاد
بجوارها فى المستشفى ثانى يوم العملية ويدخل علينا الدكتور الذى
اجري العملية
_ سلام عليكم
فأرد السلام انا واخوتي وأسمى كانت تعبانة من العملية وهو يمسك
الورقة ويقول
_ حمد لله على سلامتكم يا حاجة صباح
ويخرج وانا اخرج خلف واقول له
_ ايه الأخبار يا دكتور
_ هو لغايه دلوقتى الأخبار حلوة بس لسة هنشوف الجسم
هيقبل الصمام اللى احنا حطناه ولا لا
_ طب هى كدا ممكن تخرج امتي
_ والله مش قبل اسبوع بس هتحتاج رعايه
_ لا من الناحية دى اظمن انا طالب فى كلية طب وهعرف اعلق
ليها المحليل واباشيرها
_ انا عارف انك طالب عند الدكتور محمد الغزالى وهو كان
موصينى على العملية
_ شكرا يا دكتور

واستأذن الدكتور وذهب من امامى وانا ادخل على أمى
 _ خلاص الدكتور طمنى وقالى لو عايزين تخرجوا هيكتب على
 خروج بس بعد اسبوع
 وجلست جانب أمى على سرير
 ومر اسبوع و عدنا الى البيت مع أمى وكانت أمى ترقد على
 السرير فى غرفتها وكان الناس يدخلوا يزروها بعد ما عرفوا بعودتها
 من المستشفى ويأتى العمدة خيرى وهو تعبأن من المرض ولكن
 يصمم ان يأتى الى أمى ويتكلم معى عن حالتها واخبره بما حدث
 الينا فى المستشفى وبعد فترة من ميعاد العملية يضيق معى الحال
 من الفلوس فأنا اليوم احمل هم الاسرة ولا يوجد دخل الا المعاش
 وأتيت بمحمد وتكلمت معه فى الغرفة
 _ اسمع انا استلفت من ناس كتير
 _ والعمل
 انده على سعاد حتى تسمع ما نقول
 _ سعاد تعالى
 وتدخل سعاد الى غرفتنا ويجلسان الاثنين امامى على السرير واقول
 _ انا كنت عايز ابيع قيراط من الأرض انتم شايفين المصاريف
 عاملة ازاي
 تقول سعاد
 _ بس امك كانت بتحرص على الأرض من زمان
 _ عارف الكلام ده بس فى الوقت اللى احنا فيه ماينفعش نتأخر
 عن ميعاد الدواء
 يفكروا فى الامر ويقول محمد
 _ اتوكل على الله وبيع قيراط علشان نعرف نمشى

_ وانتي ايه رايك يا سعاد

_ بيع بس محدش يعرف امك احنا عملنا ايه

وبعد هذا الحوار بيوم واحد عرضت الموضوع على احد الجيران
انى عايز ابيع قيراط ارض ولم يوافق وكان يريد ان يعطينى الفلوس
سلف ولا ابيع له ولكن اصريت ان اكتب عقد القيراط ونقص
النصف فدان قيراط حتي استطيع الاهتمام بمصاريف البيت فأنا
اليوم فى رابعة طب ومحمد فى تانية هندسة وسعاد لم تكمل
وجلست جانب أمى فى البيت ومرت الايام علينا وكل يوم تتعب
أمى وكل دكتور يكشف عليها يثبت ان جسمها لم يقبل الصميم وان
عملنا عملية ثانية سيكون خطر على أمى ولا اعرف ماذا افعل
وانا كل يوم امر على جميع اساتذتى فى الجامعة ومعى كل التحاليل
والاشعة ولكن دون جدوي

بيت خالى محارب من الداخلى وينزل محارب من على السلم
ويرن التليفون الارضى ومحارب لسه بينزل من على السلم وتأتى
سميرة من المطبخ لترد يقول لها
_ خليكى انتى انا الى هرد

ويقترّب محارب من التليفون ويرفع سماعة التليفون ويقول
_ الو

_ ايوه انا محارب عبد الرحيم

يتغير وجه محارب وهو مصدوم

_ ازاي وفين

ويغلق محارب التليفون ويسرع على فوق يرتدى ملابسه وينزل
على طول ويركب العربية الذى اشتراها منذ عام عربية بيجو

رمادى ويذهب من امام البيت الى المستشفى بعد ان عرف ان عبد الرحيم عمل حادثة وهو دلوقتي في الانعاش ويدخل محارب مستشفى الحوامدية العام بالعربية الخاصة ويطلع على الانعاش يجد عبد الرحيم تحت الاجهزة ويجلس جانب عبد الرحيم وهو ينظر اليه في ذهول ودقيقة تدخل عليه الممرضة وتقول

_ لو سمحت ممكن تنتظر بره علشان الدكتور بيمر

يخرج محارب من الغرفة المجهزة وهو ينظر الى عبد الرحيم وكان عبد الرحيم في غيبوبة يجلس محارب في استراحة العناية المركزة وبعد قليل خرج الدكتور من عند عبد الرحيم ويقف محارب ويقول للدكتور في لهفة

_ ايه الأخبار يا دكتور

ويقف الدكتور امام محارب ويقول

_ انت ابوه

_ ايوه يا دكتور

_ ادعيه يعدى الثمانية واربعين ساعة بعد العملية ابنك كان بيسوق وهو شارب وباين عليه كان متقل في الشرب الخبطة جت جامده في الدماغ فعملت قلقلة في المخ فبعد الثمانية واربعين ساعة اقدر اقول اذا كانت العملية نجحت ولا هنعمل واحدة تانى ويذهب الدكتور من امام محارب ويجلس محارب يبكى ويرفع راسه فوق ويقول

_ يارب اقف جانبى

وبعد اليوم الاول في المستشفى يأتى الدكتور يجد انعام ومحارب بيكيان امام غرفة عبد الرحيم فيقول

_ ارجوكم امشوا دلوقتى ويبقى تعالوا شوفه بكره علشان كدا
 انت بتتعبنا ومش عارفين نتابع الحالة وانت واقف
 انعام تقول
 _ لا انا مش همشى واسيب ابنى
 والدكتور يقول
 _ ماشى يا ستى انا بقول تعالى بكرة الصبح
 محارب وهو حزين يقول للدكتور
 _ حاضر يا دكتور حاضر حاضر
 يسحب محارب انعام ويذهب من المستشفى وهى تمنع ان تمشى
 معاه وبعد الحاح محارب تمشى معه
 ويدخلان البيت وهم فى حزن شديد ويصعد محارب السلم مع
 انعام

وفى اليوم الثانى فى غرفة نوم محارب هى غرفة بها دولاب وتليفزيون
 وتسريحة وسريير وعلى يمين السريير درج وعليه اباجورة وعلى الشمال
 درج وعليه اباجورة ويظهر محارب وهو ينام جانب انعام على
 السريير وهو يهز راسه وعرقان ويقوم من النوم مصروع ويقول
 _ صباح ايوه يا صباح
 تقوم انعام على صوت محارب وفى لهفة
 _ ايه فى ايه
 وهو يجلس على السريير تحت اللحاف
 _ مفيش كابوس
 يمسك كوباية المية من جانبه ويشرب وتقول انعام
 _ ماتقوم نروح لعبد الرحيم

_ هتروحي فين دلوقتى فاضل على الفجر ساعتين نامهم ونقوم
نروح

ويكمل محارب نومه وهو يفتح عينه ويفكر فى الحلم الذى رآه
وكيف ينادى على صباح وينسى عبد الرحيم المتواجد فى المستشفى
ويقول بصوت منخفض

_ ايه اللى جاب صباح مع عبد الرحيم فالعربية

فكنت اجلس انا والعمدة ومحمد اخويا فى وسط البيت وتكلم فى
امر أمى فقال العمدة

_ شوف يا دكتور انا مستعد ادفع من جنية لمية الف

بس متأخرش فى علاج امك

_ عارف والله يا حاج بس الموضوع مش فلوس أمى تعبانه ومش
عارفة تاخذ نفسها من العملية الاولانية والدكتور خايف يعمل
التانية علشان جسمها تعب من الاولانية

وبعد الحوار قليل يقوم العمدة ليحضر نفسه لصلاة الجمعة
ونقف انا ومحمد لنصلى الجمعة فى المسجد وتركنا سعاد جانب
أمى

وفى الحوامدية العناية المركزة يجلس محارب وانعام امام الغرفة
وعبد الرحيم تحت تقصير البنج وقرآن الجمعة يقرأ ومحارب
يضع يده على خده وينعس جانب انعام والممرضين ماريين عليهم
وهم يجلسان على الكراسى امام الغرفة ويقوم محارب مصروع
من النعس وبصوت عالى يقول

_ صباح صباح ماشى يا ايه

وهو يقف فى زغفه وانعام تمسك وتطبطب عليه

_ اهدا اهدا

يجلس محارب وهو يفكر في ابيه الذى اتى اليه في الحلم ويوصيه على صباح ويأذن اذان الجمعة يقف محارب
 _ انا هروح اصلى الجمعة في الجامع الى جنب المستشفى
 _ ماشى يا خويا بس براحتك وادعيه

يذهب محارب من امام الغرفة بعد ان نظر على عبد الرحيم قبل ان يذهب الى الصلاة ويمشى في طرقة المستشفى وهو منحى ظهره ويمسك في يده العمة وينزل محارب ويقف امام المستشفى وينظر شمال ويمين فيجد المسجد يمين المستشفى فيدخل يتوضا ويخرج يصلى ركعتين تحية المسجد وهو يدعي في السجود الى عبد الرحيم ويقول

_ يارب ماتحرقش قلبى على ابنى يارب اقبل منى الدعاء ابتلبنى انا يارب بأى مرض انا راضى واشفى ابنى يارب ملناش غيرك ندعيه ويرفع محارب من السجود ويسلم من الركعتين ويسمع الخطيب ويقول الخطيب ؟

_ اعلم يا ابن ادم فلا يقبل منك صدقة ولا عمل ولا دعاء الا ان كان مطعمك حلال وعدد ساعات عملك تكفى الى اخذ راتب يكفى ما عملت فاميكونش شغال ثمانية ساعات وتجلس اربعة وتشتغل اربعة وانت بتقبض حق الثمانية فلا يبارك الله في المال وان بارك في المال وزاد اعلم ان الله سيحرق قلبك في الدنيا ونار جهنم والعياذب الله في الاخرة في اى شئ من نبذ في حرام فالنار اولاه ونحن الان في اختبار راجع نفسك واعلم ان الدنيا ليست باقية فالموت يخطف الصغير والمرض يلحق الجنين قبل ان يولد الى الدنيا فينظر محارب الى الخطيب ويهز راسه وبعد انتهاء الصلاة يركب محارب العربية ويخرج من المستشفى مسرع ويترك انعام

فوق جانب عبد الرحيم

كنت انا ومحمد والعمدة خيرى نقف امام المسجد بعد انتهاء الصلاة ونركب الكارثة مع العمدة فى اتجاه بيتنا ويقول العمدة _ انتم ساين امكم عامله ايه

وانا اركب على يمين العمدة ومحمد على شماله وهو فى الوسط يمسك بلجام الكارثة الذى يقودها فرس ابيض ونمشى فى طريق زراعى بين البيوت فرغات زراعية واقول _ تعبانة بردو يا حاج

_ صباح تعبت علشانكم كثير اوى ونكمل المشوار الى البيت وعند باب البيت تقف سعاد فى انتظارنا وعندما وقفت الكارثة امام البيت تأتى الينا سعاد وهى فى لهفة وتبكي

_ الحق امك يا عماد عندما اري دموع سعاد اقفز من على الكارثة ومحمد خلفى وادخل على أمى وهى ترقد على السرير بالجلابية السمراء والاشربى الاسمر على راسها وتغمض عينها وتخطر فى الكلام اجلس جانبها على السرير وامسك يدها واقول _ امه مالك

وهى لا ترد علي وتخطر بكلامات لن افهمها ويدخل محمد خلفى وسعاد والعمدة يدخل لاول مرة الغرفة علي أمى وهى ترقد ويقول

_ صباح يا بنت الغالى مالك يا بنتى حصلك ايه بس وملتف حاولين أمى وانا امسك زراع أمى اليمين ومحمد يمسك

زراعها الشمال وسعاد تجلس تحت رجليها ويقف العمدة امامنا
 وأمى تخمض عينها وتقول
 _ ابراهيم عامل ايه
 وفي هذه اللحظة ابكيت انا واخوتي وانا ابوس على يدها واقول
 _ قومی يا امه ابوس على ايدك تفتحي
 وهي لا تسمع احد وتكمل في الكلام وتقول
 _ ابا شوفت ابنك واللى عملوه فيا
 والجميع يبكي حولها وتدخل علينا سميرة وتقف دون حس وعندما
 تسمع أمى تقول
 _ ايه دا يا ابا بيت ليا
 وتبتسم ابتسامة خفيفة وهي تتكلم وتقول
 _ هو البيت دا ليا انا وانت يا ابراهيم امه وحيد
 وانا ومحمد وسعاد نبكى عليها ونمسك يدها وكان العمدة وسميرة
 يقفان ويبكيان والابواب مفتوحة وتقول أمى
 _ انا جاي بس مستنيا واحد لازم يجى مش انت قولت يا ابا انه
 جاي ماشى هاجى يا ابراهيم ؟
 نسمع صوت عربية تقف امام الباب وفي لحظة يدخل خالى
 محارب علينا الغرفة وهو ينادى بصوت على
 _ صباح يا صباح ويقف على باب الغرفة فيجد الجميع يبكي
 وأمى ترقد على السرير وينظر الى سميرة والعمدة وهم يبكيان
 وهو يقترب في ذهول نحو أمى ويقول
 _ انت بتعيطي ليه في ايه يا صباح يا صباح
 ويعد محمد ويمسك خالى يد أمى ويقول
 _ قومی يا صباح قومی يا اختى

تفتح أمی عینھا وتقول وهی تبتم وهو یبکی
 _ ابوک قالی انک جای قالی خلیکی محارب جای
 فیرد علیھا وهو یبوس یدھا

_ جانی وقالی روح لصباح وادینی جیت جری یا اختی
 سامحینی یاصباح سامحینی یا اختی کل ملیم اخدته منک
 هدیھولک عشرة بس قومی
 تنظر أمی الینا وتقول الی خالی
 _ العیال یامحارب یتعلموا

_ هیتعلموا وهفتح لعماد اکبر مستشفی وانتی هتکونی معانا وکل
 واحد من ولادک هینیلہ بیت وهکتبلہ الأرض الی هو عایزھا بس
 قومی انت

تنظر أمی الی سقف البیت وتقول
 _ ایوه یا ابا جه زیی ماقولت اشهد ان لا اله الا الله واشهد ان
 محمد رسول الله

تقع رقبة أمی نحو خالی محارب وتغمض عینھا واول صوت یطلع
 من سمیرة وانهمرت انا ومحمد وسعاد حول أمی ونبکی وانا
 امسک أمی من راسھا واقول

_ لا یا امه لا یا امه ماتسبنیش یا امه یا امه دا انتی الغطی الی
 بنتغطي بیه حرام حرام أمی ماتت یاخال أمی ماتت
 ویدخل علینا الجیران من صوت سعاد وسمیرة وکلنا حاولین أمی
 علی السریر وانا اقول

_ عایز ارد جمیلک یا امه ماتمشیش وانت تعبانہ یا امه أمی
 ماتت ماتت یاخال

وانا احضن أمی والجمیع یبکی حاولین أمی وامتلاءت الغرفة

بالجيران وبعد وقت من البكاء والصريخ
 اخرجونا الجيران من غرفة أمى وانا فى صدمه وعندما خرجت لم
 اري امامى فالبيت مظلم بعد ان فارقتُ حُضن أمى فكنت اغرس
 فى الناس واقع مثل الاعمي الذى خرج من بيته ولم يعرف الطريق
 وعندما سمعت رجل يقول الدفنة بعد صلاة العصر ارتعشت
 رعشة رجل كبير فى السن يقف فى الصحراء مجرد من ملبسه
 وتنهمر عليه الامطار ولم يسمع الا صوت البرق والرعد فجلست
 جانب الفرن وانا انكمش ولا اعلم ان ما اسمعه حقيقة أم كابوس
 فأريد ان اخرج من هذا الكابوس وادخل ارمى نفسى فى حُضن
 أمى وقفت مسرعا الى الغرفة فمنعوني ان ادخل وانا اقول سقعان
 سيبوني اخش عند أمى سقعان
 وانظر الى من يمسكنى وانا اقول

_ والله سقعان هموت والنبي سبنى اخش

وانا اضم يدي على بطنى وبعد ان تعبت من الكلام اخرجونى
 الرجال خارج البيت ولفونى ببطانية وانا لم اري احد من حولى ولا
 اعرف احد فالكل غريب عندي بعد أمى وانا سقعان وفجأه لم
 اعلم انا فين وازاي قومونى من بيت احد الجيران ومشونى خلف
 خشبة الميت والجيران تمسكنى ولا اعرف من فى الخشبة وانا مغشى
 علي نظرت الى الناس لم اعرف احد فوجدت محمد يبكي علمت ان
 هذه الخشبة فيها أمى الجوهرة البيضاء الذى اخذها الله منى
 اليوم وكنت اريد ان امنعهم من ان يحملوها الى الجبل ولكن انا
 امشى معهم بعينى فقط وجسمى كله ليس معى فمن الجيران
 من يساندنى من اليمين والشمال واجرجر قدمى على الأرض لم
 اعرف انها قدمى انا اليوم مشلول الا عينى تري كل شئ ولكن

تبكى فقط وعند الجبل وأنا اركب عريية لم استطيع النزول منها حتى اتوا رجال انزلوني واوقفوني على تربة أمى وهى تُدفن ولا اعلم كيف كنت اقف وكان اخى محمد ينهمر من البكاء ويعاقر مع الناس حتى لا تُدفن امي وسعاد لم تقف صامته فهي ايضا تعلم ان موت أمى مصيبه كبيرة ولا تسكت وأنا اقف لم افعل شي بل مشلول مسنود على رجال وفي أول ضربة فأس على قبر أمى بقيت اشاور عليها اريد ان امنعهم ان يردموا أمى بالتراب وكان الجميع ينظر الي ويبكى على بكاء اخوتي وبعدها انهمم التراب على أمى وقف الجميع يسمع الشيخ يخطب خطبة على أمى ولكن مهما قال ما يقال عن الأم فلا يوفي قدر أمى حقها وقال الشيخ كل شي جميل عن أمى فهى الذى توفي زوجها وصبرت وتعبت على ابناءها واليوم تلاقى ربها وكل ما يقال عن الأم قاله الشيخ ودع كل من كان فى الجبل الى أمى ولكن مهما تفعل لا توفي قدر أمى واعترض محمد وسعاد ان يعودا الى البيت وجلسنا جانب أمى انا واخوتي والعمدة وخالى محارب ولا نريد ان نمشى حتى اقترب اذان المغرب فقال العمدة

_ يالا يا محارب علشان العزاء

وبعد الحاح وتعب معنا من خالى والعمدة يحملوني ويدخلوني الى عريية خالى محارب ومحمد جانبي وسعاد وعندما دارت العريية بكيت بحرقه ونظرت والعريية تمشى من الازاز الخلفى على أمى وأنا انتظر وافكر انها تنادى علي وانظر شمال ويمين فالصوت مستمر حتى بعدنا من الجبل وأنا لا اصدق ما حدث وعدنا الى بيت خالى محارب وهم يجهزون للعزاء وندخل الى البيت فنجد النساء تملئ البيت وأنا لم اريد انا اجلس وسط النساء الذى يلبسان

اسمر في عزاء أمى وخرجت من بيت خالى انا ومحمد لنقف في العزاء وجلست سعاد مع سميرة داخل بيت خالى محارب فوقفت واخذت العزاء ولم اصدق ان هذا عزاء أمى الذى كانت تحملنى وتغطى عيوبى وبعد العزاء صمم خالى انا نبات معه فاعترضنا واوصلنا الى البيت انا واخوتى بالعربية ووقفنا امام باب بيتنا فهو مغلق ولا احد من اخوتى يريد ان يفتح الباب احنا الثلاثة نقف امام البيت وننظر اليه كما بيت غريب يركن خالى العربية حتى ينام معنا اليوم ويقف ينظر معنا بعد ان انزل من العربية ويمد خالى يده ويفتح الباب وعندما فتح خالى الباب دخلت مسرعاً الى غرفة أمى وانا اقول

_ اما انا نجحت

وافتح غرفة أمى فأجد السرير فاضى فبحثت عنها في كل الغرف المتواجده فيمكن اكون في كابوس او تكون عادت أمى الى الحياة ولم اجدها تحت فصعدت الى فوق وصعد خالى خلفى واخوتى يجلسان في وسط البيت يبكيان فأمسكنى خالى وانا في اخر سلمه وانظر الى السماء ولم اجد قمراً فيها ولا نجوم والظلام يحوم البلد فقال لى خالى وهو يمسكنى

_ مينفعش كدا اخواتك بيमतوا نفسهم من العياط تحت

وانا ابكى واقول

_ سبنى سبنى يا خال يمكن الاقى أمى هنا ولا هنا احب على ايدك سبنى

يسمع خالى الكلام ويبكى وهو يمسكنى وانا اقول

_ انا سامع صوتها والله انت مش مصدقنى أمى هنا أمى مخرجتش من البيت والله هى مابتخرجش لوحديها لازم اكون انا

معاها او محمد اخويا ومحمد تحت وانا اهو ييقي هي هنا
 فينظر خالى الى الأرض ويبيكى وانا اكمل
 _ انت بتعيط ليه انت مش فاهم والله مامتتش سبنى بس انا
 هشوفها فوق ولا لا
 ويتركني خالى وانا انادى عليها
 _يا امه يا امه انتى فين يا امه انا جعان
 طب خودينى فى حضنك وانا هشبع والله
 وبعد ان انزلنى خالى من فوق السطح جريت على الغرف ثانى
 وابحث وانظر يمين ويسار واقول
 _ هي فين الاوضه ضالمه ليه يا اما
 وبعد بحث كثير وانهمرت دموعى وجلست جانب محمد وسعاد
 وانا ابكى معهم واقول وانا انظر الى خالى
 _ اخرت اوى ياخال طب مين اللى هيزغرد فى الشارع لما انجح
 طب هو انا لو نجحت هتيجى تقابلنى من قدام الباب انا خايف
 واول مرة اخاف كدا
 فتعبت من البحث والكلام فنمت فى هذا اليوم الذى لن انساه
 طول حياتى كان يوم الجمعة ١٥ ١٢ ٢٠٠٣

اليوم ماتت أمى

اليوم ماتت أمى مات الحب والحنان
اليوم ماتت أمى ولا يخلو هذا اليوم من النسيان
اليوم ماتت أمى وانفجر من الأرض بئر الحرمان
اليوم ماتت أمى وغاب عنى اعز انسان
اليوم يُخيللى عقلى انى اجلس بين الجدران
اليوم سأعود الى البيت ولم اجد حزن الحنان
اين أمى اللتى كانت تُنير المكان
اليوم اقف وحدى دون غطائى امام الجيران
اليوم اقف وحدى دون حصن امان
وعدت الى البيت ابحت عن أمى فوق سقف البيت
وخلف الجدران
ولم اجد احد يُنير المكان مثل أمى فى هذا الزمان

ويوم السبت فتحت عيني وانا واخوتي ننام على الأرض في وسط البيت وخالي ينام بجانبنا ونظرت بعد ان استيقظت ونظرت يمين ويسار وانا انتظر رؤية أمي ووقفت اذهب نحو غرفة أمي والباب مغلق فتحت الباب وانا خائف ونظرت على السرير الذي لم تنام عليه هذه الليلة دخلت الغرفة وانا انظر الى السقف والجدران وجلست على السرير في ذهول

_ امبارح زى دلوقتي كنتى معايا وزى انهارده كنا بنحضر الخبيز
علشان السوق

فنظرت الى الغرفة وبعد قليل دخل علي اخواتي وجلسوا بجانبى على سرير أمي وسرح كل منا في ذكرياته في الغرفة وجلوس أمي فيها وبعد ساعة خرجنا من الغرفة بعد ان جهز خالي محارب نفسه لنذهب الى الجبل وعندما اقتربت من المقابر احسست اني سأجد أمي في انتظاري وكنت اتمني ان يكون ما حدث كابوس وجلسنا امام مقبرة أمي فهى الليلة الاولى لي ولاخوتي بعيد عن أمي وحضنها وممر شريط الذكريات والتعب الذى مرت به أمي طوال حياتها وللأسف لم تحصد ما زرعتة فينا فالجلوس امام الفرن طوال السنين جلب المرض والموت والفرق عن اولادها وممر أول يوم في الاسبوع بعيد عن أمي الذى لم اشبع من حنانها واعلم اننى لم اشبع طوال حياتي بعد ابى وأمى من الحرمان وعدي أول اسبوع فكنا كل يوم نذهب الى أمي ونجلس معها وفي يوم جهزنا انفسنا

وذهبنا الى بيت خالي محارب لكي يأخذنا ونذهب الى عبد الرحيم
وركبنا العريية وانا انظر من خلف ازاز العريية اجد النساء على

حافه التربة يغسلون المواعين وملابس الاطفال ومسكت مسرعاً يد
ازاز العربية وانزلت ونظرت اليهم وانا اذكر أمى يوم ما كانت
تجلس معهم ومريت على النخل الذى كنت احمل الجريد والجمال
الناشفة منه لتخبز أمى العيش وعندما اقتربت من المزلقان فرت
الدمعة من عينى والقطر يمر امامى تذكرت وقفة أمى على
الطريق وهى تحمل طشت العيش فى انتظار العربية فى كل مكان
فى البلد مرت أمى منه يعترف انها تعبت ولم ترتاح يوم واقتربنا
من المستشفى ودخلنا بالعربية وركن خالى على جانب الرصيف
وصاعدنا الى دور العناية المركزة ودخلنا وكان الطبيب المباشر للحاله
استاذى فى كلية طب وعندما رانى رحب بى

ودخلنا على عبد الرحيم غرفة بعد ان خرج من العناية المركزة
وكانت تجلس جانبه انعام وهى تحمل وحيد

ودخل خالى عليهم وقال

_ جاييلك ضيوف يا عبده

تنظر انعام وعندما ندخل تقف وتسلم علينا وتعزينا وتأخذ سعاد
فى حضنها ونقف جميع حاولين عبد الرحيم ويدخل الطبيب ويقول

_ هو عبد الرحيم يبقي ابن خالك

_ ايوه يا دكتور

يقول خالى وهو فرحان للدكتور

_ انت تعرف عماد يادكتور

_ ومين فى الجامعة ميعرفش عماد دا من اشطر الطلاب عندى

يرد خالى وهو فرحان وبطبطب على كتفى

_ اهو عماد ده ابن اختى ومحمد اخوه فى هندسة والبنوته دى

كمان

_ بحيث كذا عماد ممكن يخلى باله من عبد الرحيم في فتره
النقاهه في البيت

_ اكيد طبعا يا دكتور بس هو يشد حيله وانا مش هسيبه الا لما
يجرى زي الحصان

وبعد الزياره والحوار بينى وبين الدكتور واطمئنيانا على عبد
الرحيم خرجنا الى بيتنا وكانت سميرة تأتى في النهار تخدمنا وتعود
في الليل وانا ومحمد انقطعنا عن الجامعة وخرج عبد الرحيم من
المستشفى وذهبنا وجلسنا معه في البيت أول يوم وبعد نزولنا من
غرفة عبد الرحيم انا واخوتي جلسنا مع خالى محارب في الصالة
وهو يقول

_ انا كنت عايزكم في موضوع

فننظر انا واخواتي الى بعض واقول

_ خير يا خال

_ خير ان شاء الله انا عايزكم تقفوا معايا في اللى هعمله ده
اولا هبنى ليكم بيت زي بيت جدكم ده وهفرشه احسن فرش
وهجيب ناس تخدمكم في كل حاجة بس لازم وصية صباح تكمل
انت واخواتك تاخذوا الشهادة والبيت انا الى هبدأ في مبانيه من
بكرة وسعاد ترجع المدرسة وكمان كنت عايز اعمل البيت اللى
عاشت فيه صباح اختى مسجد ايه رايكم في الكلام ده

ننظر احنا الثلاثة الى بعض ونفرح واقول

_ بس في حاجة يا خال

_ ايه هي يا دكتور

_ سيب بيت أمى لينا وابنى المسجد في مكان تانى

_ ماتخفش يا دكتور كل حاجة هتكون بورق رسمى ويشهد عليه

الى انت عايزينوا بس انا عايز الناس تفتكر اختى بالخير فى المكان
الى عاشت فيه تعب السنين

وبعد الحوار مع خالى ذهبنا الى البيت وكل واحد يجهز نفسه الى
ان يعود للدراسة وعدت الى الجامعة والى الدروس والى اصحابى فى
الجامعة وكنت دائما اركب الى الجامعة من طريق البحر الاعظم
ولكن عندما عدت لم اركب الا من طريق السوق وعندما اقترب
تحت الكوبرى انظر الى المكان الذى كانت تجلس فيه أمى وهو
خالى وفى يوم السوق وانا ذاهب الى البيت بعد ان انهيت محاضراتى
ومن بعيد انظر الى مكان أمى فأجد عمود العيش الذرة وشممت
ريحه أمى فجريت نحو العيش لاجد المفاجأة

أم سماح تجلس فى السوق ولكن يظهر عليها الكبر وترتدى نظارة
نظر فابتسمت واتيت بحجر ووضعته جانبها وهى تنظر الي ولا
تعرفنى وانا انظر اليها وابتسم وتقول

_ خير يا ابنى فى حاجة

_ نستينى صح

_ يا ابنى انا فى سوق وباين عليك تعرفنى من زمان

_ الا من زمان انا اعرفك كويس

_ مش باين عليك محدش يقدر يقعد جانبى فى المكان ده

واستغربت من الكلام وقالت

_ ليه

_ اصل المكان ده محجوز

_ لمين

_ لواحد صحبى بتبيع عيش بردو

فرحت فرحه لن افرحها بعد موت أمى

_ بس هي مابتجيش من زمان

_ محدش بيغيب اكر من المكتوب بس انت مين

_ انا صاحب المكان يا أم سماح

نظرت الي في استغراب وقربت وشها منى وفجأه وهي تجلس على الأرض وانا جانبها قالت والدمعه في عينها وهي تشاور بصباع يدها وانا اهز راسي

_ عماد ابن صباح

_ ايوه

حضنتنى حضن يقرب من حضن أمى ولكن وانا في احضانها تذكرت أمى وهي تبكى وانا ابكى وبعدما انهينا من الاحضان والترجيب وحكيت لها كل شئ بعد ان ذهبنا من السوق بعد واقعه المحافظة وعندما علمت ان صباح ماتت ضربت بيدها على صدرها

_ يا حبيبتي يا صباح وبكيت كثير عليها

وانا اكمل لها ما دار بيننا وبين خالى وكيف عدت الى الجامعة بعد موت أمى ففرحت بي اننى في طب وعندما مر علينا رجل يحمل العصير قالت له

_ اتنين عصير في احسن كوبايه للدكتور عماد

وبعد ان شربنا العصير وانتهت بيع العيش فأصرت اننى اذهب معها الى البيت وكنت اريد ان اذهب معها ولكن لازم يكون يوم مترقبه علشان لن تكون معى أمى في هذا المره وهي أم الى بنات وتعود اننى كل سوق انهى المحاضرات واذهب الى أم سماح واجلس حتي تنهى البيع وتذكر ما كان يدور في الماضى بينها وبين أمى وكان اصدقائي يتعجبون من جلوسى جانب أم سماح في السوق وهم

يذهبون ويرون وأنا جالس معها وبالعكس بل كنت انا اعرفهم
اننى مع ميعاد فى السوق والكل يرمى عليها السلام وأنا جالس على
الأرض جانب أم سماح وفى يوم تأتى بنت فى الجامعة فى كلية صيدلة
وتقف امام أم سماح وتتعجب من جلوسى عندها وعندما وجدت
أم سماح تمزح معى ففتعجب وقالت وهى تقف

_ سلام عليكم

فأنظر اليها بنت فى سن العشرين تقف تحمل كتب بين ذراعيها
جميلة ورديت السلام انا وام سماح

_ وعليكم السلام

فتقول أم سماح الى ابنتها وهى تبسم

_ اهلا فاطمة

وتنظر فاطمة الى وتسأل امها

_ مين الاستاذ

دا بقى يا ستى ابن صباح الى كنت بكلمكم عليها ماشاء الله
فى طب معاكى بيحى كل اسبوع يقعد جانبى ونفتكر الى فات
ونضحك شوية

نظرت الى فاطمة نظره اعجاب وكانت أم سماح ترتب اننى اذهب
لزيارتهم بعد اسبوع حتى اتغدا معها وبعد ما انتهينا من السوق
وحملت فاطمة الطشت عن امها اعجبت اكثر بشخصية فاطمة
وعدت الى البيت وفى كل يوم لن انسى أمى فى كل خطوه فى البيت
اتذكرها وكل يوم احد اذهب الى سوق المركز واجلس مكان أمى
واتذكر الماضى واتذكر أمى وهى تجلس تبيع العيش ولكن تغير
السوق ليس فى المكان ولكن غياب الانسان ولا اجد من كان
يجلس معنا وسعديه لم تأتى الى السوق بعد مرضها الشديد ولكن

ما اذكركه في هذا المكان أمى الذى لن انساها طوال حياتي فهى
الجوهرة الذى خسرتها بعد ان راح ابى فى الصغر وتحملت هى كل
شى عنى وعن اخواتى فلا احد يحبنى مثل أمى

٩ سبتمبر ٢٠١٠

الخميس وقفة العيد

ينام عماد امام تربة امه ويمسك يده الولد الصغير ابنه

_ انت نمت ولا ايه

يفتح عماد عيناه ويبتسم فى وجه ابنه

_ لا ياعم

_ هو مش هنمشى بقي علشان نجيب اللبس

_ هنمشى بس عمك وعمتك لازم يجو

وينظر عماد الى البنت الصغيرة وهى بعيده عنه فينادى عليها

_ يا صباح تعالى هنا وتأتى اليه البنت

وينظر عماد الى الساعة فى يده اليمين ويقف والولد على يمينه

والبنت على شماله وينظر الى التربة ويبتسم ويقول

_ ماتخفوش عمرنا ما هننساكم فى كل وقت فكرنكم وعارف ان

دعائى بيوصل ليكم زي مقال الرسول وولدا صالح يدعى له والله

يا امه انتى وابويا انا بدعي انى اكون صالح علشان دعائى يوصل

ليكم

ويدخل المقابر شاب ومعه بنت وينظر عماد اليهم من بعيد

ويقول الى التربة

_ مش بقولكم مش ممكن ننساكم